


東方雜誌

第二期 第二卷



售例

- 一 本雜誌零售每册大洋銀二角五分預定全年十二册大洋銀二圓五角本埠外埠外國
 - 二 郵局新章見第二期本加增報紙寄費輪船火車直達之處為口岸如購一册郵費五分全年每册日本同輪船火車未能直達之處為腹地惟郵局新定章程如行駛小輪之處每購一册郵費壹角五分全年壹圓伍角外國同至未通郵政之處民局寄費閱者自給
 - 三 凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀二角五分計算寄足應得册數為止
 - 四 在總發行所定購者本埠按期派送不取酒資
 - 五 凡一人定購五份寄送一處者照價九折拾份者八折
 - 六 在總發行所定購者如遷徙他處務託安人代收一面知照總發行所改寄惟已寄原處之册不能複寄其在代售處定購者請自向代售處商辦總發行所不能接寄
 - 七 總發行所按期寄送以郵局民局回單為憑中途遺失閱者自理
 - 八 凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算餘二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折再折扣悉依原定全年報資核算如一千份者六折即每份以大洋壹圓五角核算是也惟郵費分文不扣
 - 一 代售處收到資費即寄總發行所如定購者不將資費照章寄足照第三條辦理至代售處遣人送報不得另索酒資
- 一 本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局
有正書局 保定府官書局 長沙集益書社 常德啓智書局 武昌文明書局 中東書社 新政書局 總派
報處 漢口 商務印書分館 江左漢記 廣東開新書報公司 聖教書樓 英文書莊 南昌廣智書莊 南
京明達書莊 中西書局 杭州崇實齋 採辦書報處 史學齋 蘇州廣智書室 日本東京金港堂書店

東方雜誌第二期目錄

圖畫

新簡駐坎拿大英總督顯理佐治

駐埃及英總督克羅梅

聖彼得堡

柏林

巴黎

社說

選論附

說變 本社撰稿 谷音

辨黃禍之說 本社撰稿 谷音

論日俄戰爭足以正政論之謬 譯日本明治三十七年九月東方協會會報

本社 依可

論外人在中國之勢力 錄甲辰十二月十三日時報

綜論甲辰年大事 錄甲辰十二月二十二日至二十五日漢口日報

論政府之蔑視民命 錄甲辰十二月二十五日中外日報

敬告當世青年 錄乙巳正月十八日時報

目錄

諭旨

正月初二日至二十五日

內務

論朝廷宜知人民之真相 錄甲辰十二月初三日時報

政務處覆奏遵旨妥議會議章程摺

政務處議覆改設江淮巡撫摺

政務處奏會議黑龍江添設地方各官摺

吏部奏酌改六部滿洲蒙古司員等選缺輪次摺片

戶部奏洋藥土藥害人耗財擬嚴定分年禁法畫一辦法摺

各省內務彙誌

各國內務彙誌

軍事

論今日宜預籌對待俄人之法 錄甲辰十二月十八日時報

論日俄和局 錄乙巳正月十二日新聞報

練兵處奏擬定營制餉章摺 營制餉章見後

練兵處兵部會奏另定新軍官制摺

乙巳

目錄

- 署兩江總督周奏請專派大員統御南北洋海軍摺
- 湖廣總督張奏定購快礮艦魚雷艇並自造淺水兵輪摺
- 署四川總督錫奏川邊巨匪就殲地方安靜摺
- 署兩廣總督岑等會奏收復羅城縣城剿匪獲勝請獎尤為出力各員摺
- 江西巡撫夏奏江西內河水師換造船隻並酌改營制餉章摺
- 署湖南巡撫陸奏湘軍赴桂協剿防地空虛添募新旗填紮要隘摺
- 欽差大臣兵部侍郎鐵奏整頓江甯旗營片
- 雲貴總督丁等會奏滇軍駐防粵境會同剿匪情形片
- 練兵處奏定陸軍營制餉章
- 各省軍事紀要
- 日俄戰事紀要
- 黑漢台戰
- 中立條約
- 旅行軍政
- 觀摩軍員

二

二月

外交

- 論中國人之弱點 錄甲辰十二月初七日時報
- 中外交涉彙誌
- 各國交涉彙誌

教育

- 論中國教育宜急圖改良之法 錄甲辰十二月初四日大公報
- 江蘇私塾改良會章程
- 各省教育彙誌
- 各省游學彙誌

財政

- 論統合預算財政法 錄甲辰十二月十一日時報
- 直隸總督袁奏擬試辦直隸公債票摺附片
- 署兩江總督端奏查明浙江嘉湖兩府漕務積弊情形摺

雲南巡撫林奏陳滇省實在情形懇免再派一切解款摺

兩湖總督張附奏進呈一兩銀幣片

各省理財彙誌

各國財政彙誌

實業

德人要求山東礦務續章駁議

節錄乙巳正月初六日中外日報

河南巡撫陳奏遊設罪犯習藝所酌議辦法摺

山東巡撫胡奏籌辦東省各項實業情形摺

出使俄國大臣胡致外務部招商造土製皮咨呈

德使照會外務部爭執山東礦務公文

山東巡撫爲德使爭執山東礦務事移行農工商務局文

山東華德礦務公司章程

各省農桑彙誌

各省礦務彙誌

各省工藝彙誌

商務

論商部與商業之關係 節錄甲辰十二月初四日時報

商部奏擬訂商標註冊試辦摺

商標類書

商部代表左參議王考察長江一帶商務情形摺

各省商業彙誌

小說

雜俎

期 二 第 誌 雜 方 東



目
録



四

二
月

新簡駐坎拿大英總督顯理佐治小君像



駐埃及英總督克羅梅君小像




聖 彼 得 堡



林 伯



黎 巴



商務印書館出版
格致類教科書

學務大格致教科書

洋裝一册
價洋五角

本館編譯○格致之要世人皆知新定學制各學堂皆有此科可知其要尤需特備通才編為是書肯應論
二物質三熱學四光學五聲學六電學七磁學八重率九率象十名著保潔華簡要不煩最便初學

學務大化學教科書

洋裝一册
價洋一元

英國史厄爾著山陰謝洪貴譯○化學教科書無善本本館特請謝君取史氏最新刊本譯成是編編觀全
書蓋有三善一編詳功用最宜實驗二撮要發問易於記誦三體察圖際兼使自修可為化學善本矣

學務大生理學教科書

洋裝一册
價洋二角五分

本館編譯○是編以法儒包培爾原著為本旁據他書略加增損分論行動養生覺悟諸具由人及物逐事
論明次章更推及植物尤足以見生理之著變解旨淺顯最便初學

學務大鑛質教科書

每部一册
價洋二角

本館編譯○我國鑛產甲於全球近續開采需材尤亟本館據日本鑛學話書輯為是編皆舉其最要及應
用必需者言之共分四章圖繪詳明

學務大鑛物學教科書

每部一册
價洋二角

本館編譯○是編與前書性質不同前書注重鑛理此則條分縷析務便學者書分二編上編為鑛物通論
詳於形體理化下編為鑛物分論詳於品類區別與前書有相得益彰之用

商務印書館出版
日俄戰紀

日俄戰事於東亞大局之關係甚鉅而於我國爲尤甚是以歐亞人士咸注目於茲役中外新聞雜誌記載甚多惟頭緒既繁尋繹匪易日本金港堂博文館育英舍富山房皆有日俄戰紀之刻爰仿其例輯爲是編自開戰以來迄於今日凡海陸戰事及關係於戰事之政策邦交無不備錄區分門類凡十餘種記錄詳盡斷制謹嚴每冊首列寫真圖畫若干幅皆關涉戰事之人物狀況及戰爭樞要之地理每足一冊即付手民陸續發行不預定期以戰局終結之日爲止

定價

洋裝

每冊

大洋二角五分

日俄戰紀之圖目

- 第一冊 ● 日俄陸戰地圖(平壤義州鴨綠江鳳凰城地方) ○ 日本國皇帝 ○ 俄國皇帝 ○ 俄關東總督(亞力喀塞夫) ○ 俄陸軍大臣(苦魯巴金)
- 第二冊 ● 旅順港地圖 ○ 日本軍事參議官(寺內、奧、大山、黑木、山縣、井上、伊東、山本、野津) ○ 日本艦隊司令長官(東鄉平八郎、上村彥之丞、丹岡七郎) ○ 日本三司令官(瓜生外吉、出羽重遠、三須宗太郎) ○ 日本七師團長(長谷川好道、小川又次、貞愛親王、山口素臣、井上光、西寬二郎、大久保春野) ○ 俄太平洋艦隊司

商務印書館出版
日俄戰紀

- 令長官(馬克羅甫)○俄旅順艦隊司令官(斯他司爾)○俄國哥薩克騎兵
- 第三册●鴨綠江戰地圖○日本旅順海戰司令官(梨羽時起、細谷資民、東郷正路)○日本艦隊在佐世保軍港啟行圖○日本魚雷艇隊第二次攻擊旅順圖○日兵放魚雷攻擊俄艦圖○俄太平洋海軍司令長官(司廓理羅甫)○俄陸軍大臣(塞喀羅甫)
- 第四册●日本三艦長(中尾雄、加藤友三郎、山田彥八)○日本步兵戰圖○日本砲兵戰圖○俄將斯他率兵渡貝加爾湖圖○俄國貝加爾之哥薩克兵隊渡冰圖○俄兵旅順砲臺禦敵圖○
- 第五册●日本三親王(依仁親王、菊麿王、博恭王)○日本砲兵鴨綠江激戰圖○日本堵塞旅順沈船情形○俄將苦魯巴金巡視旅順砲臺圖○俄將苦魯巴金巡視海參崴砲臺圖○俄戰艦彼得羅阿司克艦長(察科威列夫)○旅順第七戰被毀之俄戰艦彼得羅阿司克○俄戰艦彼得羅阿司克中雷沈沒圖
- 第六册●日本第十二師團長(井上光)○第二十三旅團長(木越少將)○第十二旅團長(佐佐木少將)○日本接應陸軍艦隊司令官(細谷少將)○裝砲汽艇司令官(關少將)○摩耶艦及艦長中川中佐○日本堵塞旅順口船員移乘小艇圖○日本堵塞旅順隊歸陣圖○俄國海軍大臣(阿韋蘭)○俄國道路大臣(喜勒廓甫)
- 第七册●日本皇太子○日本威仁親王○日本載仁親王○日本騎兵斥候乘

商務印書館出版
日俄戰紀

夜偵察敵狀圖○俄國苦魯巴金晤吉林將軍圖○俄國關東軍團司令本部○
俄國旅順守備兵第十二聯隊兵營並海兵團○俄屬西伯利亞布拉郭什臣斯
克曉景

第八冊●日本上村中將瞭望海參崴俄艦圖○俄將司廓理羅甫出海探敵圖
○俄司廓理羅甫艦隊攻擊日本商船圖○俄艦長與日本大尉在烟臺互毆落
水圖○海參崴港俄艦停泊情形○停泊海參崴俄艦(播憂禿艦格朗保艦露
西亞艦路利克艦)

第九冊●日俄兩軍金州大戰圖○其一○其二○其三○俄軍自九連城退入鳳凰城
圖○俄內務大臣(柏來維)小像○柏來維被殺時所乘車圖○瓦稍旅邸前柏
來維被殺情形

第十冊●日本看護婦會長錫島侯爵夫人小像○日本婦團隊歡迎麥基夫人
圖○日本紅十字看護婦會員練習綳帶圖○俄苦魯巴金率衆臨陣圖○俄逃
艦阿斯哥及格羅蘇堡○俄逃艦阿斯哥左右舙損傷圖

第十一冊●老鐵山圖○黃金角圖○日本東鄉司令官督兵備攻旅順圖○旅
順新舊市街中間之孫家溝○日本前駐俄國公使(栗野慎一郎)○俄國前駐
日本公使(羅善)○俄太弟(密喀爾)

第十二冊●奉天鐵嶺附近詳圖○日軍登山進攻遼陽圖○日本橫須賀船塢
○旅順全景○貝加爾湖○松花江岸○齊齊哈爾○俄國旅順船塢

社說

選論附

說變 本社撰稿

谷音

變之時義大矣哉。歲時一變令耳。寒暑一變節耳。人事一變局耳。天地一變場耳。榮枯哀樂一變象耳。無時不變。無地不變。無人不變。無物不變。而所變大率由少而老。由老而死。由榮而枯。由枯而落。由始而終。由終而壞。大地茫茫二十二萬。乃有浩劫盡虛空。無量數。無金剛不壞身。說者曰。精神不壞。雖然。是亦拘墟之語耳。夫精神無所麗。則歸於無。有人也。物也。皆所以附麗精神之具。而精神之所與長壽而無窮期者也。雖然。世界滅亡。何有於人物。此區區數千百年名師大哲忠臣烈士之精神。亦與天空同朽已耳。故世界無時不變。斯精神無日不朽。精神朽矣。不復存矣。其時吾人之軀壳之痛苦之歡樂之。妻子父母兄弟朋友君臣主僕田園甲第以及種種軀壳以外之物。割舍亦朽。不割舍亦朽。嗟乎。此即所謂天行之說歟。雖然。有持之者所持者。何持吾身與天行相抗。明知其不能不朽。而吾身一日不朽。則必使吾身外之物皆不朽。且必使古人之精神與吾心以不朽。此又人治之效。而善於應變者。泰西大名。家學理。鋒發。即以此召其國人。而相持相激。相鼓盪。天善變。人亦善變。天變雖

社說

二十九

乙巳

速。而。人。治。亦。愈。進。因。變。而。爲。之。功。人。道。之。福。乃。與。之。俱。進。泱。泱。哉。雄。於。地。球。夫。豈。無。術。以。致。之。哉。中。國。固。尙。楊。朱。之。說。者。朱。之。言。曰。百。年。者。壽。命。之。大。者。也。雖。然。達。於。百。年。者。於。千。人。無。一。焉。又。曰。人。之。生。者。奚。爲。哉。奚。樂。哉。曰。鮮。衣。厚。食。之。爲。爾。聲。音。美。色。之。爲。爾。又。曰。萬。物。所。異。者。生。也。所。同。者。死。也。生。則。有。賢。愚。貴。賤。所。以。異。也。死。則。有。臭。腐。消。滅。是。所。同。也。又。曰。十。年。亦。死。百。年。亦。死。仁。聖。亦。死。凶。愚。亦。死。生。則。堯。舜。死。則。腐。骨。生。則。桀。跖。死。則。腐。骨。一。矣。孰。知。其。異。且。趣。當。生。奚。遑。死。後。其。旨。趣。尤。別。於。莊。列。論。者。以。爲。絕。望。之。詞。陷。於。自。暴。自。棄。流。於。放。情。縱。慾。儒。家。至。詈。之。爲。禽。獸。夫。推。楊。之。說。固。狂。悖。而。陷。人。於。絕。滅。矣。然。其。所。持。之。故。則。甚。堅。而。不。能。遽。破。雖。以。孟。氏。之。辯。亦。祇。以。含。糊。之。辭。聲。罪。致。討。初。未。易。剖。析。其。所。以。大。得。罪。於。名。教。之。故。條。其。罪。狀。爲。天。下。後。世。告。楊。朱。有。知。豈。足。以。服。其。心。而。褫。其。魄。天。下。後。世。且。深。中。其。吊。詭。之。言。而。無。以。自。解。特。以。其。人。爲。聖。賢。所。訶。罵。不。留。餘。地。者。故。不。敢。明。目。張。膽。大。張。其。幟。而。隱。微。之。間。固。深。以。楊。言。爲。中。肯。於。是。以。儒。爲。用。而。以。楊。爲。體。以。儒。爲。標。而。以。楊。爲。本。以。儒。爲。粉。飾。外。觀。之。具。而。以。楊。爲。身。心。性。命。所。依。歸。此。中。國。之。所。以。幾。於。不。救。也。夫。死。者。人。之。所。同。惡。也。絕。滅。者。人。之。所。同。悲。也。人。生。於。天。地。間。營。營。然。若。不。可。終。日。者。索。縛。於。死。生。觀。耳。上。智。大。賢。則。舍。其。近。者。小。者。而。圖。其。大。者。遠。者。上。智。大。賢。又。不。易。得。曠。千。古。而。一。遇。中。人。之。資。則。舉。

以爲終老計耳。不然。爲身後之名計耳。推楊之言。則并此區區而大抉其藩籬。直以現身之安樂。不屑與其他相易。身後之名。更無足繫戀我。是以聖賢腐骨。大肆其驕恣戾之辭。悍然爲之。無所顧忌。雖爲聖賢所不容。而實爲中人所陰喜。蓋當前之樂。爲現時之實境。未來幸福。則爲不可知之數。常人又誰肯以及身安逸。易一不可知之物者。故若聖賢。雖交口詆訐之。無餘地。而其說終存於天下。必欲窮其辭。以大破天下之隱。則有一術焉。請申言之。夫人之所以從楊之教。而不待教令者。亦以當時之樂。不能輕棄。所謂我躬不閱。遑恤我後者已耳。則告之曰。不恤汝後。則汝躬且無以自存。匪直無以自存也。又且立滅焉。則汝當前之樂。又烏足恃如一室。然棟且折矣。屋且覆矣。不犧牲一時之安樂。以補苴脩葺之。則覆亡且立至。覆亡矣。汝之身。何由免。汝之安樂。又何所寄。然則謂汝身之亡。亡於安樂可也。今者天行之變。亦既烈矣。人治之變。無足以與爭。匪第無爭也。而楊朱之言。浸灌於人心者。深根固蒂。不可猝拔。其亡。其亡。繫於苞桑。我又何所於繫矣。夫世變。至今日。燎原灼天。無可比例。裂疆之戚。匪自今始。瓜分之禍。迫於眉睫。東方戰事。將次告終。西藏新疆。順流而去。索還威海。言者無靈。外人對我之策。蓋已不難逆料。而各國均勢。從而盾其後。吾土地有幾。財產有幾。人民有幾。不悉爲他人刀俎者。幾希。雖不必明言分割。而勢力圈之所及。隱然扼其

社說

三十一

乙巳

精。要。而。無。難。立。斃。況。分。崩。之。信。傳。於。人。口。者。哉。然。起。視。吾。國。則。政。策。之。顛。預。也。不。變。官。吏。之。營。私。也。不。變。羣。知。自。利。醉。生。夢。死。而。人。心。不。變。歲。時。伏。臘。歌。舞。昇。平。而。風。俗。不。變。以。不。變。之。國。當。至。變。之。世。遇。極。變。之。時。而。死。守。楊。朱。毒。人。之。說。嗟。乎。吾。不。知。其。變。之。終。極。矣。

辨黃禍之說

本社撰稿

谷音

白。人。所。謂。黃。禍。之。說。不。知。其。起。於。何。時。說。者。謂。成。吉。思。汗。以。鐵。騎。蹂。躪。歐。洲。西。歐。婦。孺。亦。嘗。震。驚。於。黃。人。之。大。創。而。黃。禍。之。說。以。起。然。事。遠。年。荒。無。從。究。詰。據。余。所。聞。則。黃。禍。之。說。殆。起。於。三。十。年。前。往。古。東。西。隔。閔。未。盡。交。通。言。論。流。傳。無。可。徵。實。即。曰。成。吉。思。汗。之。縱。橫。蹂。躪。然。其。勢。力。亦。僅。及。於。西。歐。黃。人。之。名。又。何。至。沸。騰。於。全。土。哉。按。去。今。三。十。三。年。以。前。俄。國。有。豪。傑。名。巴。克。甯。其。人。者。以。得。罪。流。竄。西。比。利。亞。後。逃。去。微。行。入。關。徧。歷。中。原。各。地。東。至。日。本。時。日。本。正。在。維。新。之。初。一。意。變。法。上。下。踴。躍。君。若。臣。若。士。相。與。振。迅。乎。朝。野。志。氣。蓋。一。世。巴。氏。歸。而。揚。言。於。衆。曰。設。有。餓。虎。幾。億。兆。一。時。來。襲。此。固。甚。足。恐。怖。雖。然。此。特。獸。畜。已。耳。不。難。以。文。明。利。器。撲。滅。之。若。以。五。億。之。人。衆。大。舉。兵。刃。肉。薄。相。逼。則。何。以。禦。之。今。者。日。本。汲。汲。於。泰。西。之。事。物。不。惜。棄。其。故。步。取。法。列。強。計。其。卒。業。不。出。四。五。十。年。率。今。日。之。生。徒。驅。俄。人。於。北。亞。直。易。易。耳。然。以。叢。爾。島。邦。遂。能。大。舉。吾。人。必。不。敢。深。信。然。其。鄰。又。有。中。國。疆。域。之。廣。人。民。

之衆。物產之豐。非吾全歐所豔道而稱許者乎。他日者。以日本之雄。與之聯合。則黃色之蠻族。如潮而東。汎濫橫流。不可抑遏。雖盡全歐之兵力。烏足以禦之。思患預防。時不我待。今不早籌應付之策。恐噬臍之悔。終於無及已耳。此論一出。而當時人士。同聲贊和。以曩者覬覦東亞之心。變而爲操刀必割之計。蓋明知睡獅未醒。易於酖毒。剪除中國。則亞洲主權。通盤在握。日本無足介意。若暹羅。若安南。若韓。是又奇零之餘。不必置慮。故其所畏者。中國也。日本雖強。無中國以捍其外。則日本之資格。平心論之。亦不過自完其疆圉。爲王者師而已。又何足忌。又何足忌。不然。甲午。以還。黃禍之聲。頓息於天壤。時日本正爲戰士得意之秋。何不聞歐人起而慕之。以騰其口說也。近者。自日俄開戰之始。兵刃甫交。而強弱之情。立見。俄軍雖夙有悍名。而土崩瓦解。不可終日。黃禍之說。又喧呶於西歐報紙。說者謂出於俄人煽動。蓋欲以種族之情。警其儕類。使爭爲己助。而陰有以離英日之交。解敵人之勢。日人亦明知其用意之深。斤斤然若懼其說之偶行。則己且爲世界戎首。羣起而攻。後事且難逆料。故愈自謙挹。以結白人之歡。而主持清議者流。作爲論著。以辯其說之不可信。累牘連篇。刺刺然不能已。欲以釋白人之疑。使不致旁生枝節。未幾。黃禍之論亦稍息矣。說者曰。是蓋日人力辨之功。雖然。我於此獨有一說焉。今之世界。以日本之國家之實力。雖使日人不翼而飛。肆

鐵騎於俄之京城如拿破侖故事亦不足以震懾全歐之膽歐人雖至怯盡十餘強大文明國犬牙錯立見日人勝一腐敗專制之邦又何致圍視而起以黃禍之惡聲叫呼於世使歐人而果出此其量蓋亦淺矣然則奈何曰歐人之爲此言蓋特爲中國發耳夫世界事最足以刺激神經者莫如戰最足以輸灌文明者亦莫如戰戰者存亡絕續之交而爲改革國家之原動力譬彼潮流挾泥沙而淤積浸積浸滯束而爲壅非大波軒然而來排天地決隄防而無可復通之一日戰爭者蕩滌腐敗之大浪潮也然使身當其衝相見於砲火一敗而殲固無待論即勝矣而元氣彫零非數十稔不能遽復涵養休息此數十年中雖有雄桀仁智之君臣亦僅能補苴罅漏延宗祚於來日已耳語諸振興之義則相去固懸乎在後未可遽爲論列也獨是日俄之戰以中國身居其間人當其衝而我乘其弊不必出中原之全力固可以偏師博至大之功乃失此不圖退而中立自吾人觀之蓋其失機誤國爲九州之大錯矣然歐人則所懼特甚彼以爲中國苟非腐敗則挾其龐然之資格誠哉無可與京而此次戰爭中國雖居局外而天之予以刺激者必至深且烈兩虎相爭列強袖手彼得以一旅之師守其分界而從容規畫於國門之內舉所以腐爛之原而痛除之舉麻木不仁之疾而大灸之乘列強不暇染指之時爲正本清源之治日俄戰事告終而此老大帝國已眈眈然岬

起於東方。思有以執天下之牛耳矣。歐人又明知中國人之恆性。視他人爲轉移。日本而敗。則以爲日本師法泰西三十年其成效不過如是。何足學。夫然則安於繼弛。或且依附新勝之俄。聽其宰割中國。如是固歐人之切望。備其鸞刀爲分鼎一鬻之計。斯亦已耳。日本而勝。則異是。故中國之振拔與否。以黃人之勝負爲衡。未幾日人果捷警報紛傳。歐人羣謂中國必不安於老大矣。天假之緣。逢此佳會。黃人勢力其何可量。白種天驕。今且不能安枕。於是黃禍之語不召而興。說者沾沾於一孔之末。從而辨之。斥爲好事之說。繁徵博引。明其無據。吁亦可笑已。夫去歲黃禍之證。最盛於仁川初捷之時。其後下九連城。渡鴨綠江。迫苦魯巴金於遼陽。走亞歷塞夫於哈爾濱。甚至旅順陷落。司徒塞爾親降。戰功之烈。煊耀四海。向之主黃禍論者。乃絕不聞聲。彼蓋見中國之一無聲息。雖經若斯之刺激。仍寂然不動。政府之安閒也。如故。官吏之營私也。如故。人民之酣睡也。如故。不肖之賣國也。如故。兩強相鬪。於其境不爲動。匪第其境也。闕於其室焉。匪第其室也。闕於陵寢焉。而上下酣嬉。後先塗附。此而不能急起。則終無夢醒之一日矣。行尸走肉。不出三年磨刀霍霍以宰此雞豚。供吾一飽已耳。何黃禍之足云。嗟乎。同此心肝。能無悱惻。我國人其有以處之。毋徒辨黃禍之無徵。爲他人竊笑。以自速其亡可也。

論日俄戰爭足以正政論之謬

譯日本明治三十七年九月東方協會會報
本社譯稿

依可

近世論政治者。或謂日本立憲以來。流弊滋多。代議政體。殆非日本所宜。且今之時勢。此等政體。已成弩狗。如德國者。既漸傾於專制。俄國雖有改立憲政之約。而今日深悟其非。乃益擴其專制之範圍。而國威愈以布濩。前年日本政府嘗譯俄文某書。專為俄國專制政體之保障者。蓋近日議論之趨勢如此。雖然。彼等所謂立憲國之弊。豈政體之咎。乃其國社會急宜改良之證耳。憲政濫觴於英。英之歷史亦以漸進步。至今日而尚未敢謂之完備。前七八十年。維多利亞即位之初。政治與今懸隔。畧如今之日本。更溯其前。由若爾治第三而第二而第一。其政治不完為尤甚。賄賂公行。穢迹昭著。凡議員贊成政府之議案。則給以酬金。由議院出行至大藏省。其牆有穴。探手其中。取所約賄金以歸。其他或不問其流品。而概贈勳章。其買收議員也如是。又追溯查爾斯第二。無論官黨民黨。悉受干涉於外國。國王殆如法王之奴隸。受法王之金。迎合其意。其自由黨之首領。亦常被操縱於法王。於國王之所為。不反對亦不贊成。是豈非官黨民黨互賣國於外人耶。至於今日。積弊始滌。其擴選舉權於下等社會也。雖亦不免弊害。而終保其體面。不可不謂之大進步矣。要之英之政治。歷時甚長。而前無成例之可鑒。故進步甚緩。日本則於各國歷年經驗之後。參考其長短。而採用之。

政體之完具。必當較易。英以二百年者。日以二十年。英以三百年者。日以三十年。可矣。惟政治不能超軼社會而獨占進境。其程度恆與社會全體之智德相準。如英國維多利亞時代之社會。若爾治第三第二第一時代之社會。查爾斯第二第一之社會。皆適與其時代之政治同度也。故欲改良政治。不可不圖社會之進步。請舉其例。今日英國之宴會。從無醉人。而若爾治第三第四時。大政治家皮脫。常大醉。凭他人肩而進議院演說。世無非之者。更溯查爾斯第一之世。其宰相波林布洛克。晝夜沈湎。亦今日所無。此雖小事。然亦足爲政治與社會並進之徵矣。不觀俄國乎。社會程度。尙不適於立憲。然世輒以爲行專制政治而有效者。是非以政治言之。而特以其版圖之擴張言之耳。然其擴張之故。由於四鄰諸國。非野蠻則老大。故受其侮。而不抗。非專制政體之力也。今敗於日。則其效可睹矣。俄之政治。若外交。若海陸軍。種種誤謬。殆不勝言。其內治亦然。方拿破崙之陷莫斯科也。雖終被擊退。俄人以此自誇。然俄民實以拿破崙爲眞救世主。爲救我輩壓制之苦難而來者也。夫以敵國之主。而崇拜信仰之如此。足以見俄民苦憤專制之篤矣。然所謂君主專制者。實亦有名無實。蓋俄皇雖擁虛名。而官吏跋扈。各部大臣。幾有割據之象。非帝者所能制。亦與中國土耳其相類。履其內地。則鐵道車站。行旅往往遇盜。其盜爲警察長所派。日有常糈。分其贓物。時或爲他

官廳兵力所驅散。則本區巡丁。悉已爲盜。又有縣令。通於商人妻。爲商人發覺。誣以罪。而沒其財產妻女。彼俄人自陳其國之惡政。常更僕不可終。是安見專制政體之有益於國乎。今之政黨。幸無望以專制易立憲。卽現在之憲政。而更求進步焉。可耳。吾於俄德法三國干涉遼東之時。嘗力言俄之不足怖。心理學家所謂人怖暗室。其可怖者不在暗室。而在人心。各國怖俄之病。其猶是歟。自日軍勝俄。而俄國專制政體之弊。惡。悉已宣洩。於是世界之怖俄病。大愈而立憲。不如專制之說。亦不攻自破矣。

論外人在中國之勢力 節錄甲辰十二月十三日時報

日俄開釁。各國均認中立。中國亦隨各國之後。宣告中立。迄今旅順既下。戰事之前半期告終。即後半期之勝負。凡稍明時局者。亦莫不有其最後之評判矣。然遷延一年。卒未惹起第三國之戰爭。卽中國亦始終徘徊局外。是不可謂非各國保守中立之明效也。乃記者深維中國今日大勢。熟察列強在此戰期之內。所以對付中國之策。有獨於保守中立之外。收特別之效果焉。儻亦有心人所願聞歟。

十九世紀末葉。列強在中國之實行強權。立於對待之地位者。宜莫若英俄。英攘我利權。俄侵我土地。俄窺我西北。英逼我東南。乃俄人以始不得逞志於西鄙者。轉而圖南。掠中央亞

細亞諸回部。浸淫蠶食。至阿富汗。勢力所至。逼我衛藏。以與英屬印度。密邇相接。於是兩國互相衝突。時將爆發。然而莫敢先發者。懼列強之逞其後。而失敗後之墮落名譽也。去冬日俄開戰。英人乃喜出望外。乘機入藏。用兵不過數萬費時不及半年。俄人牽於遠東之役。坐失事機。中國玩愒。因循明知故昧。舉面積五百九萬方里之領土。掩耳閉目。而一聽他人之取攜。此英在日俄戰期以內。於保守中立。外收特別之效果者也。然自政府視之。猶曰此吾遠邊藩屬。固吾力所不及庇護者也。則請言其據吾咽喉而貫吾腹心者。

德自丁酉冬以吾民殺其二教士之故。悍然出兵。佔踞膠州。窮年經營。遂得膠濟路權。不甯惟是。其在山東所行帝國政略。實具完全資格。而不容有他人涉足之處。試問各國所認爲在中國之勢力範圍。所謂各訂其不再租借或割讓與人之約者。其實力有如德在山東之鞏固者乎。日俄戰起。德既宣言中立。卽在山東調艦增兵。藉口於保護中立口岸。而德在山東之勢力。遂又突長進步。其外交家。仍以悍鷲陰險之手腕。百出其奇。而未有已也。本年六月二十八日。乃有德艦佛微賜法特蘭德。駛入鄱陽湖游弋演礮之事。江西大吏力阻不聽。時論遂有德人將與英人角逐揚子江勢力範圍之說。記者嘗竊疑其不然。以爲英德甥舅之國。未必肯遽出此衝突之舉也。列強外交政策。純用聲東擊西之法。指甲索乙。因此及彼。

往。往。起。因。於。得。地。而。結。果。在。索。賠。或。致。力。在。東。南。而。收。效。轉。在。西。北。以。此。鏡。列。強。外。交。之。歷。史。可。十。得。八。九。焉。竊。謂。德。人。此。次。強。索。鄱。陽。湖。游。弋。演。礮。之。事。蓋。仍。用。此。法。以。爲。別。索。取。償。之。地。乃。未。幾。而。朝。旨。有。東。撫。調。署。江。督。之。命。當。時。遂。有。謂。政。府。因。恐。德。人。在。揚。子。江。發。難。以。周。玉。帥。在。東。撫。任。時。與。德。人。至。睦。借。以。交。權。預。爲。德。人。發。難。之。地。步。是。說。也。仍。吾。所。謂。知。其。起。因。而。不。知。其。結。果。者。也。然。則。其。結。果。何。在。曰。不。觀。近。日。西。報。所。載。製。造。局。改。用。德。人。之。事。乎。此。說。誠。確。吾。恐。全。國。製。造。軍。火。之。權。皆。將。入。德。人。掌。握。即。此。一。事。玉。帥。可。以。謝。德。人。鄱。陽。湖。游。弋。演。礮。之。問。題。矣。往。者。某。督。聘。德。員。教。習。陸。軍。致。全。國。陸。軍。指。揮。之。權。幾。盡。歸。德。人。之。手。近。以。怵。於。偏。重。之。弊。易。以。日。人。德。人。正。懊。惱。喪。志。今。乃。忽。續。畀。以。全。國。製。造。軍。火。之。柄。是。正。以。償。其。前。日。所。失。陸。軍。教。習。之。利。而。加。倍。以。償。其。息。也。此。吾。所。謂。指。甲。索。乙。之。說。其。可。證。者。一。也。又。前。日。朝。廷。以。胡。方。伯。調。署。東。撫。之。命。下。而。德。使。即。向。外。部。要。求。更。調。旋。德。人。又。復。辯。明。並。無。要。求。之。事。乃。本。月。初。五。日。上。諭。果。有。江。西。巡。撫。著。胡。廷。幹。補。授。楊。士。驥。著。署。理。山。東。巡。撫。之。旨。尙。得。謂。非。德。人。竭。力。運。動。之。效。果。耶。夫。更。調。督。撫。之。權。朝。廷。且。不。能。自。主。尙。得。謂。之。有。國。權。乎。昔。者。俄。人。在。東。三。省。嘗。不。認。吾。簡。放。之。將。軍。道。員。矣。然。俄。猶。藉。口。於。亂。事。未。平。代。吾。平。亂。舊。有。華。官。尙。足。鎮。服。民。心。無。俟。更。易。也。今。德。果。以。何。事。而。不。承。認。

胡方伯接受東撫之任乎。此吾所謂致力在東南而收效轉在西北之說。其可證者又一也。此德在日俄戰期以內於保守中立外收特別之效果者也。

已矣。列強實行瓜分中國之起點。論者咸謂兆於膠州一役。嗣是而旅大而威海而廣州灣。廣續租借。訂不再租借或割讓與他國之約。中國喪失港灣口岸。自茲役始。乃觀於德人在山東干涉政治實力之鞏固。又爲列強在中國勢力範圍之所無。而近者周玉帥又將授德人以全國製造軍火之柄。卽此數端。吾恐他日列強分割吾行省。又必以德人佔領爲之倡也。嗚呼。山東者直隸之屏蔽。而中原之右臂也。山東危而大河以南長淮以北隨之矣。而況近者俄既東扼於日本。失地喪師。奇憤莫洩。方責我以不守中立之故而啟釁。又在目前。恐新疆伊犁危急之報告不久。又將震吾人之耳鼓矣。芒芒禹域。將坐視其陸沈。而不一爲援手耶。吾不忍復言矣。

綜論甲辰年大事 節錄甲辰十二月二十二日至二十五日漢口日報

日月逝矣。雨雪盈矣。甲辰之歲。將告終矣。自古志士仁人。未有不愛惜光陰者。況乎一國之大。萬姓之衆。五洲交通。四方多故。一歲之中。其言論舉動關係不更重且鉅耶。烏可不於此時。日中一爲省察過去者已矣。未來者無窮。失者當相戒得者當相勉。吾人負清議之責任。

有代表之職分。因循玩愒。虛擲此三百六十日。而無所貢獻於同胞。補助於祖國。滋愧疚焉。爰綜述本年內外大事。以當徇路之鐸。論其大者。小者。略之覽斯篇者。其亦怦然有動於中歟。

一、英藏條約。英窺西藏久矣。遲而不發者。懼俄爲梗耳。今俄人注意東陲。無暇西顧。遂乘機進擊。我國政府。綢繆無策。事後皇然。書電交馳。爭以口舌。彼安能甘心受之乎。於是始有派唐紹儀入藏之命。而英人要挾各款。已播於外。其足制我大命者。尤在川藏鐵路之條。西伯利亞故智。可以洞見。前車已覆。後軫方遑。唐京卿必將有以慰我也。

一、粵漢鐵路。自夏以後。歷三時矣。粵漢鐵路之問題。迄無決論。夫美人之售票與此。不踐前約。曲固在彼。粵湘鄂諸紳。既出而爭。自以收回自辦爲斷。八九之交。提議頗力。乃自王之春被刺。楊度東行以後。寂無消息。而三省籌款。亦無影響。豈遂置之不論耶。何虎頭蛇尾至於斯也。假使以此之故。竟棄路權。則不特三省人之目的。虛懸。熱心空負。而外人窺破內情。將益輕我。無主之物。人得攫之。恐接踵而來者。方興未艾矣。

一、比國借債。比在亞洲。向未有名。自蘆漢鐵路之興。遂占勢力於我國。其人以柔道從事。使人忽不加察。不知興路之款。大半出於巴黎伯林。比之力固不至此也。頃聞戶部有借債

於比之議。其以彼財力雄富耶。抑以其柔順易與耶。同一非族。安有善惡。吾恐以借債之故。將影響於粵漢鐵路。並及於他處路權。且聞有以山西釐金爲抵項之說。則三晉雲山將爲紅紫。三廂之旗。所占履霜。堅冰爲患。正遠此全國之人。皆當注意者也。

一、賠款用金。自辛丑以來。迄今四年。各省交還賠款。力竭精敝。今秋忽有索賠金鎊價值之說。計需款一千數百萬兩。於是各省疆吏。旁皇莫措。竊謂辛丑和約。本有可以還銀之據。而不與爭。金鎊價值一千餘萬。不知其若何計算。而不與爭。各省籌款爲難。政府亦具知之。今迫於各國要求。但催速籌。不問其他。豈疆吏皆王陽耶。各海關稅款。皆有抵用之處。今亦派解數十萬。豈關稅果無盡藏耶。夫賠款之數。使當日不以銀計。而必以金計。我固無如何也。既已允我交銀。而忽以鎊價不敷。責償於我。譬猶商家交易。彼此定一空價。而後日貨物之漲縮。尙不得取償於買主。況以國家之大業。反不若商家之誠信。謂之何哉。四十五年之期限。尙遠四百五十兆之賠款。尙多吾恐補償不已。將至加息。加息不已。將至縮限。日陵且削。促我速亡。可不及此。磋磨以爲後計耶。

一、精琦議幣。美使精琦。今年游歷各省。至於京師。謁見大僚。議論幣制。而疆臣則彼此推諉。部臣則內外推諉。歷時數月。未有定議。吾聞精琦之求。初意將倚某相爲奧援。以理財名

家自詡謀據吾財政之權。故先自周游各國。廣加研究。豫備措施。幸而某相已故。外部未預此議。又以江楚兩督。奏請拒絕。始不授以大柄。而精琦目的未達。壯心未已也。夫埃及之亡也。以英法人代理財政之故。今吾海關稅務。假手英人。已有太阿倒持之勢。若再加一精琦。則循轍赴軌。將步埃塵。近來赫德一再條陳。請加畝稅。請辦土稅膏捐。實欲包攬我財政全權。以陰行其滅國政策。吾願當軸諸公。鑒往察來。密爲防範。慎勿輕召外寇干涉。內權庶幾一線生機。未遽漸滅。福建船政監督杜業爾之事。亦前轍之可借鏡者也。

一、僧乞護法。佛入中國。三千年矣。大地僧衆。常占有特別之權利。戊戌變政。曾有廢僧寺道觀。改爲學堂一條。以無用之資財。充有益之經費。法至善意至美也。繼以政變不果。近年學堂漸興。當事者以經費難籌。思踵行前策。而僧衆恐不利己。乃乞護法於日本。聘日本寺僧。來華住持。一見於廣東。再見於杭州。名曰改良佛教。實則抵抗國權。誘民稗類。種族思想之泯沒。奴隸根性之深固。實五洲所罕聞。古今所未有也。然聘請日僧。演說佛理。究與耶穌天主之傳教有殊。亦與奸商市僧之掛旗有別。地方官長。苟能雷厲風行。據理力斥。嚴辦數人以寒奸僧之膽。不因此以阻撓要政。則賊禿計竭。庶不致釀爲國際交涉與教案商務等觀也。

一、廣西軍務。廣西軍興於今數年。耗費糧餉。以數百萬。人民死亡。以數千萬。近月以來。始聞捷音。賊首成擒。峒巢攻破。朝野上下。皆欣然色喜。然而匪勢則已衰矣。日後之事。乃有百倍重於今日者。夫爲匪之人。非皆廣西土人耶。何以挺而走險。豈其不愛身家性命。有異常人耶。其中要有原動力焉。則民窮財盡。無以爲衣食之資。雖慈父不能有其子也。爲今之計。亟宜乘亂定之初。將一切政治。大爲更始。廣興學校。以啟民智。多闢利源。以養民生。客軍雲集。尤宜善爲遣散。幸勿謂兵威已振。遂易視之。而貽除惡未盡之憂。留風吹又生之患也。

一、裁汰冗員。今年先後奉旨。裁粵海淮安兩關監督。及江甯織造。雲南湖北兩巡撫。又各省奏裁糧道運使等缺。皆冗員也。每年節省經費俸廉等項。約可三四十萬。夫以節省虛糜論之。當此財力奇絀之時。歲得餘此三四十萬金。不無小補於度支。然以爲裁所當裁。則似此冗員。正復不知凡幾。以爲裁所不當裁。又何以解於被裁之員。蓋天下員缺。正途少而捐納多。朝廷特懸一格。以爲之招。及既入貲。中道而忽棄之。此輩安富尊榮。習慣無所事事。類皆遊民之大者。以之治事。則不足以之煽亂。則有餘。倘一旦援此例。以爲裁汰。吾知六七八九品之佐貳雜職。因而失業者。無慮十數萬人。舞文作奸。皆爲擅技。不南走越。則北走胡。彼時欲不裁。則無以服。既裁及未裁。而任事者之心。且無如許。差缺爲安頓冗員之地。欲

竟。裁。而。裁。後。之。隱。憂。方。大。皆。此。捐。納。一。途。有。以。階。之。厲。也。故。曰。清。冗。員。之。源。在。停。捐。納。奈。何。計。臣。方。又。以。重。開。實。官。捐。爲。請。也。

一、破格用人。宋明以來文武分職。世亂尙武。世治尙文。而武臣雖位至提鎮。曾不敵一州縣。文臣之踞其上承其下者。往往視之爲無足輕重。武臣亦自安於委瑣鄙劣。而莫之振拔。近年以來。講求兵學。更張軍政。各省所練新軍。參用文武。已破從前界限。而提鎮實缺諸官。爲定制所拘。因循莫改也。今年屢奉諭旨。以黃忠浩補狼山鎮。以孫道仁署建甯鎮。以程德全署黑龍江副都統。以劉永慶補廂白旗漢軍副都統。聖明用人。因財器使。不拘成格。將見文武同心。爲國家擔干城之任。文臣不致以其武職而輕視之。武臣亦不至以武職而自賤之。此不獨效益於軍事實有絕大關係存於立法行政之中也。至若湖北改練常備軍。全仿泰西徵兵之制。昔管子作內政寄軍令以霸。齊近畢士麥以鐵血主義破拿破崙。統一德意志。從此人皆有勇士盡知方尙武精神。軍人資格胥於是基之礎矣。

一、社會思想。通海以來。吾國人之崇拜外人。思想極深。至甲午庚子以後。又加甚焉。間嘗有不崇拜而講抗拒主義者。惟至愚極頑之野蠻排外。往往釀成釁隙。國家實受其殃。然彼又非能實行抗拒者也。或妒其能。或畏其力。或駭其異。逞一時之氣。齧出暴動之手段。以

發現種種變象。既無救於事機。徒深受其患害。翻不若崇拜者之尙得以苟安無事也。今年吾社會思想。似大有文明進步。一見於爭粵漢鐵路。一見於爭俄艦留滬。一見於漢口禮和瑞記之案。一見於上海周生有被戕之案。皆具持抗拒主義。而實出於文明思想。夫有文明思想。乃足以言抗拒。既有文明抗拒手段。必有自治之能力。有自治之能力。則雖崇拜外人。但見益而不見損。此實數十年來絕好之消息。所當爲中國前途賀也。

如上所言。皆於全國之人有密切之關係。或萌芽於往歲。或發現於今茲。其應籌之豫備。應盡之義務。應行之改革。應慮之禍患。何一非今年所當有事。除舊更新。前途宏遠。願我國朝野上下。君相官師。學子兵士。商賈農夫。工師以及百執事之人。順時進化。競勝爭存。庶幾神明貴胄。不至淪胥中華。上都依然。雄峙乎不然。長夜漫漫。終日懵懵。相與酣眠。浮沈於歐風美雨。天演淘汰。漩渦大圈之中。吾誠不知稅駕之何所已。

論政府之蔑視民命 錄甲辰十二月二十五日中外日報

中國自古以閉關獨立爲政策。其所守之主義。亦有一定。然當此交通之世。則前時所謂金科玉律之義。其輕重緩急。皆與今日不相適。甚且適得其反。而當軸之人。尙懵然不知其所。以然方瞑目孤行。一以數千年前之主義行之。任天下人之呼籲。怒罵譏諷。而充耳不聞。此

我國家所以自通商以來屢蒙大險奇辱一誤再誤且前望之而未有涯也俄國敗艦水手無故殺人一案自肇事以來至於今日在苒之間行將數月甬人之義憤可謂甚矣江海關道之保全大局爲民請命可謂切矣即我同業諸君於此事亦可謂不避嫌怨知無不言矣而俄領事竟毅然獨斷無所顧忌若視中國人之言爲無足一聽者其可恨孰甚於是雖然平心思之俄領事固外國人也彼一意扶殖其強權而以凌駕我國蔑視吾民爲得志初亦無怪其然獨怪我之政府我之南洋大臣我之交涉此事之官紳初非斯拉夫之種也亦未嘗食尼哥拉士皇帝之祿也何爲而扶殖俄人之強權而行於我地惟恐我國權之可伸民怨之可雪遑遑然朝不及夕以助敵抑民爲政策哉原其所自欲以此見好於俄人而已得分其餘者固自有人而多數之人則大都別有意見其意見惟何即上之所謂守數千年以前閉關時之主義而不揆之今日之事勢也蓋中國自來以土地民人均爲朝廷之戰利品既爲失其人格之人則其人之生死不足計較平時或爲一案所牽涉無論有罪無罪但使朝廷一舉念間即可誅戮無數不必宣明其可殺之道即使宣明而其言之荒謬亦無人能質證之朝廷如此凡分朝廷餘威之官吏其草菅人命莫不皆然人民之以非罪而死者蓋亦衆矣祇以平時與他國不通君臣之義無所逃於天地之間民遂吞聲就

死而無可如何耳。自爾以來政府遂視民命爲不足計。較民怨爲不足顧。惜殺人一事在內。政外交中爲最微細之事。不足辦也。殊不知古之所以爲之而無弊者。無他國以介乎其間耳。一有他國以介乎其間。則羣投入於他國而橫決不可復止。數年以來天主教人依法國耶穌教人依英美等國。佛敎人亦將依日本國。商人無不掛一洋牌。此豈中國人之與祖國爲仇哉。熟知政府不願保其生命而自爲之所也。今政府再以周生有一案。自表明其不以民命爲重之義。則此子遺之民亦不能不急自爲計。不啻促之使畔矣。夫政府之能安富尊榮者。爲有民也。一旦無民則亦無所謂政府矣。政府知革命之可懼而不知民人盡依他國。卽與革命無異。乃猶守此古來之成見而不改。豈不謬哉。豈不謬哉。

敬告當世青年 錄乙巳正月十八日時報

世界何有邦國。何有所以成此世界與邦國者。人類而已矣。老髦何與童稚。何與所以成此人類之精華者。青年而已矣。突然則青年者。世界之原質。而邦國之本位也。我欲計我邦國。我不得不就其近者而先計我青年。

我欲問青年。我青年之爲青年也。其自謂幸歟。其自謂不幸歟。血氣既定。歲月又長。乘既往之閱歷。策未艾之精神。可以快樂。可以患難。心之所欲爲者。學與力。足以赴之。此幸之說也。

社說

四十九

乙巳

仰欲以有所事。俯欲以有所畜。老與少均。尚有所依賴。而獨我青年爲人所依賴者。而當其衝。勞惟我獨勞。苦惟我獨苦。艱鉅之事。惟我獨當。此不幸之說也。

我又欲問青年。我青年之爲我中國青年也。其自謂不幸歟。其自謂幸歟。時勢日非。人心多壞。不出而任事。則我忽然於天下。出而任事。則天下又復忽然於我。此不幸之說也。歲寒見松柏。世亂識能者。當國家多事之秋。正志士有爲之日。過渡時代之人物。最有生發。最多希望。此幸之說也。

我又欲問青年。我青年之爲青年也。幸與不幸。其有所動於中乎。其無所動於中乎。我青年而自謂於此世界。無關係也。則幸與不幸。有所動於中也。我青年而自謂於此世界。於此邦國。有關係也。則幸與不幸。決無所動於中也。何則。世界者。我青年之舞臺。而邦國者。我青年之產業也。我青年之於世界。邦國。有不可避之責任。有不容已之事實者。也。幸亦如此。不幸亦如此。

我又欲問青年。此不可避之責任。既逼人而來。我青年。其亦思所以對待否乎。譬之用兵。已臨絕地。前有險阻。後有敵騎。當此之時。亦惟繕甲厲兵。背城借一。酣嬉逸豫。盤樂怠傲。雖愚者。知其不可也。然則我青年於此責任。雖欲放棄。亦安見其能放棄也。我青年宜自計。

我又欲問青年。其對待此責任者將奈何。欲謀對待必先有對待之具。對待之具。仍我青年而已。我蓋聞之。將欲有所取。必先有所與。我青年之所與者。若何。將欲有所爲。必先有所養。吾青年之所養者。若何。誠在所養。則當保存我青年之珍重。愛惜惟恐或後也。誠在所與。則當割棄我青年之毅然。決然。惟恐不速也。我青年其自計。吾青年之當保存者。爲若干事。我青年之當割棄者。爲若干事。我青年不可不稍自慎也。我敬爲我青年告。

我今有一言。敢爲我青年告者。我青年之欲立此世界。與成此邦國也。不可不愛惜。汝青年之身體。夫愛惜身體。陳腐之言也。古君子之唾餘也。開明之士。必將又謂我爲淺識。言雖然。其言誠古。而我不得不語於今之青年者。蓋人之所以得成爲人者。惟恃有此身體已耳。苟身體而不自愛惜。則雖有高大之識。廣博之學。將何以麗。

古人之言愛惜身體曰。身體髮膚。受之父母。不敢毀傷。此以不毀傷爲愛惜者也。又曰。戰戰兢兢。如臨深淵。如履薄冰。此言不蹈危險爲愛惜者也。大抵古人之言愛惜身體也。其義雖不一。而其至要之義。則惟欲長有此身體。不殘缺此身體而已。故明哲之士。以保身爲主。有冒險者。則以爲不能愛惜也。有任事者。則以爲不能愛惜也。畏首畏尾。而其弊遂至於今日之無能。夫欲長有此身體。與不殘缺此身體。其義固爲愛惜身體者。第一不可少之事。然其

所以有弊而至此者。則以知愛惜身體而不知所以愛惜之故也。

夫人之所以欲愛惜其身體者。何爲耶。非以苟無此身體。即無以入世。以任事乎。若然。則身體者。爲任事者也。爲任事而有用者也。爲有用而當愛惜者也。若不任事。則有此身體。與無此身體。無異。而何必愛惜乎。故身體在不任事時。當先重身體。而緩其餘。身體當任事時。則又當先事而緩身體。何則。蓋先事正所以先身體也。愛惜事正所以愛惜身體也。不任事之身體。非真正之身體也。

然則我請爲我青年之愛惜身體者。告曰。無益於事而有損於身體者。當戒。有益於事而有損於身體者。不當戒。當戒。則醇酒婦人之事。不可爲也。不當戒。則投艱遺大之任。不足慮也。又請爲我青年之愛惜身體者。告曰。身體之所以當愛惜者。爲任事也。故爲愛惜此身體計之時。亦當爲任事計。不爲任事計。則僅使長有此身體。不殘缺此身體而已。足爲任事計。則當使此身體。堅能耐勞。苦使此身體。強能冒險。使身體靈便能赴機。變使身體上多種。種才技能合時勢。我青年而能若此也。始得謂之愛惜身體。

諭旨

正月初二日至二十五日

上諭上年順天直隸各屬被災地方業經分別蠲緩糧租小民諒可不致失所惟念今春青黃不接之際民力未免拮据加風著將被災歉收之武清等州縣應徵村莊應征本年春賦地丁錢糧等項一併蠲緩光緒三十年及歷年地丁錢糧等項分別緩至本年麥後及秋後起征其坐落武清天津二縣地方之津軍餉葦漁課納糧地畝並歸入該二縣災歉村莊一律辦理以紓民力該部即按照原奏開明詳細數目刊刻謄黃備張曉諭務使實惠均沾毋任吏胥舞弊用副朝廷履端布政嘉惠畿疆之至意該部即遵諭行欽此 正月初二日

上諭上年山東被災各州縣業經分別蠲緩小民諒可不至失所惟念今春青黃不接之時民力未免拮据加風著將被災之濟甯等州縣應徵本年上忙錢糧租課等項均分別緩至本年夏後及秋後起徵其坐落該州縣境內之寄莊釐課與裁併衛所並永阜等場均隨同民田一律辦理以紓民力該撫即按照單開詳細數目刊刻謄黃備行曉諭務使實惠均霑毋任吏胥舞弊用副朝廷祥和布澤惠愛羣黎之至意該部即遵諭行欽此 初四日

旨乾清門行走紅爾多斯貝子圖們巴雅爾之次子三等台吉清齊拉巴圖著加恩賞戴花翎欽此 旨理藩院奏年班來京之款汗札薩克郡王勒恩札勒諾爾贊在京身故一摺款汗郡王勒恩札勒諾爾贊在乾清門行走當差勤奮茲聞謙逝悼惜殊深加恩賞銀五百兩由廣儲司給發餘著該衙門照例辦理以示軫念蒙古世僕至意欽此 十一日

上諭山東布政使著吳廷斌補劉春霖著調補雲南布政使湖南布政使著曹鴻勳調補袁開第著補授貴州布政使欽此 上諭雲南按察使著陳燦補授欽此 十三日

諭旨

九

乙巳

諭旨

十

二月

上諭雲南糧儲道員缺著增厚補授欽此 旨恆春著補授理春副都統欽此 十四日
旨榮泉著加恩賞給委散秩大臣連奎著賞給頭等侍衛在大門上行走欽此 上諭鐵良奏遵旨抽閱江蘇等省營伍情形一摺據稱陸軍以湖北之常備軍為最優河南之常備軍步隊六營江南之常備軍步隊四營江西之常備軍步隊四營粗有可觀蘇州安徽之續備各軍江南之護軍四旅新湘五旅廢弛最甚其餘各營操法亦多平常水師則湖口差優餘均較遜各省營伍迭經嚴諭該督撫等認真整飭勤加訓練不啻三令五申乃除湖北陸軍外其餘各省積習迄未力除實屬有負委任湖廣總督張之洞夙抱公忠所練陸軍獨能出色深堪嘉尚至蘇州安徽之續備各軍江南之護軍四旅新湘五旅如此廢弛殊堪痛恨所有各營統領江蘇候補道松峻候補總兵費金組維吉亮補用參將徐萬福著一併革職費金組一員情節尤重著革職永不叙用並不准投効各營其餘幫統以下各員著該督撫查明嚴參又安徽各營統領廬山鎮總兵李定明茫無閱歷軍紀異常懈弛李定明著即行革職統領南洋武威新軍留江補用副將魏榮斌不知操法嗜好甚深平日不到操防且有空額情事魏榮斌著即革職並將空缺兵餉嚴行提追該督撫等均著嚴行申飭嗣後該督撫務當振刷精神將水陸各軍及武備學堂切實經理按照練兵處奏定章程悉心教練以期養成勁旅餉不虛糜經此次嚴飭之後倘仍前玩泄罔知振作惟各該督撫是問凜之欽此 上諭熙凌阿奏籌墊鉅本整頓鹽綱一摺鹽法為國家大政關係民食國課自應責成該管官吏保商暢運力除積弊以裕餉源乃該員勤奏稱整頓天下鹽綱已籌定運本銀三百萬兩先從長蘆辦起請派大臣督辦並保魏鴻儒等堪資臂助應准奏調差遣等語無非為壟斷專利起見其為受人指使情節顯然實屬荒謬熙凌阿著從寬免其議處仍著傳旨嚴行申飭欽此 二十日
上諭江蘇廬山鎮總兵員缺著楊慕時補授欽此 上諭閩浙總督魏光燾陝西巡撫夏崧均著開缺另候補用欽此

上諭閩浙總督著升允補授未到任以前著崇善兼署陝西巡撫著曹鴻勳補授欽此 二十一日

上諭刑部理藩院奏赦汗郡王勒恩札勒諾爾贊被護衛輻輳株哩砍傷身死一摺已有旨交刑部嚴行審訊茲據翁斌孫奏請特派王大臣會同查辦等語此案情節甚重仍著刑部悉心研鞫嚴切根究務得實情從重懲辦毋稍輕縱欽此

上諭湖南右政使著龐鴻書補授英瑞著補授湖南按察使山東鹽運使著張運芬補授欽此 上諭都察院左都御史著特圖慎補授欽此 旨察哈爾都統著溥頤補授欽此 二十二日

上諭吏部左侍郎著繼祿調補壽著著調補吏部右侍郎欽此 上諭山東兗沂曹濟道員缺著黎大鈞補授欽此 上諭理藩院左侍郎著明啟補授欽此 旨正黃旗漢軍副都統著堃補授欽此 二十三日

上諭張人駿奏甄別屬員請分別懲處一摺廣東試用同知彭光業嗜好甚深難期振作試用通判楊炳勳辦理房捐浮冒侵蝕試用通判周運春辦理官田變價任意開支試用知縣王耀官聲甚劣操守不謹候補知縣趙子瑗才識庸下聲名平常署龍川縣教諭王際隆擅離職守學務廢弛海豐縣丞辛光萃庸懦糊塗試用縣丞唐械培行為貪鄙試用縣丞王和鑾心術險詐胥江司巡檢甯國慶卑鄙務得太平司巡檢宋慶祥屢被控告門閭司巡檢裘士瀛心地庸暗試用巡檢傅煜林辦事粗率試用從九品葉肇銳年老性偏試用巡檢彭祖况擅騙無恥試用從九品董維顏不知檢束試用從九品馬步鑾民怨沸騰候補從九品李文瀾行蹤詭秘試用從九品朱鏘聲名庸劣候補典史吳炳坤久不在省均著即行革職候補知縣鄧炳材體弱多病罷軟無能著勒令休致候補知縣劉模膽氣薄弱難膺民社著以府經歷縣丞降補連州直隸州知州賴光葉情形不熟遇事張皇德慶州知州程錦文才非幹練難期振作高明縣知縣李樓榮謹厚有餘剛斷不足均著開缺另補以肅吏治餘著照所議辦理該部知道欽此 上諭都察院左副都御史著台布補授

二十四日

諭旨

上諭陝西按察使著錫桐補授欽此 二十五日

十二

二月

內務

論朝廷宜知人民之真相 錄甲辰十二月初三日時報

人民者國家之主體也。故考一國之內治。嘗視政府與人民之和協與否。以爲盛衰治亂之原。文明之國。其政府爲人民之代表。其所施布。固悉視人民之公意爲準。而無所歧別於其間。卽專制之國。亦必政府與人民上下交孚。然後可久安長治。否則非政府外視人民。卽人民猜疑政府。內憂旣起。國卽無以自存。故專制政體。頗難持久。實由政府與人民之間。本多疑貳。雖其盛時。或能敷衍籠絡。以計術暫保安全。及乎國力稍衰。則弊端盡露。潰敗決裂。而不可收拾也。我國今日外患日亟。論者常謂由於內政不修。然試一考我國政治之內容。知政府與人民之間。實已大相疑貳。無怪其不能協力。而謀公益。近世所行政策。雖至不一。然大旨以噢咻人民。使之倚賴。朝廷爲主。故其所注意。常在梗阻。朝令不服。皇化之輩。或籠以官爵。或威以刑法。務使其去頑梗之意。而輸忠愛之忱。以爲如此。而天下可以無事也。然官吏旣不悉朝廷之深意。而懈於奉行。人民亦或窺朝廷之隱微。而自爲風氣。二百年來。若遺民若會黨。若盜賊。幾於無代不煩。朝廷之顧慮。上下輯睦。蓋若斯之難也。當

此輩勢力熾時。朝廷岌岌。幾爲所動。故朝廷之措置。亦實有所不得已。非如今者政府之無事自擾也。今日政府所處之境。與前者固極不同。乃政府之用意。偏若與古爲徒。一用前此之政策。其所特別注意者有四。曰教民。曰學生。曰會黨。曰盜賊。此四者。其宗旨行爲。固不相混也。自人民之方面視之。則會黨常混於盜賊。可爲一類。而教民學生。各自爲類。自朝廷之方面視之。則會黨與盜賊相通。學生又與會黨盜賊相通。而教民別爲一類。凡此者。皆有抗拒朝廷之力者也。背叛朝廷之心者也。非以計除之。則朝廷不得治安。人民不得安靜。然教民爲外人保護。無法可除。學生爲新政所需。其名甚正。而會黨盜賊。又力所不能去。此數者固朝廷所蓄怒而未可如何者也。朝廷既蓄怒而未可如何。於是對付之策。遂分爲兩途。教民學生則陽爲保護。提倡之名。而陰行猜忌提防之實。盜賊會黨則陰具畏怖疑懼之實。而不敢廢緝捕解散之名。於是教民爲官所不能約束。而放縱無賴者。託焉。學生以跽趾狂妄爲本分。而實心求學者鮮焉。盜賊會黨。其勢日盛。而平民且受其害焉。政府於此。益以憎疑教民學生。而縱恣會黨盜賊。其所憎疑者。固已過當。溢分而其待平民之策。又無以異於待會黨盜賊。於是四者之外。亦不免怨朝廷之蒙昧而倚賴之念愈疎。朝廷見其如此也。益信人民之不肯盡忠。而不免多方防備。由此遞爲因果。恐政府人民

終有衝突之一日。否則離心之力亦必日漲而國勢不免魚爛。皆今日可恐之現象也。平心而論。教民之禍本起於不公布信教自由。學生之弊實由於不力行普及教育。而會黨盜賊之多。皆緣國民生計及社會階級之不平。等核其實際。無不與政體有關。非正本清源而轉欲敷衍其事以維持現在之政體。不可得也。同為一國之民。其間既有歧異。朝廷狃於成見。乃欲顯分別。究其結果。徒使仇視之心日深。反抗之力愈大。愛國之心日薄。而團結之力反愈微。則國家人民固兩無所利也。記者意今日之局。以開通民智為最要。朝廷對於學生。首宜破除成見。明示上下一體之旨。熱心以行教育。然後人才漸盛。流弊不生。至於盜賊會黨。固朝廷所痛心疾首者。然誰實為之。使至於此。朝廷對於此輩。果有矜憫而無憤怒。再於社會情狀及生計之程度。切實改良。則今日之秘密結社。未必非他日之善良國民也。若朝廷之視教民。固已隱若敵國。沿此以往。必為召敵之媒。如歐洲列國之於突厥。若不別籌良策。而但以置之度外。為得計焉。則百年以往。而此輩且非我有矣。政府於此。曷亦於上下協和之旨。加之意。歟。願移其注意。四者之心。思而用之。於改良政體。則四者庶可不謀而理也。

政務處覆奏遵旨妥議會議章程摺

內務

十五

乙巳

光緒三十年十一月初六日准軍機處鈔交戶部右侍郎戴鴻慈奏請定會議章程一摺奉
旨政務處妥議章程具奏欽此查原奏內稱當今事機孔亟內而新政待舉外而交涉日
繁擬嗣後凡內政外交其有建革之大疑難之端由各衙門請旨飭下政務處摘錄事由
標明由內閣各部九卿翰林科道定期會議速者三日五日遲者十日繁重者十日十五日
各抒所見另紙錄陳併令傳知屬官咸得論列編檢部員以下呈掌院堂官代遞不必沿會
銜之例徒襲具文屆時由政務處詳實覆奏仰候宸裁等語臣等伏維立政必重乎疇咨
圖治宜資乎公論我朝大政事典禮歷來皆奉特旨下逮臣工集議所以博采異同
折衷一是好問察言之盛德昭然可證該侍郎以時艱日亟請舉內治外交建革之大疑
難之端皆下廷議蓋欲竭羣僚壞流之獻廣朝廷採納之資執兩用中有裨政治揆諸
時勢洵稱切要仰蒙鑒察令議章程臣等參考成規衡以事理謹擬章程七條繕具清單
恭呈御覽如蒙俞允嗣後遇有特旨飭下會議事件及臣工條奏併如該侍郎所奏
由各衙門請諭飭下會議事件均俟奉旨後由臣處通行知照一體欽遵謹奏奉
旨依議欽此
謹將遵議會議章程七條繕具清單恭呈御覽一嗣後奉特旨飭下會議事件暨臣

工條奏並由各衙門請 旨飭下會議事件應遵上年 諭旨凡京員三品以上皆令與議
此次擬推廣責任四五品京堂科道一併與議屆時由政務處知照其奉 旨指明政務處
及會同某部某衙門議奏者仍照向章辦理 一原奏所稱內政外交建革之大疑難之端
查內政之關係者官制之增裁如京外一二品及全衙門添裁及新設行省等類國幣之輕
重如定金銀本位改鑄銅元式及設銀行鈔票等類工商之振作如中國自辦路鑛等類土
木之營造工程在百萬以上者民教之爭競地方官不能辦結或言官參劾者以及釐稅之
更易征歛之創行科舉之興廢營制之建革刑律之變易等類外交之有關係者如洋款之
出入路鑛之承攬界務之區畫口岸之開通稅則之修訂旅民之保護等款以上各條由各
該衙門審度事理重輕臨時請 旨會議或 特降諭旨舉行其有無關秘密或立待施行
由各該衙門請 旨或奉 特旨徑行者廷臣仍不得干預 一定例九卿會議覆奏有行
查者限三十日無行查者限十日原奏所擬限期未免過促擬嗣後會議事件應速覆奏者
仍限十日其一時難於決議者均准酌量寬予限期以免草率 一會議之意原取其思廣
益恭繹 列朝 聖訓於一人主稿諸臣畫諾之弊申誠再三擬令嗣後與議臣工皆令各
具說帖直抒所見其有數人願同具一說帖及一署願自爲一說帖者聽均擬於會議後陸

續送交政務處彙齊以憑採擇具奏 一會議務求切當凡本省官紳自於本省利病訪聞較確擬嗣後凡會議事件關涉何省者即由政務處知照該省京官較崇之員傳知同鄉官令各具說帖轉送政務處酌核 一初次會議事件未能遽定應准再行訂期會議倘再議論紛歧各執一是應由政務處擇其洞達時勢明於事理者酌核具奏請旨辦理 一翰林院講讀撰文以下及各部司員嗣後遇有議論事件皆准由翰林院掌院學士各部堂官傳知各該員有願獻議者呈遞說帖由各該堂官擇其可行者轉送政務處查核以期詳備

政務處議覆改設江淮巡撫摺

竊光緒三十年十一月初八日軍機處抄交前署兩江總督端方代奏修撰張謇條陳徐州宜建行省一摺十二月初六日抄交御史周樹模奏請裁漕運總督一片均奉旨交政務處議奏欽此查二十八年調任漕運總督陳夔龍奏稱漕督名實不符而所管河湖各工及地方盜案均屬重要應否裁撤等語當經臣等議覆暫緩裁撤茲據該御史奏稱各省衛官已撤屯戶並改丁糧歸州縣經征南漕半改折色半由海運各省糧道亦次第裁減漕督無官可轉而體制極崇殊非綜核名實之道各等語該修撰請在徐州建設省會亦以裁撤漕督爲言徐州在江蘇地居最北若於平地創建軍府旣多繁費所請分割江蘇安徽山東河

南四十餘州縣亦涉紛更今昔形勢遷變無常漢末迄唐淮徐代爲重鎮宋及金元之際則徐已降爲散州至明以來則注重淮安歷爲前代漕督及國初廬鳳巡撫後改漕督駐紮之地及江南河道總督裁撤漕督移駐淮城迤西之清河縣實爲縮轂水陸之衝北連徐海南控淮揚地既適中勢尤扼要伏查前明初設漕運總督即兼巡撫地方國朝順治六年裁廬鳳巡撫改漕運總督仍兼巡撫事漕督之兼巡撫原爲控制得宜現漕務雖已改革地方實關重要與其仍留漕督徒擁虛名不如選設巡撫有裨實用臣等公同商酌擬將漕運總督一缺卽行裁撤改爲巡撫仍駐清江照江蘇巡撫之例名爲江淮巡撫與江蘇巡撫分治仍歸兩江總督兼轄一切廉俸餉項衙署標營均仍其舊但改漕標副將爲撫標參將以符定章而兩江總督駐江甯布政司所轄江淮徐揚四府通海兩直隸州江蘇巡撫駐蘇州布政使所轄蘇松常鎮四府太倉直隸州海門直隸廳久若畫疆而治現於江北擬設巡撫應將江甯布政使及所轄之四府二州全歸管理巡撫所駐卽爲省會應就近將淮揚海道仿照新疆鎮迪道例兼按察使銜所有江甯各屬刑名均由該道勘詳巡撫奏報江甯布政使應隨總督仍駐江甯總督在江南巡撫在江北既無同城偪處之疑江甯六府州前隸蘇撫者卽改隸淮撫亦無增多文牘之擾不必添移一官加籌一餉而行省已建職掌更新建

置合宜名實相副惟事關改建行省且係兩江總督江蘇巡撫管轄之地各有責成所有未盡事宜應請 飭下兩江總督漕運總督江蘇巡撫體察情形悉心妥議 奏明辦理謹 奏

政務處奏會議黑龍江添設地方各官摺

本年十一月二十一日准軍機處鈔交署黑龍江將軍達桂等奏請變通吏治添設地方各官一摺奉 硃批政務處吏部議奏欽此臣等查黑龍江省屏障奉吉控馭蒙藩幅輿向稱廣闊近年荒墾日闢交涉日繁戶口蕃庶原設民官僅有呼蘭綏化兩廳且僻在一隅事多官少誠有照顧難周之慮查二十八年奉天吉林新疆等省迭經奏請添設府廳州縣均經 臣等議准又於議覆升任護理山西巡撫趙爾巽通籌本計十條摺內聲明邊外軍府不如郡縣奏令各將軍悉心規畫酌設廳縣等因各在案今該將軍擬請在齊齊哈爾省城設黑龍江分巡道一員兼按察使銜總司通省刑名驛傳事務又擬設兵備道一員駐紮綏化兼理營務並設道庫大使一員升呼蘭廳爲府移治呼蘭城升綏化廳爲府仍治綏化各設知府一員不設首縣自理地方原設巡檢各升爲府經歷兼司獄於通省地方添置海倫直隸廳設同知如經歷兼司獄各一員齊齊哈爾省城添置黑水廳設撫民同知一員省城西南

札賚特新放蒙荒之莫勒紅崗子地方添置大賚廳設撫民通判一員各設巡檢兼司獄一員呼蘭廳原治之巴彥蘇蘇地方添置巴彥州設知州吏目各一員迤西之雙廟子添置蘭西縣迤東之大小木蘭答添置木蘭縣均歸呼蘭府轄改綏化廳餘慶街經歷爲餘慶縣並原設之上集廠經歷均歸綏化府轄於通省所屬添置青岡縣歸海倫所轄以上四縣各設知縣一員巡檢兼典史一員大賚兩廳歸黑龍江分巡道管轄呼蘭綏化兩府海倫一廳歸綏化兵備道管轄以上添設同通州縣等官均加理事銜滿漢並用旗民兼理一切民地錢糧刑名詞訟應專歸各該地方官管理各外城副都統協佐防校等官按奉天成案不准干預地方官各節均爲因地制宜起見與臣等覆奏邊外酌設廳縣原議相符應請照准再擬設之綏化兵備道係管轄呼蘭綏化海倫三府廳應名曰分守綏蘭海兵備道以符名實至此次請援照向章奏留滿漢熟悉人員按班酌量委補又改設之呼蘭廳理事同知綏化廳理事通判並巡檢兩員餘慶街經歷一員吏部查該將軍奏請添設各缺既經政務處議准自應准其添設改設至添改各缺應作何項缺分摺內並未聲敘應由該將軍察看情形奏明辦理其裁改之現任經歷巡檢三員照例以原官歸於裁缺卽用在內留於該省另補至呼蘭廳理事同知恩厚係由奉天候補同知補授該員應否留於黑龍江以同知卽補抑或

按照俸滿人員仍令回奉天照例補用其綏化廳理事通判善佑係由太常寺司庫 京察一等記名請 旨揀補人員應於黑龍江遇有相當之缺即補抑或仍令回京遇有理事同通缺出由吏部開單不入班次請 旨揀補之處均應由該將軍奏明辦理其修建城垣衙署各項應如所請就地籌辦核實支銷此外一切詳細章程應令隨時體察情形辦理謹奏奉 硃批依議欽此

吏部奏酌改六部滿洲蒙古司員等選缺輪次摺片

查定例六部滿洲選缺郎中員外郎均以六缺爲一週第一缺留補第二缺咨選第三缺留補第四缺咨選第五缺留題第六缺咨選滿洲選缺主事則以五缺爲一輪自第一缺至第四缺留補第五缺咨選查額設題缺與選缺中留題之缺均歸酌補選缺中留補之缺則勞績資深人員分班輪用惟咨選之缺仍專用各項候銓之人此內惟題缺量材任用最爲得人留補之缺按資序補已稍遜於題補尙均係本衙門當差之人獨咨選之缺按輪銓選本部長官既無從選擇而各項候選人員於本署例案本非所習一經得缺責以辦事雖有過人之才亦不能遽收駕輕就熟之效中材以下更難問矣夫整頓部務以造就人才爲要義而造就人才必用本署稔習之人事半自可功倍查漢缺郎中員外郎主事三項選缺均以

五缺爲一週第一缺留補第二缺留題第三缺留補第四缺留題第五缺咨選綜計本衙門人員可得五分之四尙無畸重之弊乃滿洲選缺幾及三分之一以致多年行走之員轉沉淪於候補而各項候銓之人不勞而得實缺實難收臂指之效擬請嗣後除宗室蒙古漢軍滿洲科甲漢軍堂主事均係專缺照舊辦理外其餘所有滿洲各缺一律比照漢缺改爲五缺一輪第一缺留補第二缺留題第三缺留補第四缺留題至第五缺照例銓選如此略爲變通庶實缺中多由本衙門揀選考察既易人材自得矣如蒙 俞允擬請自奉 旨後各衙門遇有郎中員外郎主事缺出分別咨缺留缺其項補項選人員仍照例各准其銓補一次卽積各項班次之缺嗣後再遇缺出按照新章作爲第一留補之缺卽以五缺爲一週其留補之缺仍以勞績資深兩班跟接輪用以歸畫一而昭平允謹 奏奉 旨依議欽此

再查臣部銓選滿洲官員例載太僕寺蒙古選缺員外郎二缺蒙古選缺主事二缺員外郎皆係咨選之缺並無咨留之分本衙門如有候補人員准其儘數留補主事定以留補二次後至第三缺歸部銓選遇留補之缺候補無人咨部銓選不積留咨之缺又六部現任蒙古司員有曾經保列 京察准作一等者遇蒙古應升缺出准其酌量升補如遇滿洲應題及應行留題之缺准其與滿洲一等人員一體酌量揀選蒙古現任筆帖式有 京察保列一

等者准該堂官奏留遇有滿洲應留選主事缺出與滿洲候補人員比較奏留日期先後借補又由京補放八旗游牧員外郎五年期滿該總管出具考語咨部註冊後遇有理藩院太僕寺缺出不論雙單月無論保題升選一併計算二缺之後輪俸調補各等語查太僕寺額設蒙古員外郎主事各二缺蒙古筆帖式八缺升途本隘得人尤難且本衙門向無題升之階與各部院蒙古一等人員升轉未能一律相應酌予變通以勵人才臣等公同商酌擬請將太僕寺原設蒙古主事二缺內以一缺改爲永遠額題之缺專用本衙門筆帖式題升以一缺咨送吏部銓選嗣後遇有蒙古主事缺出第一缺卽作爲額設題缺先儘 京察一等筆帖式揀選二員擬定正陪題升如一等無人或一等人員有不合例事故准其於二等人員內酌量揀選其餘一缺卽作爲咨選之缺見缺時仍照舊例辦理至筆帖式等項人員升補主事後若照舊章自應專以六部員外郎升用查六部蒙古員外郎共計八缺如候補有人准其儘數留補是以應升應選人員有名無實久形壅滯亦應酌改以資遷轉應請將太僕寺蒙古主事准其一體升用本衙門蒙古員外郎其員外郎二缺亦以此後所出之第一缺作爲額設題缺其餘一缺咨選吏部銓選嗣後遇有蒙古員外郎題缺先儘 京察一等之主事題升如一等無人再於二等主事內揀選由該堂官擬定正陪升用其選缺出時仍

照舊例辦理至年滿察哈爾游牧司員有人無論額題及咨選缺分准其先行截補不積題升留補班次之缺似此酌量變通自可得人而理於牧務亦不無裨益又查六部蒙古筆帖式如遇京察保列一等者例章准其借補滿洲留補選缺主事而滿洲題缺主事此項人員未能借補核與蒙古司員得邀京察一等升用稍有區別亦應一併改歸畫一擬請嗣後六部蒙古現任筆帖式京察保列一等者仿照員外郎主事借題之例遇有滿洲題缺主事缺出准其與滿洲一等人員一體酌量揀選題升如揀選得蒙古一等筆帖式題補亦由該堂官奏明指明借題無庸擬定正陪滿洲一等無人即專以蒙古一等人員先儘借題不得將滿洲二等人員題升遇有蒙古主事本缺即行調還以示限制如蒙俞允俟命下之日臣部遵奉施行謹奏奉旨依議欽此

戶部奏洋藥土藥害人耗財擬嚴定分年禁法畫一辦法摺

竊自洋藥之毒已深土藥之禁已弛始圖抵制終至氾濫內而年增數千百萬無形之惰廢外而年鑠數千百萬立罄之脂膏國計民生兩受其害故中西智士咸謂中國欲爲自強計爲致富計均非禁煙不可然一禁則百難畢集從前雖與印度議允分年漸減然不先定自禁土藥辦法難與重申前議禁土藥辦法莫要於由官熬膏握准吸准買之權日本治臺

灣卽用此法印度係民種官收不予民以自由且每歲藉此籌款約得三千餘萬中國果照此辦理原可不憂貧弱雖辦法有次第不能一蹴而幾亦絕非不能辦到之事曾以此與各省官商籌議咸以緝私爲難是誠然矣臣等請剖析言之以熬膏作將來究竟辦法欲熬膏先造餅欲造餅先收漿欲收漿先查畝今請以查畝爲禁煙第一辦法查畝之法山西行之數年民已帖然山東近亦仿行允宜推是法以通之各行省如江浙等省向不種煙及種煙無幾者概行嚴禁私種其四川雲貴陝甘豫鄂奉吉黑各省及江蘇之徐州湘鄂之近川黔各屬向來產煙不能驟禁者先宜查畝山西辦法係令種煙戶報明鄉地鄉地報明地方官地方官親往履勘報之上司上司委員覆勘抽查雖不能無遺亦十得六七他省情形或不問合擬益之以領票之法票用三聯一存一發一解省註明煙戶糧名及畝數坐落督撫一面據票造總冊報部一面委員抽查有無票而私種與有票而數不符者重予罰征并出示曉諭次年不種准繳票如有水旱准勘災且復變通山西舊法僅查畝不加畝稅並嚴禁鄉地之需索差役之騷擾俾煙戶例納額糧外毫無畏累咸願以地畝報官官得據冊票以估定產土之數土數既可估定夫然後可以收漿可以造餅收漿之法行於煙戶割漿之後先期一月令土商持銀交局畝若干漿若干預先估計以爲收銀之限屆期官以冊票考核煙

戶如有藏匿則重罰其留漿自食之戶令加一倍補繳局中應提銀數不繳亦重罰其售漿之價值視歲之豐歉與漿之優劣隨時估定一如各牙行經紀之銷售客貨毫無欺隱留難如或銀少土多則將餘土掛號俟銀至時依次出售凡土漿售銀一兩局提二錢二分以二錢解司庫以二分充局用局設州縣署旁即以州縣官主之或轄境遼闊則委人設分局而仍以印官督之所以專任印官者因其管理便廉費少以此辦理收漿必無流弊由是而造餅首在州縣官禁餅工勿許夾私勿使作偽如土商欲自攬土料則須呈局驗明不得私交餅工致有弊混至餅成付之土商黏以印花予以執照則任其所之別無釐稅其鄉村鎮市中巡緝人役由官派出嚴防土商收買私土之弊而不許私索土商之規費土商若遠行則沿途悉設保土局密加保護如此則土商咸願買官局之土餅而官局之基永固似此辦法名雖官局實即土行當收土之時各局劃定區域不出百數十里地闊而非闊及售土之際造土各遵定式蓋貼印花真偽立辨勢渙而非渙且各省咸守整齊畫一之章程土價無輕重之懸殊銷場無通滯之或異但在煙未禁絕之際販運者不憂其絕迹吸食者不慮其改圖各局則獨握利權而無須股本不虞折閱而坐享贏餘臣嘗考內地種煙之地約計五六十萬頃產土近四百萬石每石售銀近五百兩照二成抽取每石近百兩合四百萬石計之

抽銀近四萬萬兩就令收成不及分抑或藥料充數臣且折半計算歲入亦近二萬萬兩即再減半亦一萬萬兩可知平日之漏稅多矣 國家既得此大宗款項舉新政償債金數年之後大局漸定用款漸少於斯時也分年酌減種煙地畝備設熬膏局以握准吸准買之權不准商民干預初并不收膏捐但令吸煙者先買票彼少壯無癮之人不准買若無癮而買票則與有癮不買票者同科以重罰罰重而人不敢犯數十年後內地無復吸煙之人而洋藥土藥自然禁絕凡若此者以杜私爲要義以禁煙爲宗旨最大關鍵在 朝廷明罰以勅法督撫知人而善任督撫州縣之表率也督撫精白乃心切實辦事則中才之州縣皆變爲能吏況禁煙之事人有同心籌款之法莫大於此由查畝而收漿由收漿而造餅而熬膏事運以實心在在知其確數何戶種煙若干畝何地出漿若干石何商運土若干餅何縣吸煙若干人分年冊報臣部以備稽查隨地示諭商民勿干重罰視官局如商局務使上下通情以權煙爲禁煙務使公私兩益天下豈有不能辦之事惟在各州縣能以實心任之積久自獲大效耳即如此四百萬石之數臣亦從商家考核而知由是推之則一切辦法之中尙有未盡事宜各州縣一一留心則所得者未必不較臣部爲多此臣部所以深望各督撫精擇各州縣也每行一政每籌一款百姓則動起浮言同官則好爲異議督撫但堅以持之其

事久而自定況此辦法不必並舉姑且先自查畝始查畝得其端緒則收漿造餅熬膏夫復何難倘有不即興辦及辦而別滋弊竇者則有朝廷之法在是不得不請朝廷嚴以議之此臣等所以謹擬分年禁法畫一辦法請旨飭下各督撫迅速妥議早定斯局也顧或疑山西畝稅各省土釐今忽免徵公用無著此中空礙各督撫能勿心慮及之不知畝稅土釐之舊額實由官局代收不過其名變耳曩者煙戶稅畝徵銀恆至夏季今者官局售土提銀均在夏初是收入之期且較舊時爲早曩者局卡抽釐私販偷漏四出今者官局提成萬商均歸一途是充納之數且較舊時爲多舊時各省外銷之款臣部不知今可和盤託出臣部知其所虧之數核實劃撥以資協餉彼復何疑或又疑土藥之價輕於洋藥故人爭購食若提成過重土藥價昂叢雀淵魚不無可慮而臣亦不謂然土藥每石提銀百兩若分計之每土一兩不過提銀六分僅與湖北膏捐等耳又剷除出產稅落地稅及沿途各要隘層層剗削之釐捐與雜費成本較舊時土藥爲輕何云加重若與洋藥相較彼則有印度額稅重洋運費而每箱又納中稅一百一十兩其出膏也土藥十得七八而洋藥則僅得十之五價值既賤銷行必暢此不待辨而自明開局之後即不與印度申遞減之議亦不患洋藥之侵入此則臣於禁煙一事留心有年考求舊法思通其閱今已百難俱辦而深信所擬之法必

可行煙將不禁而自禁也頃者出使義國大臣許珏奏陳義國權煙大略擬請先就土藥整頓試辦又直隸總督袁世凱奏覆征收膏稅事體繁重請飭戶部籌議辦理一摺先後奉旨戶部議奏欽此臣竊見臣工條奏輒謂土藥以徵爲禁雖多取而非虐其實則征而已禁未能也況局卡愈密繞越愈多歧路未易稽查私土因而充斥不惟禁不能禁而且征無從征今若循舊說而共相籌議仍屬空談如或增新卡而力圖整頓似爲苛政臣反覆思之與其求征稅之方稅仍不旺不如行禁煙之策害可永除況乎不言征而稅實征於無形之中民之蒙其利者猶或俟諸異時國之收其利者不啻得之今日與許珏奏請整頓土藥袁世凱覆陳征收膏稅之旨猶不相背謹 奏

各省內務彙誌

京師 軍機處議准嗣後應發內閣抄錄 諭旨摺片等項概由本處章京抄訖簽送各該堂官拆封以防洩漏 外務部推廣取才新章凡游歷外洋熟諳交涉或出洋游學畢業回國各員生均可呈報考驗選充翻譯 戶部新例飭各司員目輯初記呈堂俾令各抒所見 禮部奏以管催所歸併司務廳漢本房歸併滿檔房奉 旨依議 刑部議改良牢獄又奏裁贖罰庫管催所管捕司三缺

直隸 慶雲縣稟設親民局以達民隱業由直督批准試辦

奉天 奉 旨著江督周轉飭上海紅十字會撥款往奉賑濟難民近已陸續撥款往賑

江蘇 距鎮江四十餘里之太平洲係徒陽江泰等州縣兼轄之區地廣人衆經前署督端午帥奏請將蘇州府海防同知一缺移駐該處改爲太平廳同知又蘇州府管糧通判一缺移駐洞庭西山改爲靖湖廳撫民通判青浦縣主簿移駐黃渡鎮荆溪縣主簿移駐梧桐山均經政務處議准奉 旨照辦 上海南市巡局近已改爲警察舊有壯丁散役一律撤去另募警察學生學習三月後分段派充云

福建 自奉 旨將福建陸路提督裁併水師提督後名曰提督福建全省水陸軍務駐紮廈門

湖北 樊山紳士近設立議院一所凡地方公事皆得會議

湖南 湘省裁缺計糧儲道及道庫大使二員其餘同通佐貳職職等一概免裁業由湘撫陸春帥出奏奉 旨允准

四川 川督錫清帥以川省盜熾皆由團練辦理不力且禁民間置辦洋槍之故近已奏請弛禁發給洋槍與辦團練准其於省垣機器局購買云

廣東 粵藩以盜風日熾緝捕不嚴閩閩大受其苦特札飭各州縣創設盜案半月表認真查填呈司核奪 嘉應西洋堡近年夜盜頻起鄉人乃辦團自衛名曰國民警察

廣西 自粵軍攻破四十八峒後當道查看形勢非設官鎮撫駐以營哨不可近議以桂林同知移駐四十八峒改名桂柳同知并募勇一營歸同知管帶常川駐紮峒中辦理清鄉團練保甲諸事云

各國內務彙誌

韓國 韓廷近聘日人丸山爲警務顧問已由韓內務大臣訂定契約

內務

內 務

三十二

二月

英國 美議院於西二月十四號會議 大臣巴里亞士最近被舉為下議院院長

法國 法國新內閣業已設立聞其仍照前相空姆斯君之旨辦理而達爾喀西君則仍任外務大臣云 羅利亞斯君

已重選為法國議院長 法政府議將國家與教門分立之案交國會議辦

俄國 近來俄國各處相繼變亂職工入紛紛罷市而芬蘭猶太等處人民亦蠢為思動發布檄文要求立憲凡頑固大臣之積不相容者均被殺害俄廷派兵彈壓並逮捕亂黨殺戮甚衆然激怒之下亂勢愈熾俄皇不得已下詔變法先定工律并新梓綱領八條畀以自由與民更始又以樞密員沙布羅夫為實行改革之公議會長婆列琴為內務大臣維忒為外部大臣預備改行立憲制度並擬立一特別會以議軍國重事議分國內為十六區每區公舉代表一人以便組織一大議院云至其平亂之法則以脫利朴夫將軍為聖彼得堡總督授以全權責成警察長竭力彈壓 木斯科總督激其斯親王及高加索總督蓋列靜親王現均退位所遺兩缺暫由前任內務大臣慰斯甘親王攝理

奧國 奧皇佛郎西斯約瑟在布達貝斯解散議會因反對黨不蒞會故也

西班牙內閣告退後維拉威第君已重立一新內閣

澳洲 澳洲六省每年輸入鴉片其數甚鉅今澳洲政府因土人沾染此習有害衛生議定禁止入口

商務印書館出版
日俄戰爭圖

日俄戰爭寫真照相圖

第二號已出定價每冊大洋二元五角

日俄開戰以來其一切勝負情狀各報章無不記載詳盡然百聞猶虛終不如一見之爲實本館有慨於此特倩東京美術學校能藝之士用最新之照相法就其實地圖其實事計一巨冊共圖一百數十幅凡兩軍臨陣戰爭現狀纖悉無遺俾披閱是圖者如身歷其境一目了然至裝訂之精妙猶其餘事

日露陸戰地精圖

每幅定價大洋一角五分

不明戰地形勢不能詳勝敗之蹟本館特延聘名手據最新測定本繪爲此圖於戰地之疆界山川里程等瞭如指掌用潔白堅厚洋紙五彩石印最便攜帶

商務印書館出版類

華英音韻字典集成

洋裝每部一冊 價洋七圓五角

企英譯書館編校○共集字語十餘萬言注以發音標其讀法繼以英字注釋華字釋義並綴文法字類音韻以英儒稍納耳本為宗譯義以英國羅布存德本為主並加增訂附圖千有餘幅異物奇器一覽便明末附英國假借他國俗語解義減筆字解記號彙釋及中西地名表全書一千九百十四葉鴻博精密昔所未有侯官嚴先生謂為獨出冠時世所寶貴非過譽也

華英字典

每部一冊 洋裝布面洋紙 價洋一圓二角半
華裝洋面紙 價洋六角

本館編譯○爾君其照會輯華英字典頗便學界願世人尚嫌缺略茲特增益二萬餘字全書計四萬言釋義詳明注詞嫻雅并以文字聯綴成句以便選用附錄減筆字解各種記號有悉西文者不可不手一編也

袖珍華英字典

洋裝每部一冊 價洋一圓

上海南洋公學教習吳文甫先生編譯○詔興學堂習外國文字者益衆而英文為尤本館先輯華英字典集內華英字典兩種猶不足以供學界之用乃酌刪繁重輯為是編全書約四萬餘字製成小冊納諸懷袖最便翻檢嚴侯官先生賜序謂取了大美期於捷速簡當誠知本館之意矣

軍事

論今日宜預籌對待俄人之法 錄甲辰十二月十八日時報

連日以來。見俄官所辦殺斃周生有案。故意抑壓中國。見俄人宣告各國。謂中國不守中立。照會故意恫嚇中國。說者謂俄兵攔入牛家屯。欲阻乃木北上之路。故有此舉。記者恐其猶不止。此何以故。蓋俄人欲挑中國戰久矣。俄冀戰勝中國。即以索中國之賠款者。抵償日本。俄又冀戰勝中國。即以索中國之割地者。抵償旅順。俄之立志。不可謂不高。發慮。不可謂不密。手段。不可謂不險。且毒。雖然。我中國處此。不可不籌所以對待之。其對待之法如何。亦曰。對於內者。預籌急欲戰之準備。對於外者。實行不欲戰之運動而已。何謂預籌急欲戰之準備也。夫惟戰然後可以止戰。亦惟有急欲戰之準備。然後可以不至於戰。蓋吐剛茹柔。中西今古皆然也。今日所謂準備者。一宜注意將來戰地。近日俄人所垂涎我中國者。一新疆。一福建。新疆者。自左文襄收還以來。彼固未嘗一日忘者也。福建者。實因失旅順後。彼始欲索廈門馬江。以爲抵償者也。將來不發難於彼。即發難於此。顧居今日而言防福建。無論南北洋。不肯派艦赴援。即派艦赴援。以老朽千數百噸之艦。又何以禦之。

故記者百思而不得其策。若新疆則固有可以預爲佈置者。二宜注意兵數。觀於近日情形。將來新疆不能免一戰。亦明甚。今日宜先調查該省巡撫將軍都統等所轄兵。其可以應戰者若干。再調查陝甘兩省。可以畧省轉運而爲後援者若干。其最要者。莫如調查各省洋操隊。可以徵發開赴前敵者。又若干。若猶不足。則以募勇繼之。蓋急者治標。此亦無如何者。三宜注意戰器。戰器約分爲三。一槍械。二火藥。三服具。所謂服具者。凡軍中需用之物。皆宜備之。至槍械火藥二種。其調查之法有三。一調查鄂廠。滬廠。現存者若干。一調查鄂廠。滬廠。將來每月可以供給者若干。一調查何國可以購買。宜先定購若干。蓋恐釐機一開。各守中立。彼時購買將有更難者。四宜注意轉運人之轉運。以火車鐵路我之轉運。以馬匹橐駝其難易之較。已判若天淵。又況新疆險要之處。如額什噶爾。葉爾羌。英吉沙爾等。皆去京師萬餘里。昔日左文襄用兵時。奏報轉運之費。不過由涼州至安西。每糧百斤。價銀約二兩餘者。連運費計。共需銀至十一兩有奇。況由安西經哈密再西。其運費。又不知增多幾許。非飭新疆各大員。與陝甘疆臣。預先調查。何處宜於購買。何處適於存儲。恐一旦有變。咄嗟難辦矣。五宜注意財政。今日中國財政之窘。無軍務尙不足支。有軍務更嗟何能及。試卽近借。各外債論之中日之役。借軍費三千餘萬兩。戰敗後借以償日本賠款者。二萬萬兩。借贖還遼東並

補還威海衛駐兵費者五千萬兩。此外尚有不知用歸何處者四千餘萬兩。又庚子義和團之役。賠償各國兵費者四萬萬五千萬兩。合新舊各債本銀計之。共七萬萬七千萬兩。再加以八萬萬八千四百萬兩之息。於是每年遺我國民以重債者。至四千餘萬兩。至光緒六十六年。然後其數始償訖。倘因軍務而別有增添。更不知伊於胡底。故今日而不言籌款。則已今日如言籌款。非予國民以監督財政之權。恐萬萬不能。倘肯假國民以此權。則不惟借外債也可增租稅也。可且民心可由此而堅。民氣可由此而振。此事影響於財政者。尙少影響於軍事者。實多也。凡此皆預籌新疆一方面。急欲戰之準備者也。

何言乎預籌不欲戰之運動也。今日之時勢。各國之戰與不戰。外交操其半。即戰矣。而兩國之能勝與不能勝。外交亦操其半。此不必遠徵舊事也。請借觀於今日之日本。使日本不與英聯盟。則日本不敢戰。使日本無英美之接濟公債。則日本雖戰勝。而亦懼其無以繼。然則外交者。當未戰之前。與既戰之後。均立於最要之地位者也。吾國今日處萬無可戰之地。而又迫我以不能不戰之機勢。不能不用外交以弭之。雖然。俄國今日之所垂涎於我者。一爲新疆。一爲福建。若新疆則各國無所影響。我雖用外交。恐各國之應之也。緩若福建。則各國大有關係。我倘善用外交。則各國必起而制之。此實以強制強之法也。且列強之制俄已

再見而不見矣。俄承彼得之遺囑。幾有併吞歐亞之勢。故其始也。乘戰勝波蘭之威。狡焉而思欲西出。而日耳曼與奧大利厄之其次也。欲分道南下。一取道土耳其。一取道巴爾幹。而英與列強又厄之。再其繼也。覬覦中亞細亞。一欲由阿富汗以拊印度之背。一欲經波斯而出波斯灣。而英又厄之。其終也。遂不得不掠取荒漠之西伯利亞。而擴張其勢力於東方。乃不謂植基未牢。而遽得此惡果也。夫以昔日列強之擯俄如此。以今日列強之不承認俄國照會。又如彼於此。而不運動外交。是終無用吾外交之日矣。說者曰。昔日列強與今日異。昔日列強有奧國爲之左右。與左袒俄則俄勝。與右袒列強則俄敗。以俄與列強而比楚漢。與實一韓信也。今日奧國之勢力既變。則外交之政策亦變。不知以當日歐洲之形勢而論。奧國實爲輕重所關係。以今日中國之形勢而論。奧雖強無所用之。又況繼奧而興者。西有美東。有日本。其影響於我中國者。比奧爲更大乎。然則運動之策當奈何。曰。今日列強之見俄照會也。卽平昔之愛俄憐俄者。至是亦莫不鄙俄厭俄。既已爲人所共見矣。其鄙俄厭俄之故何在。緣俄國勢力所致之處。卽苛稅所致之處。卽商務衰敗所致之處。故歐洲列強中。除法國外。幾無有表同情於俄國者。今夫法國者。固與俄國連雞爲寨者也。法國在中國之商務。雖未嘗稍讓於人。然以較之英德美日。則大有間。倘俄國而占據廈門。

馬江也。豈惟軒睡於日本之旁。即英德美之商務亦交受其累。今宜分飭駐外國各使臣。即以商務利害之說進之。除日本現有戰事不能運動外。其最要者莫如英美德夫比較商務。三國似無足輕重。而比較感情則英美爲先。何以故。緣俄國一駐足於福建。勢必由福建以出江西。以爭揚子江霸權。而英之商務危。是無異昔日之欲入陝西。經西安漢中以抵漢口之政策矣。至若美之在中國。今日尙無駐足之地。恐一旦擾亂和平。彼將不能坐收利益均霑之效也。故其忌之爲尤深。吾國之當外交者。誠能利用此而制之。則近可弭福建之憂。遠亦可消新疆之禍。即萬不得已。我亦不致兼防。而可以全力注重新疆。凡此皆預籌不欲戰之運動者也。

論日俄和局 錄乙巳正月十二日新聞報

反對力脹。猛進力強。國民之動力。反對不挫。國民之動力。猛進無限。政府逆過。反對則旁決。橫溢。動力激而亂內。政府順用。反對則因勢利導。動力激而排外。故政府於國民。反對力不可不護惜。而扶植之也。

俄民暴舉。抵抗政府。工人校徒。捐項棄踵。犧牲一身。競爭自由。反動實力。至銳極壯。治安秩序。全國紊亂。歐美君相。乘機赴會。調停戰局。半化貴族。多主和議。哲士通人。隋珠在握。秦鏡

羅胸。占驗過去。推測未來。竊以爲英法相爭。數年未決。美洲民亂。因此停戰。執古例今。俄民內擄。關涉戰務。加之西比兵變。波蘭民叛。調遣不靈。運輸阻滯。兵力支絀。內壓亂黨。外禦勁敵。兼營並役。顧此失彼。重根輕枝。開議和局。暫護腹心。環球之人。據恆情度常理。就內外困難之迹。定和戰久暫之局。借箸代籌。因而決俄人有不得和之勢。

雖然俄皇性質。猛鷲陰譎。暴徒舉事。始用壓力。冀就範圍。壓力無效。必用媚力。權詞籠絡。許其自由。順用反對。使之猛進。驅亂內之壯夫。爲排外之勁卒。俄民困苦。奢願得償。覆國思想。發爲愛國能力。執戈荷戟。爭赴前敵。恢祖國光榮。增國民名譽。血肉相薄。鏖戰於槍林彈雨之中。與薩摩武士。鹿島健兒。相持奉天鐵嶺。一戰不勝。誓死再戰。再戰不勝。將合灰燼。退舍再戰。曠日持久。兵連禍結。未知了期。甲午一役。日民阨隘。蠢蠢欲試。日本政府善用反對。生事境外。獲利銷變。俄民跼促於專制政體之下久矣。因尋構亂。反對劇烈。猛進之氣壯。而且銳。俄皇苟幡然變計。利用反對。則日俄戰局。或因俄有內亂。而延長久戰之期。如英美之戰。相持八年。英特之戰。流血五載。窮年積歲。實不可知。况海軍續增艦隊。駛影連檣。俄帥近益戰。兵雄心未死。雪恥以後。再受調停。窺動聆言。察微測著。議和之信。竊恐難憑。夫國有反對之民。國之幸福也。民有反對之力。民之愛心也。無愛心者。不知反對。不反對者。

不知排外。俄民聞敗起爭。民權能爭還。民權之民。即能爭還國權之民。俄敗於日。國權喪失。俄民反對。愛心已萌。雖敗不弱。雖敗不亡。若夫東方病夫。慷慨無氣。國無反對之民。民無反對之力。敗不知羞。困不知鬪。愚氓釜魚。貴族幕燕。柔順性質。宣布全球。一二強梗者。又爲鏟鋤。斧削殆盡。忍受內容之銜。勒不能力。抗坐待外來之屠割。不敢力排國民程度。去俄遠甚。遑能與英日並論哉。然則俄民反對實力。暴興俄不善用。則和局不議而易定。俄如善用。則和局雖議而難成。嗚呼。處競爭世界。吾敢一言決之曰。國無反對之民。國必滅。國有反對之民。國必興。

練兵處奏擬定營制餉章摺 營制餉章見後

竊准軍機大臣字寄。本年四月十六日奉 上諭。現在時事多艱。練兵實爲急務。所有京外練兵事宜。一切營制餉章。操法軍械。應如何整齊畫一。及各省綠營官缺兵額。如何裁併著練兵處王大臣會同兵部悉心統籌妥議具奏等因。欽此。仰見 聖朝經武圖強實事求是之至意。欽服莫名。臣等伏維兵者國之大政也。古之時兵民合一。有事則調發。事畢復歸農。然猶以時簡車徒。討軍實立伍。兩卒旅之制。行蒐苗獮狩之典。習坐作進退擊刺戰陣之法。其重之也如此。後世兵民既分。用兵愈繁。養兵亦愈多。自漢以下。凡內而京師。外而郡國。莫

不設兵鎮之近世東西諸名邦參兵之費率占其國財額最多之數豈皆樂擲無量之金錢以養起桓之衆哉蓋非兵無以衛國非兵無以庇民是以宋向戍欲弭兵而樂喜非之秦始皇銷天下兵不久而遂亡晉武帝罷州郡兵未幾而致亂故司馬法曰天下雖平忘戰必危而泰西人尤重均勢齊力謂備戰方能止戰足兵正以息兵雖以美之向持保守主義近亦汲汲擴張軍備誠知兵之不容已也顧國不可無兵兵尤不可無制制尤不可不一。聖諭以練兵爲急務並殷殷以整齊畫一相責問洵爲探源之道握要之圖伏考 國初以來八旗勁旅向稱精整卽綠營經制之兵亦皆各省一律天下同風迨積久法墮髮捻繼擾綠營剗敵爭募勇營各軍互有異同各省自爲風氣此實不能整齊畫一之原因至於今日勇營亦漸窳廢兵事日益艱難臣等請約略言之從前募勇不問來歷今宜按格精選不得倖進濫充從前當兵不定年限今宜番練遞休不至疲衆費餉從前將不必知學奮勇敢鬪便可立功今則戰法日新平時教導臨時指揮鹵莽者必不能任從前兵不必久練袒臂持矛便可赴敵今則軍裝繁重身所負荷手所運用生疏者必不能勝況乎火器日精槍礮猛烈軍械有利鈍卽操法因之有巧拙操法有巧拙卽營制因之有疏密營制有疏密卽餉章因之有厚薄以上種種胥待通籌今昔異宜旣未可仍率其舊中外異勢亦不必盡同乎人臣等

仰體 宵旰之焦勞深維軍事之得失參仿各國之成法默察各省之情形詳審折衷釐爲章制一曰各項制略刪繁舉要規模爲之粗具焉一曰營制部分層束編配期於適宜焉一曰餉章計費用豐儉求其得中焉惟是有治法尤貴有治人要賴各疆臣協力同心公忠體 國認真舉辦切實施行庶幾不出數年而通國兵隊可以化散爲整轉弱爲強如其各便私圖別存成見雖有良法視等具文安望相與有成艱難共濟此又能否整齊畫一之關鍵惟在 聖明主持督策董勸責成而已至於新定章制需餉較多原期事事核實人人得用必須將佐諳兵法而精教練士卒嫻技藝而勤操演始能逐漸進步日起有功固非一經改章徒飾觀聽便可以食厚餼號雄師也倘各軍並無實效可徵則新章適啓虛糜之漸應由臣處臣部隨時派員考查凡各省新練之軍確係如法訓練方准照章開銷若但更立新名仍蹈故習毫無實際坐糜鉅貲卽斷不准援此造報一面仍請 旨督飭按照新法切實籌辦庶足振武備而嚴戎政除操法軍械及裁併綠營改訂官缺各事宜續行籌議覆 奏外謹先將擬定營制餉章繕單恭摺具陳謹 奏

練兵處兵部會奏另定新軍官制摺

竊臣等疊奉 諭旨整飭武備業將釐定陸軍營制餉章暨各項武備學堂辦法並出洋就

學章程先後奏蒙 俞允頒行各省在案其餘應辦各事自應次第籌畫以期逐漸整頓竊以爲欲興軍政須有以振起士心欲振士心莫先於注重武職恭讀乾隆五十一年高宗純皇帝諭曰國家設立武職原欲其折衝捍衛其責並不輕於文臣有明之季文臣用事武備廢弛疆圉孔棘國事遂不可爲此皆重文輕武之流弊不可不引爲殷鑒等因欽此大哉 聖言昭示萬禩矣臣等伏思武職者固 朝廷所以嚴闔寄獎戎功而亦以之鼓舞羣材奔走豪傑蓋必使人人重視乎名器乃能使人人自奮於功名其機甚微其效甚著方今東西洋各國風氣右武人皆以從軍爲樂以武職爲榮雖居下士視若清班以故民氣日強國勢稱盛洪惟我 朝武功震鑠今古 開國之初內而八旗勁旅外而各省綠營分職設官規模大備軍興以來各路營伍平賊立功其以戰績遞保至專閫大員者指不勝屈而鹵莽不學之夫亦得以遭際時會廁身右職自致通顯事定之後無缺可補或投置閒散或借補小缺甚至有罷歸田里不能餬口自給者故雖提鎮崇階已非復如昔時之可貴至於千把末秩則更視爲無足重輕之官稍有志節者咸鄙薄而不屑就武職猥濫莫甚於斯亦積漸之勢然也近者 朝廷銳意自強屢奉 詔書振興武學海內人士靡然從風其自將弁武備各學堂畢業及游學回國諸生肩背相望於道並有以宿將而折節受學亦有以

文職而隨班肄業者莫不精研藝術具有專長而新定營制選派營員又多屬出身學堂或諳練武備之人誠以兵事至精新理日出必須嫻習科學方能蔚成將材固非如從前鹵莽之夫徒恃血氣以從事也夫以學堂成就之難軍營選擇之慎而其進身之途仍不外乎千把末秩無足重輕之官其誰不廢然而自沮乎董仲舒有曰琴瑟不調甚者必改絃而更張之臣等嘗考歷代職官其制度之沿革異同名號之繁複叢雜多至不可勝紀推原其故大抵習見者不足爲榮則後起者必別立名稱以更易之乃能使耳目爲之一新志氣爲之一振因時制宜之道蓋亦有出於自然者近歲以來 朝廷破格用人屢有以漢臣而 特加滿秩者異數殊寵誇耀一時馭世微權莫妙於此且今日四海一家率土臣民同居 覆轡之中久泯滿漢之見若因勢利導而予以人情之所榮知必有鼓舞歡欣翕然嚮慕者臣等公同商酌參仿八旗官員之秩序旁採各國軍營之規制擬定新軍官職區爲三等析爲九級上等軍官有三第一級曰正都統秩視提督階從二品第二級曰副都統秩視總兵階正二品第三級曰協都統秩視副將階從二品中等軍官有三第一級曰正參領秩視參將階正三品第二級曰副參領秩視遊擊階從三品第三級曰協參領秩視都司階正四品下等軍官有三第一級曰正軍校秩視守備階正五品第二級曰副軍校秩視千總階正六品第

三級曰協軍校秩視把總階正七品嗣後凡學堂出身或游學畢業以及諳習武備帶領新軍各員均以此三等九級軍官分別除授各與對品文職體制相仿如蒙 俞允其一切補授遷轉詳細章程再由臣處臣部悉心覈定奏請 聖裁至各省綠營一時尙未能盡廢其官名自可暫仍其舊俟將來綠營盡裁時再行酌量更改庶足以作新士氣振勵戎行名器自不可輕上以隆 聖世官人之典榮途俾知共奮下以儲干城衛 國之材實於經武圖強裨益匪細謹 奏

署兩江總督周奏請專派大員統御南北洋海軍摺

竊查各國水陸各軍無不號令齊一聯合一氣雖有分合聚散絕無不可歸一將統御之理亦無兩軍不能合隊之事中國從前創辦海軍因限於財力先辦北洋而南洋則因陋就簡規模未備近年以來舊有兵船益形窳朽徒糜餉項無裨實際且管駕各官亦多不諳方略是以前署臣張之洞有裁汰舊船之奏臣此次南來察看各兵船亟應分別裁留認真整理非定章程不能革除舊習非專派大員督辦不能造就將才查有現統北洋海軍廣東水師提督葉祖珪本船政學堂出身心精力果卓著賢勞若將南北洋各兵船歸併該提督統管凡選派駕駛管輪各官修復練船訓練學生水勇歸其一手調度南北洋兵艦官弁均可互

相調用現在兵艦雖不足一軍之數而統御巡防江海一軍有此以鎮之則均屬堪用即南洋水師學堂上海船塢兵艦餉械支應一切事宜有與海軍相關亦堪歸併准該水師提督考核會商各局道員切實整頓前委管駕各官有於海軍尙欠練習者酌量撤換庶幾規模畫一官弁無濫竽倖進之弊畛域無分調遣收騎角相輔之用氣象較前益壯將來擴充辦理軌度不致有差近日屢與北洋大臣臣袁世凱往復電商所見略同謹 奏奉 硃批著照所請該部知道欽此

湖廣總督張奏定購快礮艦魚雷艇並自造淺水兵輪摺

竊照近年來時艱孔亟事變難知湖北居南北水陸之衝素爲上游重鎮自開埠通商以後長江門戶幾已盡撤藩籬各國兵輪以護商爲名得以常年駐泊然從前各國上駛兵輪不過一二艘尙有限制近則一國師船並駕而來者多至四五艘甚或指定內湖地方爲操礮之事屢經向各領事商阻每以尋常游歷並無他意事屬水師無權過問爲詞任商罔應近年各國更特造淺水兵輪爲游弋長江之用平日暫來暫去固已相習而安設有民教偶啟衅端或地方略有他故但可藉口兵輪紛來陽託保護之名陰作示威之計事多棘手措置恆難若本省自有礮艦雷艇足與相抵則外人意有所懾諸事便可和平商辦而在我亦

有備無患可不受其挾制之威體察情形非多備礮艦雷艇無以爲建威消萌之計三年蓄艾事已嫌遲及今不圖後將無及鄂省財力本不寬舒近更認籌解京鉅款及本省練兵興學諸要政需用浩繁原有竭蹶不遑之勢然爲固圉保疆防患未然大計實不敢專顧目前自忘後患茲經臣督飭司道設法騰挪竭力撙節每歲可勻出的款五十餘萬兩以爲購造礮艦雷艇之用當以日本川崎造船廠其自造本國兵輪已著明效上年春間臣在兩江署任已與訂造長江兵輪四艘比較英德等國工價格外從廉此次回鄂復與該船廠訂造快礮艦六艘魚雷艇四艘其造成交卸之期極力商訂從速以備急需將所定船式及分年付價按年提款辦法分條縷陳如左 一現定雙機暗輪新式快礮船身通長二百英尺寬二十九英尺六寸艙深十四英尺吃水八英尺壓水重七百四十噸實馬力一千三百五十四折中速率每點鐘行十三海里以能容十二生口徑頭礮兩尊七生半口徑尾礮兩尊新式快機邊礮四尊施放時船身不受震動爲合度較江南所造船式重量加增二百二十噸馬力加增四百匹頭礮尾礮各增一門一船可得兩船之用每英尺合工部營造九寸八分者奇 一現定新式快機魚雷艇船樣船身長四十英尺一寸寬四英尺九寸四分艙深二英尺零五分吃水一英尺一一零壓水重九十六噸實馬力一千二百匹折中速率每點鐘行二十三海里每艇

配四生七口徑快礮二尊十四英寸魚雷管三門每法尺合部四寸一現定船式經臣督飭善後局與該船廠工程師詳加審酌繪有船身全圖機器全圖及另繕製造工作陳設備用各件英文詳細清單言明務與各國同式極美備之兵輪雷艇一律無異並可由湖北選派熟悉製造工料委員駐廠監造所選材料均須經監造委員驗明許可方准配用如經委員剔退立即另選合宜材料復驗許可然後動工以期工料精良堅實 一議明快礮艦實價除礮位礮架自備外每艘日幣四十五萬五千元六艘共日幣二百七十三萬元魚雷艇實價連礮位魚雷快槍手槍彈藥等項一應在內每艘日幣三十萬元四艘共日幣一百二十萬元兩共日幣三百九十三萬元約折合中國庫平銀二百九十四萬七千五百兩此係將常例定艦九五扣收船二釐五陋規及一切花銷使費革除淨盡故船價極為核實公道

一議明川崎船廠承造此項礮艦雷艇自合同簽字之日起限於二十六箇月內先交礮艦三艘雷艇一艘又九箇月續交礮艦三艘雷艇三艘共三十五箇月內將礮艦六艘雷艇四艘一律交清如無故逾限誤期另行議罰遲至四箇月尙未交船可以退回不收將原價如數繳還倘驗收該艦艇時吃水尺寸有逾馬力速率不足亦可退還不收將原價如數繳還 一議明礮艦總價日幣二百七十三萬元於三十五箇月內分五期付清雷艇總價一

百二十萬元於交後展緩兩年分四期付清此後緩付之價共計五十九箇月按照分期應付之價酌認利息計日幣二十三萬六千六百元約折合中國庫平銀十七萬七千四百五十兩如能提前早付利息仍可減免 一前項快礮艦六艘魚雷艇四艘分年付價約計共合庫平三百十二萬四千九百五十兩查鹽道庫每年所收川淮鹽練兵新餉正雜款約計庫平二十三萬兩內外又湖北官錢局近兩年經理得法歲有盈餘不下二三十萬兩茲擬每年動撥鹽道庫練兵新餉庫平銀二十三萬兩官錢局盈餘庫平銀二十九萬兩兩共提撥庫平銀五十二萬兩以六年爲度共得庫平銀三百十二萬兩以之分期匯付前項船廠本利所差無幾以上辦法業經議妥飭令善後局司道與駐漢口日本領事官永瀧久吉川崎造船廠委員四本萬二訂立合同彼此簽押蓋印存案計三年之內湖北得有新式快礮艦六艘雷艇四艘以之布置武漢一帶江面稍足以壯聲威而資防禦若荊州以上則自秋末以至春初江流退落水少沙多洞庭襄河其淺尤甚非吃水極淺之船不能上駛英國前來淺水兵輪吃水曾不足三尺此等小礮艦無論何時何地均可游弋自如我若無以相抵設有事端何所施其阻拒故吃水最淺之兵輪亦斷不能不備若再向外洋訂購則需費更覺不貲幸湖北兵工廠現尙有能仿造此項淺輪之工匠茲擬自行試造數艘一種吃水六

尺深者以備駛赴荊州宜昌等處擇要駐泊此爲巡緝上游備豫不虞之用一種吃水三尺深者以備南浮湘水可由長沙以達衡州北入襄河可由安陸以達襄郡此爲巡緝內港鎮懾匪徒之用核計每艘工料價值大者不過七八萬兩小者不過二三萬兩期於就深就淺利用咸宜水陸兵備一律完固以仰副 朝廷勤修武備綏靖長江之至意謹 奏

署四川總督錫奏川邊巨匪就殲地方安靜摺

竊川省東南與滇黔接壤犬牙交錯山險路歧久爲盜賊淵藪雖已移會雲貴巡撫臣嚴飭沿邊文武認真搜捕往往此拿彼竄漏網吞舟小醜巨魁聲氣廣通官兵束手在紳團豈甘於通匪而偶有力能捕賊者立被焚殺搶掠毒虐之慘令人膽寒所以雖良民之家無不結交徒黨冀以免害民匪混成一片幾於良莠不分論者謂川南隱患釀久而發甚於粵西奴才心竊憂之倘再養癰必至不可收拾去秋蒞任訪察明確卽於冬間 奏派署永甯道趙爾豐督察敘永捕務兼防滇黔各邊其間著名股匪惟尹煥章羅海亭爲最而貴州仁懷廳之彭青臣卽彭小老團次之尹匪上年在昭通永等縣劫殺羊羣客連傷差團並捉人碎屍拋江經前撫臣李經羲會川協緝未獲凶醜益張羅匪去歲三月在琪縣地方竟敢戕害副將岳培高及勇丁多名奏明有案該兩匪狼狽相倚狡獪絕倫黨羽各千餘人私購新式槍

敵甚多器利人衆四出擾害在眞溪劫商店在健爲搶鹽本在宜賓戕練勇斃團丁此外焚劫巨案所在皆是行者各有戒心自趙爾豐到任永甯隨時單騎率勇嚴搜幽險首要零星游匪捕斬數十名翦其羽翼略示兵威隨飭統領續備後軍知縣劉朝鎔督辦敘南六屬團練嚴清內奸分防要隘稔知該軍左營管帶參將陳忠良具有勇畧其部下哨弁鄧忠信又係前護督臣陳璠奏明招降勒令戴罪立功之鄧瀛州因檄該參將責成鄧忠信帶隊捕匪自効授以機宜期在必獲並由前署敘州府另補直隸州知州榮麟督飭各屬派練嚴密防堵該道一面懸立重賞購線捕緝一面出示曉諭以明利害解散脅從會謀報兩匪劫得鹽本銀兩由屏山境內竄走老樹村立派兵團合追截擊接仗數次生獲羅黨許吉亭等審訊賊踪偵確羅匪已回郭家墳老巢隨經鄧忠信等馳往川滇交界之温家坳遇該匪率悍黨百餘抵死抗拒我軍四面兜拿併力前擊將其轟傷旋即斃命報經電飭戮屍梟示餘黨亦陸續斬獲殆盡此剿辦羅海亭一股之實在情形也羅匪授首尹勢漸孤然猶據窟多處嘯聚負隅夥購快槍心殊叵測又買結窮丐游民脅制團紳糧戶使各吞聲忍氣莫敢誰何其聲息之靈黨援之多較羅匪尤甚趙爾豐慮剿捕愈急竄匿愈深勢必勞師曠日因飭陳忠良以計取之先離其黨援斷其接濟聯絡隔省紳團皆爲我用探悉賊黨如張廷標等先後

星散乃節節密布網羅擇土人爲鄉導命差弁王雲安改裝深入虎穴相機誘致當是時官兵不露聲色匪等以爲捕弛亟圖出覘動靜又恃備多無患率悍賊多人執械在前及自復興場至瀘州九姓司之沙磧見勢知敗正欲拒逃適四面伏發衝突無路猶回槍猛擊移時我軍憤激圍撲奪槍始一鼓生擒並獲悍目劉興順等數名一併解營正法竄逃餘匪以次戡平此剿辦尹煥章一股之實在情形也至黔匪彭青臣一股去年匪勢盛時曾竄入合江縣勾判佈寶場轟斃團衆燒燬民房當經勒緝要犯二十餘名盡法懲辦匪首彭青臣大股竄擾苗溝等處先由劉朝鎔分派弁勇馳往會剿趙爾豐隨亦親督進剿駐紮琳溪各營團深入巢穴窮搜巖谷於川黔兩境人迹罕到之處跟踪掩捕斬獲多名圍攻十許日始將彭匪擒獲並獲悍黨屈耀先林吉香等數十名訊明就地正法將窩匪老巢盡數剿平苗溝本係通黔大道行旅久絕至此已商貨暢行民安耕作敘南各州縣伏莽於是一清伏查尹羅各匪以數年逋寇爲三省邊患迹其戕官劫帑無惡不爲直已形成叛逆設非及早殲除更將勾結蔓延無知妄徒復從而附和之川省人心浮動加以旱災鬧荒仇教各處響應蹂躪必廣非獨糜餉勞師大局何堪設想幸該道等百計圖維智誘力取不數月間能使首要駢誅裹脅者亦俱回心革面弭鉅患於無形所以保全甚大謹 奏奉 硃批著照所請該部

知道欽此

署兩廣總督岑等會奏收復羅城縣城剿匪獲勝請獎尤爲出力各員摺

竊照三防股匪於八月十四日竄踞羅城縣城飭署右江道龍濟光督營收復並於小長安一帶兩次追剿獲勝先經臣等摘要電奏聲明在事出力人員另摺請獎在案當八月初三日匪陷三防分股下竄前敵各軍被匪阻隔轉在賊後臣春煊適在慶遠屬之濟字營馳往援剿詎兵未發而悍匪歐四白毛七等率黨二千餘圍攻羅城縣城署知縣李澤先率練兵出外防剿衆寡不敵死傷過半十四早匪由城東南隅攻入城遂失陷時龍濟光所帶各軍尙未調集即先率兩哨及餘卒二百人星夜馳赴羅城自十五夜戰至十七辰刻始奪回城外潘羅兩村及硯山獅子山而匪由黃金龍岸一帶來會者不下七八千人龍濟光督隊晝夜苦戰二十二三日調濟營及慶防副中營陸續趕到二十五晚龍濟光重懸賞銀激勵將士派濟字選鋒營扼城外鳳凰山分隊進攻西門又派前營由城東南隅進攻派濟字右營副中營慶防副中營及奏革知縣李澤督率練兵由南門進四路衝突忍死血戰斃匪約三百餘人至二十六日黎明各營進抵城下龍濟光親率附生楊漢蒙錫麻奮力進攻一鼓登城遂將羅城縣城收復匪由東門奔竄小長安龍濟光卽飭李澤先入城安撫百姓一面

分兵尾追一面自率健卒繞出小長安之前遏匪去路臣等聞報飛飭右江營務處道員王芝祥督率成字營銘字營熙字營柳防營前進要截九月初三日各營會合濟軍在羅城融縣柳城交界之王村一帶與匪猛撲斃匪三百餘名次日又分路進攻分統成字營守備劉成貴追匪至融羅交界之牛鼻河口溺死槍斃者共百餘人濟字營攻破小長安匪巢殲匪倍之匪勢大敗伏查龍濟光自去冬帶濟字四營由滇赴百色泗城一帶剿辦游土各匪半年以來地方漸臻靜謐本年五月委署右江道篆並令添募四營先辦慶遠各屬行經河池思恩等州縣遇匪即擊均有斬擒節經隨時奏報甫抵慶郡遂援羅城每戰必親自督陣不避艱險所部營員亦多驍勇此次苦戰旬日稟報陣亡什勇約百餘名亦足徵匪徒之狡悍攻剿之不易道員王芝祥督催各軍要截赴機亦極迅速守備劉成貴兩次攻匪衝鋒剽疾殺賊百餘名極為奮勇當此匪勢未靖兵力多疲若不將異常出力各員立請優獎無以鼓勵戎行合無仰懇 天恩俯准將委署右江道統領濟字營花翎鹽運使銜貴州補用知府龍濟光免補本班以道員留於廣西補用並 賞加二品頂戴附生蒙錫庠楊漢均以巡檢分省前先補用分統成字營補用守備劉成貴管帶濟字前營補用守備龍得勝均免補本班以都司儘先補用並加遊擊銜管帶濟字選鋒營千總白有祿幫帶千總白志城均免補

千總以守備儘先補用並加都司銜幫帶濟字右營把總納順洪管帶濟字副中營把總李文富均免補把總千總以守備儘先補用以上請保文武僅止九員確無冒濫謹 奏奉 硃批著照所請該部知道欽此

江西巡撫夏奏江西內河水師換造船隻並酌改營制餉章摺

竊江西內河水師經前護撫臣柯逢時添造飛划改爲巡警軍臣到任後又分爲左右兩軍先後具 奏並聲明營制餉章畧爲增損在案茲查該兩軍船隻原有舊式長龍三號督陣舢板四號長江舢板六十四號舊式舢板二十號共船九十一號續添飛划九十一隻向章三年小修六年大修九年小修十二年換造惟自光緒十一十二兩年換造後至二十三十四等年均屆換造之期因經費支絀改爲大修二十七八等年亦經陸續修理而自造成以來爲時近二十年木質朽敗釘腳鬆銹隨修隨壞不堪操練駕駛且既分屬兩軍各項船隻數目亦宜酌量變通以期適合於用據該兩軍統領稟經批飭派辦政事處司道核議卽於三十年一律換造左右兩軍共改設長江長龍兩號舊式長龍四號督陣舢板二號長江舢板七十六號舊式舢板六號共計大小船隻九十號巡划九十隻所需工料及設廠經費核實支用造銷至營制及統領營哨等官弁薪工亦做照常備續備各軍酌量核定詳請具 奏

前來臣查江西內河港汊紛歧漲落無定礮船最爲利用自二十七年裁撤江軍力已單薄現存內河水師自應認真整理該司道等所議均屬因地制宜應卽照辦伏乞 敕部立案施行謹 奏奉 硃批該部知道軍併發欽此

謹將內河水師巡警左右軍更定營制餉章繕具清單恭呈 御覽 左軍統領兼中營營官一員文案一員巡員一員差弁二名長江長龍一號領哨一員督陣舢板一號哨官十三員長江舢板十三號前後兩營各營官一員書識一名舊式長龍一號哨官十四員長江舢板十四號全軍共礮船四十五號每號配帶巡划一隻共四十五隻 右軍統領兼中營營官一員文案一員巡員一員差弁二名長江長龍一號領哨一員督陣舢板一號哨官十三員長江舢板十一號舊式舢板二號左右兩營各營官一員書識一名舊式長龍一號哨官十四員長江舢板十二號舊式舢板二號全軍共礮船四十五號各配帶巡划一隻駐守藥庫委員一員槳勇長江長龍十七名舊式長龍十五名督陣舢板十一名長江舢板七名舊式舢板六名統領長龍另加艙長一名巡划水手卽在槳勇內隨時撥用不另增添 統領每員月支薪水銀八十兩公費銀一百兩文案每員月支薪水銀二十兩藥庫委員月支薪水銀二十兩巡員每員月支薪水銀二十四兩油燭紙張銀四兩差弁每名月支薪水銀七

兩七錢七分營官每員月支薪水銀三十兩公費銀四十兩書識每名月支口糧銀五兩領哨每員月支薪水銀十六兩哨官每員月支薪水銀九兩三錢此外勇糧座船等項雜費仍照舊章辦理巡划油船亦照章酌給合併陳明奉 硃批覽欽此

署湖南巡撫陸奏湘軍赴桂協剿防地空虛添募新旗填紮要隘摺

竊查湘省防務經臣於七月間將同樂貫响迭獲勝仗各情形馳奏奉 硃批仍著督飭扼要嚴防等因欽此嗣於八月電奏准兩廣督臣岑春煊並廣西撫臣李經羲節次商調狼山鎮總兵黃忠浩記名提督張慶雲赴桂協剿奉 旨允准欽遵辦理各在案伏維湘桂兩省唇齒相依桂匪一日不肅清卽湘防一日不能撤老師糜餉長此安窮且恐日久變生難保不蔓延潰決爲大局計自當防剿兼籌臣已恪遵 諭旨分飭黃忠浩張慶雲兩軍穩慎進取相機助剿並令時時以回顧湘邊爲重一面由臣派員赴桂設立糧臺接濟餉械以爲合力攻剿之計惟是湘省邊防向恃黃忠浩張慶雲兩軍爲西南屏蔽現將陸續開赴前敵防地驟減十餘旗頓形單薄而南路尤爲空虛原擬調提督劉光才一軍分兵移紮無如西路袤延數百里山徑紛歧處處與匪踪逼近形勢吃重劉軍所統兩營四旗僅敷分布礙難抽調其發毅剛各旗均在龍勝左宜書林等各要隘分紮防堵以備黃張兩軍後路聲援且近

來病勇過半滿目瘡痍正在陸續挑補亦萬無可撥臣與營務處司道悉心籌畫非另行添募湘勇數旗恐不足以敷調遣惟是募兵易選將難蓋此次粵西戰事苦惡異常往往山谷煙瘴間林深樹密鏖戰數晝夜不得休息是非精明強幹能耐辛苦與夫熟悉情形者不克勝營統之任臣留心察看查有原帶發字旗補用副將張嘉鈺久駐邊陲聲威素著原帶武字旗記名總兵謝典禮年力強壯樸實耐勞以之統練新軍防守南路當可得力現擬將新募勁字第一二三四旗交張嘉鈺統帶新募銳字第一二三旗交謝典禮統帶一俟訓練成軍卽行開往南路惟該軍未到防以前全道一帶爲通桂門戶未便一日空虛擬請酌留張慶雲一二旗填紮黃沙河原防以鎮邊圉而資熟手將來俟新軍到防再行酌量辦理至省會爲根本重地兵力亦殊形單薄且近來內地伏莽滋多會匪潛集時虞竊發現已破獲多起非厚集兵力不足以壯聲威另飭記名提督顏瓊林添募一旗連原帶湘威左右兩旗合爲三旗飭令在省認真訓練俾成勁旅一枝藉資鎮懾兼備巡緝以上共添募新勇八旗一切營制餉章悉照湘省常備軍舊制辦理臣極知庫空如洗籌餉爲難然當此外寇方張內患隱伏萬一疏失負罪滋多不得不竭力經營作未雨綢繆之計再近准練兵處咨行奏定陸軍營制餉章自當欽遵辦理惟現查湘省各軍大半出防未便調回改制擬請展緩俟

邊防事竣再行遵辦合併陳明謹奏奉 硃批該部知道欽此

欽差大臣兵部侍郎鐵整頓江甯旗營片

再現在時事艱危 朝廷日以整軍經武爲急務八旗關係根本至計尤未便置作緩圖奴才此次來甯查考駐防所練常備續備兩軍向由江甯藩庫每月撥銀二千兩錢一千二百五十串充支練餉原定餉章常備兵每月支銀三兩四錢續備兵每名月支錢二千三百餘文當此百物騰貴之時斷難給其食用而欲使之專心操練俾成勁旅勢必不能此外尙有巡警軍官兵共二三百人僅月領經費銀二百餘兩別無練餉他如八旗蒙學堂騎射槍廠各設有二十四所而每所僅月給銀數兩亦屬有名無實該將軍日思整飭亦以經費無出難於展布本年六月曾以該兩軍歲需旗幟操衣等項無款挹注商由本任督臣魏光燾飭行江甯藩司增撥銀五千兩而事多款少仍屬不敷奴才以爲練兵萬無惜餉之理如其苟簡從事毫無實濟則涓滴之餉亦屬虛糜不如不練既欲挑練自當以全力濟之方期化無用爲有用當與司道籌商在江甯蘇州兩銅元局自本年十月起各由餘利項下每年再各增撥銀六千兩以江甯所撥專備加餉練兵及一切營務之用蘇州所撥專爲擴充學堂振興工藝之用並飭江甯軍械所分撥比國快槍一千桿每桿隨配槍彈五百顆滬製三鎊子

快礮十六尊每尊隨配礮彈二百顆以資練習以上綜計增籌之款已有一萬七千兩自可恢復規模認真訓練至學堂爲培養人材之基本無論文武學術必當從此入手應否隨營設立抑或分設初等小學堂及兼設工藝等學分門教習使閑散丁口各有技能足以自贖之處均由該將軍副都統揀派妥員分晰籌畫仍將所定軍制餉章學堂課程規則工藝應習門類咨商奴才等切實經理庶於駐防兵丁學業本計不無裨益 奏奉 硃批該衙門知道欽此

雲貴總督丁等會奏滇軍駐防粵境會同剿匪情形片

再廣南派出督帶陸朝珍王國賓等四營在粵境百色鎮邊西林等處剿捕遊土各匪屢有斬獲經三省邊防營務處道員謝汝欽及該各營先後稟報旋以泗色一帶粵軍不敷防布兩廣督臣岑春煊及謝汝欽電請由滇添派遂又派出富新前等兩營合計六營仍駐粵境會剿前於五月內曾經附 奏陳明在案五月以後因柳慶撫勇叛變泗色一帶亦異常震動據謝汝欽電稱賊勢浩大衆輒數千而駐紮平樂村之綏遠營左哨本係撫隊亦有叛變槍斃該營幫帶之事陸朝珍王國賓電稟經謝汝欽派令飛往龍州坡一帶密截然天峨等處與黔交界八蜡過馬樂西約在泗色以下距滇邊二十餘程綏遠四營多係撫游前在泗

城且有索取舊欠打單銀兩各情陸朝珍王國賓等輕軍探入深爲可慮當電飭開廣道魏景桐署廣南府知府王正雅嚴防密探並飭謝汝欽往返妥商務宜穩紮穩打審勢量力總期滇粵交益顧全大局爲妥旋據謝汝欽電稟綏軍叛後泗城幸尙無事所有竄匪經陸朝珍李朝興各帶所部並富新團哨追擊多所斬擒當卽解散九月初六日陸朝珍王國賓派前營右哨同續後派出之富新前營胡興所帶團哨赴上林堵截陸朝珍自率所部及胡軍兩哨赴平樂村進剿初九日王國賓由泗城派唐登甲率左右營弁兵三哨自坡心盤陽探擊匪由新隄後路九兒寨竄恩隆屬之朔乙鳳山李朝興及綏軍管帶黃家廉跟踪追至卜勞三面夾攻各有斬獲並奪回拉去之男婦幼女共四名口匪竄賜福該管帶等追至作塘適督帶陸朝珍亦至遂與商酌分三路進攻自午迄申兵氣益奮匪大潰遁奪獲槍械多件拔出被拉之韋生才等男婦七名口據韋生才稱匪首係大花面黃大蘇萬六鄭八黃六蔡志彌等五名於是商令李朝興黃家廉由芭口燕洞截擊胡軍由盤陽繞截陸朝珍跟追十九二十二等日復敗匪於潯光那賓等寨及武緣縣屬之五村匪踞鄧甘高山抵死抗拒我兵鼓勇直上斬獲無數匪乃敗散我兵陣亡副哨武舉沐雲光什長儂有才二名其餘兵勇亦多有傷亡搜剿數日距思郡僅百餘里已無匪蹤只以山深林密道遠徑歧未敢窮追

分探色思境內匪氣已靖卽飭回色各紮原防等情前來並先後據該督帶陸朝珍王國賓等電稟經臨安開廣道魏景桐廣南府知府王正雅富州通判李世楷查復情形相同臣查此次柳州勇營甫經肇亂平樂村防哨叛變繼之土匪游匪羣思蠢動股數甚多滇粵邊界在在毗連人心頗覺惶惑泗色一帶尤極空虛署廣西提督丁槐總兵何友山等所部多係撫游滇軍僅止六營懸軍深入孤危可慮幸會剿又閱半年泗色一帶匪蹤漸次盪定邊境又安堪以上紓 宸廑現據該道謝汝欽電稱奉兩廣督臣岑春煊廣西撫臣李經羲飭添募四營分隸陸朝珍王國賓督帶以厚兵力此後滇粵兩軍自可聯爲一氣謹 奏奉 硃批仍著督飭扼要防堵毋稍疏虞欽此

練兵處奏定陸軍營制餉章

營制餉章總義 自古無久而不敝之法而兵制尤與時會爲變遷故一代有一代之兵制一時又有一時之兵制未可泥古劑以療新病居夏日而御冬裘也是以晉荀吳舍車用卒趙武靈改習騎射漢量錯請師長技皆因時制宜之妙用方今各國兵制日新月異考究綦精參合而比較之棄短從長亦烏容已顧兵事爲專門之學制度章程至爲繁重舉其綱領厥有二端曰營制曰餉章夫編訂營制非徒以盛威容壯觀瞻也平時之強弱臨事之利鈍

悉基於此其要在本戰法以立操規又本操規以定營制觀其上下相承大小相維多寡相配奇耦相生務如身之使臂臂之使指誠有增於其數則或嫌其冗減於其數則或慮其疏者矣至於餉章必使豐約得宜儲運有法駐軍無缺乏之慮赴敵無牽顧之憂典兵者無所藉以侵牟筭饟者不敢恣爲中飽仁恩既洽民義斯興或曰兵事謀略爲主制度次之故孔子言好謀而成漢書兵家以權謀居首不知謀略用也制度體也未有體不立而用能行卽未有制度不善而謀略足恃者也中國戎政久弛兵制日隳不得不取法於人相觀而善第我之地勢人情財政物力又有不能與人強同之處參觀夫彼己斟酌夫時宜庶幾乎變通盡利焉茲將所訂各項制章分款列後

立軍制畧 古者天子六軍大國三軍其軍但別以上下左右而已無繁稱也今各國軍隊人數衆多除海軍外統稱陸軍其編列名號莫不由第一以至於十百通國一貫脈絡相聯蓋以兵爲國家之兵非一人所能私一隅所能限故將帥不得擅立主名軍隊亦不得自爲風氣其編立號數大抵視轄境之遐邇因其區域劃分次第而章制操法統歸一律遇有徵調無論何處兵隊均可編配成軍協力攻守無論何軍將領均可統率節制如法指揮中國軍政甫經整頓各省改練新軍尙多有名無實驟難劃區編定擬先就各省已練之新軍由

練兵處兵部會同奏請 簡派大員前往考驗擇其章制操法一律合格者奏請 欽定軍
鎮協標號數其尙未舉辦暨雖舉辦而未能合格者由該將軍督撫預先奏明姑緩考驗一
面悉心籌畫蒐討軍實督飭各將領遵照練兵處兵部奏定章制操法認真籌辦俟續練有
成卽奏請考驗依次編號以昭核實編次之先後視練成之遲速爲定

分軍制略 軍分三等 一曰常備軍選土著之有身家者充之屯聚操練發給全餉三年出
伍退歸原籍 一曰續備軍以常備軍三年出伍之兵充之分期調操減成給餉三年遞退一
曰後備軍以續備軍三年遞退之兵充之仍分期應操餉又遞減四年退爲平民

常備軍制略 平時編制以兩鎮爲一軍每鎮步隊二協每協二標每標三營每營四隊馬
隊各一標每標均三營每營馬四隊隊三隊工程隊一營每營四隊輜重隊一營每營四
隊步隊工每隊皆三排每排三棚馬隊二排每排二棚輜重隊二排每排三棚各種隊伍每
棚目兵十四名計全鎮官長及司書人等七百四十八員名弁目兵丁一萬零四百三十六
名夫役一千三百二十八名共一萬二千五百十二員名至戰時徵調應按地勢敵情或以
三鎮爲一軍或合數軍爲一大軍或祇派一鎮分往一路不受軍之節制皆因事制宜無庸
拘泥徵調之際各鎮兵丁器械皆可酌量增加其率如下步隊每排增三棚其兵丁由續備

軍調充其正副目由常備兵選拔礮隊每隊仍備礮六尊兵數無增惟運送彈藥物料暨一切零件各物應需人員須額外加增亦由續備軍調用不敷則由後備軍添補至馬隊工程隊訓練稍難平時仍宜準備戰時額數不須臨戰添調輜重隊應按道路之遠近隨時酌加未便預限均由續備後備兩軍內調用如有不敷亦可雇用夫役

續備軍制畧 常備兵訓練三年期滿發給憑照資遣回籍列爲續備軍月給減餉銀一兩每州縣有續備兵百名以外卽派一弁常駐管轄兵多則弁增弁多酌設官以領之其不及百名之處卽兩處派一弁兼管每月會同牧令發餉一次並兼司常備兵家書留餉及新募兵各事續備各兵仍聽自謀生業每年十月由該軍統將遴員前往各府州治督率操練先期由該駐弁調集各兵帶往聽候會操操期以一月爲度調操之月各兵發給全餉如常備兵之數頭日照加各府州治應按各屬兵數預先請領槍械及號衣等件臨操分發操竣收回建庫妥存由駐弁管理平時如有緝捕彈壓要事准各牧令會同該駐弁酌量調用予以津貼事竣卽遣不得常留該兵丁旣准出外謀生如所在省分練有新軍情願與客省續備軍會操者於每年六月內報明本籍牧令於八月內轉稟客游省分督撫始准於各地會操無庸回籍儻遠遊不及千里仍須回籍會操其臨操報病及有事故者均應確實查驗捏報

者嚴懲如有征戰無論在籍在外均按冊徵調規避者立置軍法

後備軍制略 續備軍回籍三年改給憑照列爲後備軍月餉照續備減半發給每州縣有後備兵二百名左右則派一弁管轄之如兵數不及一百五十名則附隸於續備軍駐弁其發餉及聽自謀生業與續備同列後備之第二年第四年均須會操其章程與續備同第一年第三年則免調操四年期滿退作平民停止月餉不與徵調仍改給執照嗣後遇有戰事其年在四十五以內願應募者准持照投營錄用其當兵十年始終勤奮結實可用者分別考驗拔升千把外委官職備充駐紮各州縣員弁管轄續備後備之任次則酌賞獎札功牌督練制略 各省將軍督撫本有督練營伍之責惟地方事務繁雜勢難一意專注凡各省新軍業經練及一協以上者應於省會設督練公所一處慎選兵學諳練事理精詳各人員分任兵備參謀教練暨考校本省舊日勇營妥籌變革各事以資輔佐仍由各將軍督撫督率籌辦以期綱舉目張畫一不紊嘗考各國不論軍之大小苟能獨力作戰者必有軍政總匯之處提綱挈領章制整齊此亦略師其意也

設官制略 將領之責在乎運籌帷幄極遠大亦極精微宜專心考查敵情布署攻守最忌分心庶務妨誤機宜又宜各專責成層層節制平時無相侵越臨事免生譏誤查各國軍制

將弁以外仍設庶務專員分任佐理其員司名目未免冗多我宜仿其制而擇其必不可少者分別設立以專責成至兵學日新本無止境在營官弁最忌自封故各國又設立各種專門學校派官弁輪流入學研究新理新法每隊最少須排長一員應派定制每隊排長二三員平時留營教兵者祇餘一二員實屬無可再少況近日軍器猛烈最易傷亡必須多設官弁以備隨時替補誠以官弁非可倉猝造就各國皆不惜費用預爲寬儲於平日必不使或缺於臨時且今之戰事利用散隊由少及多逐段增加而散隊陣綫佔地綿長一隊之綫闊逾數百步往往聲氣難於聯絡非多設官弁又不足以督率約束我國舊制官弁不能數用卽爲戰力微弱之原宜鑑於各國成例酌添官弁以厚戰力卽以步隊而論每隊應設隊官一員排長三員司務長一員司務長專理本隊庶務排長三員每長領一排接戰之時由隊官審勢發令先散一排該排長督率探攻既得敵情再依次分散數排迨全隊散後隊官領於前查看敵情地勢排長督於後防範退縮逃逸遇有隊官疾病傷亡卽以一排長代之該隊戰力不至大減以此類推則官弁之數均須加增始可以言戰事

補官制略 各國兵學皆本專門軍中自排長以上大率由學堂出身中國兵學甫經創辦人才缺乏勢難盡仿各國然不可不立定限制以防濫竽除另擬武備學堂章程請 旨飭

下各省趕速推廣籌辦外此後創練新軍所有軍中委用人員應先儘曾習武備暨曾帶新軍者選擇委用其舊有官弁必須切實甄別以能粗識文字虛心向學者爲上格造成軍以後遇有官弁出缺仍先儘學堂畢業之員選充餘按原委之官弁考其才具優異教練勤能或積功較多或勞資較深者分別擢補概不得在學堂新軍以外隨意任用俟營員改定官缺後所有新軍人員均由該管官出具切實考語暨平時記註功過之多寡在營年限之久暫請咨練兵處兵部立檔以資考覈官缺分別准駁

募兵制略 自招募盛行而 國家兵制一變迨招募積久生弊則又須因時立法以救其失而制其宜應參仿泰西各國徵兵章程及漢唐調兵府兵之制由各督撫察度該省各州縣民戶之多寡幅員之廣狹道路之遠近往來之通塞酌訂開招日期并先設選驗處所預期示諭附列募兵格式屆期派員會同各府直隸州督同各州縣按格選募所謂格式者一年紀限二十歲至二十五歲二身體限官裁尺四尺八寸以上南方人軀幹較小酌減二寸其三五官不全體質軟弱及有目疾暗疾者不收三膂力限平舉一百斤以上四來歷必須土著均有家屬應募時報明三代家口住址箕斗數目五品行曾吸食洋煙及素不安分犯有事案者不收由各該村莊莊長首事地保等各舉合格鄉民開具名冊偕赴該選驗處所聽

候點驗毋許濫保遊民潰勇亦不得將應募合格之人瞻徇隱匿并嚴禁吏胥莊長地保等藉端勒索攤派違者重懲督撫所派委員如期分往該處按格驗收分別去取其合格者註冊編伍並照鈔一冊移交地方官存案即由該委員按名每日發給小口糧開差赴防之時按名酌加津貼足敷食費爲度並各給該家屬執據一紙蓋用兵備處關防成營三箇月後頭目兵丁分別餉銀多寡每月酌扣存餉由餉局按六箇月一次派員會同原籍地方官牌示定期飭該家屬持據親領該委員當面發給於執據註明某年某次領訖字樣倘將執據遺失必於發餉前一二日由莊長人等向地方官及發餉委員報明緣由查明實係遺失再補發餉銀並補給執據如承發委員有尅扣短少情弊准由該家屬函知各兵在營呈訴其到營逾三箇月查明堪勝操練者即行文該州縣照綠營馬兵例每名准免差徭三十畝儻該兵丁代人包攬查出重懲其無差徭省分准照生監例具報優免兵丁家屬由原籍地方官妥爲愛護毋任土豪痞棍欺陵該家屬遇有涉訟案件准其援照生監一律遣抱離營後仍以平民論其請長假或被革退者由該營管帶按月呈報兵備處行知該管地方官註冊如有永革字樣者以後不准回營再補即續有招募莊長人等亦不得再行舉送凡永革及請長假兵丁差徭仍照舊征派優免則立予扣除領餉執據由地方官追繳其有在營拔升

官長者由兵備處知會該原籍地方官填註原冊以便稽考

入伍制略 各國頭目兵丁向分等級按其才品優劣操作勤惰由該管營隊官協同考查隨時升降藉示勸懲立法甚善今應略師其意凡招募新軍應按全營五分之一先募粗通文字壯丁若干名給正兵餉照章訓練五月後擇尤拔升副目次者仍充正兵即按全營額數募足新兵分棚編伍責成該副目正兵分任教操三月後副目勝任者升正目遺缺以正兵選升其人伍新兵均先充副兵五月後擇尤選升正兵訓練漸久其優異者均可遞升正目募兵之始入伍之時日既有參差故兵丁之等級間有分別迨十月以後悉照新章定額配補齊足仍隨時由該管官考查勤惰功過互調黜陟俾士卒時有觀感爭自濯磨至黜陟之權宜有專屬副兵升正兵應由隊官主之正兵升副目副目升正目應由管帶主之軍令制略 軍令者所以定趨向達意旨齊耳目一心志者也易曰渙汗其大號書曰令出惟行弗惟反夫欲令之惟行而無反汗則必積誠信於平日審事勢於臨時其積誠信於平日者一嘖笑之微不敢涉於率意一語言之細不敢出以任情賞以待功不容輕諾諾則必有以償之罰以蔽罪不得虛懸懸則必有以坐之約束堅明章程畫一其行政如四時之不忒其持法如山嶽之不搖於是其下奉之皆知長上之令之足恃也自能切實循行恪恭遵

守不敢有趨避揣測之見瞻顧延玩之心其審事勢於臨時者當軍令未發之先必須虛衷博訪酌理準情計時之所宜與情之所安並量受令者之才具能力以爲部署輕重緩急條理秩然得失利鈍明辨以晰毋作深奧繁瑣之文毋涉游移兩可之語毋傲慢而侵下權毋遷就而徇衆意斟酌既定毅然出之既出之後期在必行無旁撓無中止無隔閡無窒礙其於發號施令之道思過半矣按軍令約分二類一曰詳令授所部以詳晰辦法使受令者逐條遵守也一曰簡令授所部以扼要大意使受令者相機籌辦也或刷印或繕寫或面諭或轉告隨宜應付均無不可東西各國皆以傳令受令爲軍中緊要之學傳令有定法有定時高級兵官均有專司傳令之人凡令一出則全軍隨之如機動而器移如風行而草偃以故三軍齊力萬衆一心戰勝攻取基於此矣

訓練制略 治軍之道首重訓兵其次練兵訓以開其智識固其心性練以精其技藝增其材力凡兵丁入伍之初必須擇忠義要旨編輯歌訣由將弁等分授講解時常考問並由各將弁各據所見隨時誨勉務令人人通曉大義立志報國至應習操法分門教授由淺及深均以實用易學爲主不可徒飾外觀枉勞兵力各將弁有指揮之責戰之勝負兵之存亡胥依賴之偷徒勇無謀習故自封敗之道也故必按期聚集討論方略演習戰法迨至將能用

兵兵知用械功已過半矣各國將弁皆躬親訓練平日由將弁教之臨敵即由將弁用之是以指麾如意操縱隨心無隔闕之情無遊移之慮赴機應變攸往咸宜我國舊部將弁每多不學訓練資之教習調度任之將弁習非所用用非所習粹當大敵鮮不敗挫然值此武備草創將才缺乏恐不能全兼教練之任故每標內暫設教練官一員體奉統將所定教育宗旨指授下級校弁以教練調度之法上以佐統將之不及而稍分其勞下以啓校弁之心思而使達於用俟將來學堂大興人才輩出各將弁均能自任教練即將此員裁去

校閱制略 周禮大司馬仲春教振旅仲夏教芟舍仲秋教治兵仲冬教大閱自是以降歷代皆有講武閱兵之禮所以簡車徒蒐器械習戰陣飭戎備也於以課其殿最程其能否行賞施罰典至隆矣我 朝以神武開基自 太宗文皇帝天聰年間即躬率大貝勒等演習行陣是爲大閱之始厥後 列聖相承循行弗替凡塞外行圍南苑校獵西廠觀兵之舉史不絕書居安思危習勞訓武意至深遠其著爲常典者內而京營校閱外而直省校閱莫不以時舉行東西各國茲事彌重或分部按閱或合軍較試或特舉大操有車駕親臨者有由監軍部奉 詔視師者校閱章程至爲詳備中國戎政日弛三年閱兵之典各省大吏類多視爲具文邇來防務綦嚴籌餉則已竭精華練技則初仿新法若不勤加校閱何以禦外侮

而靖內訌今酌擬其制約分爲三一 欽派校閱每三年由練兵處兵部隨時奏請 派知兵大員數人輪赴各省認真校閱凡軍容軍技軍陣軍學軍器軍壘軍情軍律靡不分別考查各按程度高下據實覆奏二本省校閱每年由各將軍督撫親閱該省軍隊視其程度以定各鎮各協各標之考成並咨明練兵處兵部備案三本軍校閱各鎮各協各標統將按期校閱所部將其程度造具詳表上諸本省將軍督撫轉咨練兵處兵部備核至校閱詳細章程另行專案奏定

徵調制略 各省訓練新軍將來統編名號軍制畫一自可聲氣相通情誼浹洽遇有邊疆重大軍務先由練兵處兵部奏請 簡派督兵大臣由該大臣會商練兵處兵部戶部審察敵軍情形戰地形勢籌備餉需考查各省兵數酌量派撥請 旨飭下各省按期遣到所有各省新軍悉由督兵大臣節制隨時調遣以一事權而專責成如各省有土匪嘯聚滋事應由各將軍督撫先儘本省新軍調用如有不敷可咨商練兵處兵部在鄰近省分酌撥兵隊請 旨派往協剿事平後仍回原省

獎勵制略 創練新軍備極繁難俟其編制已成訓練漸熟可任征戰由各將軍督撫奏請簡員照校閱詳章認真校閱如訓練不精展期再練果能一切如法著有成效准其按照

異常勞績請獎一次限營隊每百人奏獎二人咨獎三人並將該員弁所充職任由練兵處兵部註冊遇有應升充之職任先儘此項人員升擢此後每屆三年請閱一次擇其優者照尋常勞績請獎限亦如之惟此項係指新軍創練時而言至數屆後風氣大開將材輩出訓練易熟兵學日精操演各事本係該員弁等應盡職務所有請獎章程再行另核辦理其平時操練將弁之勤奮卓著者應由各將軍督撫詳敘勞績年終奏請 飭下練兵處兵部製發五等勳章分別賞給其兵丁技藝嫻熟暨打靶較優者由練兵處兵部酌定銀牌功牌式樣頒發各省自製隨時由各將軍督撫考閱賞發以資鼓勵

懲罰制略 軍營貴尚氣節將士宜養廉恥除官兵犯法係屬私罪應按軍律懲辦外至無心過誤或偶失檢察凡涉公罪應酌量案情輕重由該管官分別罰扣薪餉充賞官則隨時稟明立案弁目以下則按月榜示營內仍申報統將其情節甚輕者官弁按次數分記大過小過兵丁限時刻罰令充當苦工概免其按軍律治罪庶於薄懲之中仍寓曲體之意則人知自愛而法不輕嘗矣

緝逃制略 選募之兵招徠非易訓練既久技術日嫻一旦中道脫逃則枉耗日力虛糜餉糈至爲可惜遇征戰時尤足僨事故不得不嚴緝捕之責凡逃兵由各該營認真查拿外

並由兵備處行知該原籍地方官督飭各莊長地保暨家屬人等嚴密查拿如已逃回原籍該莊長地保等隱匿不報查明一體懲責如未逃回原籍卽由該莊長等出具切結俟回籍後再行交出儻該地方官查緝不力卽照軍政緝拿逃兵則例參處例以接到軍營咨文之日起勒限一年緝拿限滿不獲該督撫按其咨到之先後名數之多寡分案咨參一二名以上不獲州縣官罰俸九箇月五六名以上罰俸一年十名以上罰俸二年均再限一年緝拿限滿不獲一二名以上州縣官降一級留任五六名以上降一級調用十名以上降二級調用俱公罪餘依原例辦理至於正本清源之道尤在馭兵者平時善於拊循約束訓勉有以激勵士氣固結兵心人樂服從逃亡自少其猶有乘間竊逸者或規避操防或犯法畏罪此其咎固由自取而其數必不能多故觀於逃兵之衆寡亦足以察知馭兵之善否如逃兵之數過多應將該隊官長分別記過懲罰

卹賞制略 謹按我 朝定制及乾隆二年嘉慶六年嘉慶十一年迭奉 諭旨或經奏准凡官與兵之陣亡者兵則給銀官則按其職之高下給銀賜廕陣傷者按傷之輕重分作五等重者給陣亡一半卹銀輕者遞減其曾經立功積勞以老病殘廢退休者官則或給全俸或給半俸兵則或給步糧或給守糧既歿而官廕其子兵廩其家甚盛典也時至今日承平

日久良法寔失東西各國此義絕重官兵因戰因公暨平時死亡者均有扶助金傷廢者均給養資官弁頭目在營十一年以上退休者均給恩俸其養資恩俸及其終身扶助金及其妻之終身子則及冠用意周浹尤無遺憾以故士氣振奮赴湯蹈火視死如歸有由然也今中國整頓戎政亟宜申明定章以勵軍心而作士氣凡陣歿者爲上因戰傷廢者次之因公死事者次之在營日久積勞病故者次之年歲及限予告退休者又次之均分別等差優給卹賞由各省籌提的款以備支放雖庫帑萬分支絀此項必須發給倘經手官吏有尅減留難情事准本身暨家屬據實呈控或由舊隸協標代控在外由各將軍督撫查辦在內由練兵處戶部查辦廉得其實即將經手官吏嚴參治罪仍將尅減之數追提補發以昭大信其卹賞詳細章程當查照成例參考新法另行專案奏定

退休制畧 軍營最貴朝氣最忌暮氣是以兵丁更番訓練及年退伍而武員亦有年老退休之制我 朝定例自副將以下年六十者概予罷斥東西各國將領其秩視我提督者年無定限秩視我總兵者以六十五歲爲限秩視我副將者以六十歲爲限秩視參將者以五十四歲爲限秩視遊擊者以五十一歲爲限秩視都司守備者以四十八歲爲限秩視千總把總者以四十五歲爲限蓋官秩愈小則職務愈勞至於都守千把上承命令下賴指揮按

日督操更非精力稍衰者所能勝任我國自副將以下一律限以六十歲似覺過寬今擬改定年限不必盡仿外國應參酌人情權衡時勢定為提鎮不限年歲副將限六十五歲參將遊擊限六十歲都司守備限五十五歲千總以下限五十歲皆令退休俟將來兵學推廣將才漸多再將年限分別酌減其遊擊以上如有身體強健才畧優異為軍中必不可少者雖年已及限亦准該管將軍督撫出具切實考語 奏明展限留營五年限滿不得再留

衛生制畧 國勢之盛衰繫於軍隊軍隊之優劣繫於士卒士卒之強弱繫於衛生衛生者誠養兵之要務也我 聖朝愛惜兵士每屆溽暑頒賞丹藥徧及將士近復欽奉 懿旨飭設紅十字會以卹傷病所以為軍士衛生者周且備矣東西各國軍制此義尤重特設軍醫一科專司軍隊衛生各事誠以壯夫聚處疫癘易滋軍行勞苦疾病常作倘不防微杜漸則平時之損害恆甚於戰時之傷亡嘗有赴敵之軍未至戰地而兵力已什減二三皆不講衛生之害也今創練新軍亟須考求各國衛生之術仿而行之綜其大要約有三端一曰平時之衛生操練必時起居必察屋宇必做服食必潔盥沐必勤災疫必防治病有特室驗病有專員每營均設養病室每鎮均設養病院如一事失宜一夫失所皆為有軍事者之責一曰行軍之衛生勞與逸殊動與靜異風日所暴雨露所侵一或不防摧折必甚是故緩赴急赴

厥有定程舍營露營必遵成法又軍人奔走致病之故多由於靴傷鞍傷凍傷渴傷更宜留心防此四弊一日戰地之衛生槍礮交轟血肉相薄不有恤者荼毒何堪應在陣地派衛生隊攜帶兜具昇送受傷軍人又於陣地之後設裹傷所若干以彌縫傷口又其後有隨營醫院若干以療治傷病倘該院員役隨軍前行更調備分醫員接續辦理即變為前站醫院遇有傷病者除療治外並須隨時解送後路以免前路擁擠再其後有後站醫院此院附設於前敵輸運總局收療前站解送之人全軍軍人資以休養傷病倘傷病愈後確不能復任戰事應隨時資遣回籍或改委他項差使如此多方保護彼傷病者必不至委棄道路而勇於効命者衆矣其詳細制章另行奏明辦理至軍中馬匹關繫綦重各國皆設獸醫學堂以療病馬中國亦應次第籌設俾儲馬醫之選

薪餉制畧 舊制營員薪資無多而額外所入輒至倍蓰茲值整飭營伍必須從優釐定以資養廉而昭覈實現定薪水公費雖較舊制為優然薪公之外毋許有絲毫侵蝕實較舊軍之漫無限制恣意中飽者所得尙有不及至兵丁月餉各國章制大率放錢甚少而衣食日用各件皆由公家供給名目繁多需費浩鉅而在營官兵專心操戰無他顧慮立法甚善惟經理供給中國尙無此項專門人員而時會所趨習於貪詐清白可信者固屬無多能知緩

急者尤難其選稍有不慎流弊叢生愈難究詰且恐與營員易生齟齬遺誤軍需現惟有暫由各將軍督撫體察各省情形參仿各國規制按該省銀值之低昂物價之貴賤酌中審定每月在正餉內量爲提扣若干遴委妥員督率試辦准由營員隨時糾查務期實惠及兵杜絕浮冒並將詳細辦法咨明練兵處兵部查考倘該省情形不宜或無此項諳練人員斷不可強爲仿辦致滋弊竇卽由該將軍督撫督飭各將領另擬周妥辦法咨明練兵處兵部查核備案各省軍隊每屆發餉之期由餉局按包秤準稟請委員掣籤查批分往各營俟操練後會同營員覆加秤驗在操場按名點發由營員在批內註明毫無短少字樣加用關防其兵丁中有操演生疏情節可疑者由發餉之員查明是否頂替缺額病假者驗看是否屬實倘有弊混立即扣發稟究該餉員所發餉銀如有尅扣短平諸弊端查出嚴懲並准營員指控參罰以昭慎重

營舍制畧 今日軍營非無舍也雖有官兵舍庫廡廚廁大都卑陋湫溢甚或晦闇污濁其一切雜役則聚於二三矮屋之間此外惟操場而已無上下講習之地則學術易歧無起居適宜之地則疾病易生無儲藏工作之地則蠹朽堪虞取給不便查東西各國所謂營舍者院宇皆寬宏房屋皆高敞造屋之式或長或方或十字形以空氣易於流通爲主恆以一標

駐紮一處各項房屋均極齊備兵丁住室約以每名佔五十方尺爲準其在內者有官房目房兵房衛兵房軍醫房書記房號兵房匠役房又有講堂飯廳辦事房集議房會客房電話房圖書房藥房養病房沐浴房衣糧餉械各庫房裁判房輕重懲禁房其在外者有炊爨場盥漱場浣濯場登眺場操場打靶場劍場拋球場體操場修械場鐵工木工靴工縫工皮匠掌匠各治作場以及汲房厠房廐房其在礮隊則另有礮房其在馬隊則另有馬廠名目繁多幾難縷計現值中國整頓軍隊營舍亟宜講求而物力維艱庫款方絀求如各國之閱做鉅麗規模美備誠屬不易惟各項房屋多於軍事關繫甚重又未可因陋就簡一概視爲緩圖應由各省將軍督撫飭各軍將領體察情形擇要辦理

選馬制略 軍馬選補最爲陸軍要務古者別羣以色齊力以足罔不訂爲成規頒行馬政我朝考牧綦重自天閑內廐以遠口外牧場下及八省旗營馬各營馬皆因時立制明定科條方策昭垂班班可考近東西各國其陸軍省率隸有軍馬補充部選擇之法約分骨相軀幹四肢口齒性質肥瘠諸項以爲區別現在馬兵功用尤以偵探接應包鈔衝鋒爲專長次則礮車之拖駕輜重之載運亦莫不爲軍事最要之關鍵茲訂選馬之式首以性質馴良無踴躍驚逸之病體力強健有負重致遠之能方爲上選其他則額欲其廣而聳背欲其

鬮而平眼欲其明而不躁腰欲其柔而不靡蹄欲其堅而不脆筋肉欲其舒長而豐實脛節欲其壯大而有力四肢欲其正立而不倚行步欲其輕迅而中節口齒則取其方盛壯而能久用者太穉則愚弱近老則易衰以五六歲爲適宜毛色則取其易蔽藏而難瞭見者黑與紫爲善紅與黃次之以青白灰爲最忌身幹則取其修偉雄岸而合程度者北口之馬高自四尺五寸以下至三尺九寸以上西口之馬約比北口高三寸餘以官裁尺較之及此格者均堪備戰乘之選至於礮車用馬不妨稍高輜重用馬不妨略低騎乘之馬宜於身長而體均馱負之馬宜於幅寬而背短分別配置功效斯彰惟是產地各殊種類亦異按圖案驥未免拘墟然誠能如其格式精於審擇其於汰鶩留良之道亦可以思過半矣

變通制畧 新定章制原宜各省一體通行然各省情勢不無異同有必須量爲變通者即如該省地多平陸宜多練陸路礮隊轉運利用大車馬隊之數亦應酌增或每鎮設置二標編爲馬隊一協該省地多山麓宜多練過山礮隊轉運利用馱馬暨人力小車水澤之區則利用船隻暨招夫負荷又如過山礮配定馱馬或有不便馬行者亦可以人力分扛至兵丁糧口馬匹養乾衣履軍需各價值亦按地方物價低昂酌定要以敷用覈實爲度如該省餉項支絀不能一時照章編立成軍成鎮其開辦第一年一鎮中先設步隊甲協兩標馬礮

隊各一甲營工程輜重各一隊第二年續成步隊乙協之丙標馬礮隊各乙營工程輜重各兩隊第三年續成步隊乙協之丁標馬礮隊各丙營工程一營輜重一營遞年陸續加增自可逐漸成鎮如三年後餉仍不敷不能照定額編足祇可將平時營數酌減三分之一或四分之一以此爲限不得再減統由各省將軍督撫查看情形隨時咨商練兵處兵部覈定請 旨辦理

軍服制畧 近日操法起伏分合進退轉旋均貴迅捷臨敵接仗隱藏居多貴不可測故軍服必須窄小適體靈便合宜尤忌顏色華麗易招敵目寒時尙黑色暖時尙土色使人不能遠望瞄擊又須分色緣邊肩頭列號自官長以至兵目各按等級次第分設記號務使截然不紊本國將士易爲辨認操戰號帽亦應分別等差記號前簷稍寬取蔽風日以便瞄準命中其詳細式樣另行專案奏定官長冠服均依式自製兵目冠服由公家發給

標旗制畧 步馬各隊每標應有標旗一面平時設專弁奉持之藉以振勵軍心遇征戰時標統擁以偕行進退攻守視爲標準奉持之弁宜精其選此項標旗關乎國體軍聲在軍中最爲鄭重標隊之存歿與此旗共之標旗失去卽無異全標覆沒該管標統應予嚴處各國標旗向由國主頒發將士見之儀如謁君示以雖在軍中不忘君上之意我亦宜畧仿其意

由練兵處擬定式樣請 旨頒發旗到軍中統將以下列隊虔迎敬謹供奉 凡遇 聖節暨 元旦冬至各期將士排班對旗行禮或路遇標旗皆應立正致敬亦教忠之一道也

軍器制畧 各國軍器愈出愈新愈新愈利我國現值整頓軍政釐定槍礮式樣應擇其最新最利者以資戰備蓋軍器不徒取其靈巧尤貴機件簡少質地堅牢既能適用並可耐久近來詳加考校快槍口徑宜用七密里以下出口速率須六百密達以上取準擊遠須二千密達以上行營礮口徑宜用七生特半以上陸路礮出口速率須五百密達以上取準擊遠須四千密達以上過山礮出口速率須三百密達以上取準擊遠須三千密達以上至攻守礮或十生特十二生特十五生特不等各因利用分別鑄造長短大小不拘一格所有鎗礮均應用無煙藥惟各省軍營器械綵雜難畫一茲擬先訂歸併之法如各省步隊或使一標歸成一律馬礮工程輜重各隊或使一營歸成一律其可以歸併不止此數者固屬多多益善但不准一標一營之中雜有兩式之械俟各省籌有的款由該將軍督撫咨商練兵處兵部核定式樣逐漸備換概以新軍編成後五年為限其舊有軍械或收藏該省武庫以備不時演習之需或發交巡防各隊以供地方彈壓之用迨本國推廣製造以後所出之械實能與各國相埒專向製造局源源購取即不須仰給於人矣

輸運制畧 興師動衆需物至繁就地採購十不獲一若非厚峙軍儲預籌餉道調發便利轉運流通士馬旣行輓輸不繼雖精勁之旅難免潰奔節制之師亦將擄掠故兵法有之曰軍無輜重則亡無糧食則亡無委積則亡強弱所分勝負所判皆由於此東西各國慎重軍事輸運一事尤善經營往往以數十百萬之衆懸軍深入而資用無虞缺乏蓋其預爲調度布置者固不知幾殫心力矣亟宜參考其制仿而行之按輸運之綱領有二一曰隨軍輸運一曰後路輸運隨軍之輸運有三其隨於馬步隊每營或礮工程每隊之後者曰小接濟供給前隊應補之槍礮子彈及工程器具傷兜藥材等件所以備戰時之需也其隨於每標協或全鎮或每支隊之後與之俱進退者曰大接濟供給每日應用之薪糧炊具及將校被具等件所以備宿營之需也其隨於全軍之後者曰輜重隊輸運供給全軍應補若干次之鎗礮子彈應用若干日之糧食及隨營醫院衛生隊橋梁隊電信隊應用之器具所以備兩層接濟之領取暨戰前戰後之需也後路之輸運有二其一係隨我戰地挪移者於戰隊交通之地擇沿途鐵路水路陸路最扼要之區設一前敵轉運總局軍需各品儲蓄惟備附設後站醫院電報局郵信局修械廠等類均隸屬於該局自此而前直接於戰隊所在之後按道路之遠近酌設分局若干以便輜重隊之領取是爲軍需接濟之所其一係不隨戰地挪移

者於調遣戰隊之省分或其他便於往來易於採辦之後路地方設一總軍需處附設各項積儲倉庫凡前敵轉運總局有不能備辦之物皆供應之其規模視前稍大一切物品或向戰地輸送或自戰地運回或應從某省徵調或應由何路解往均歸該處經理擘畫是為軍需後備之所夫其繁重完密至於如此以故緩急足恃飽騰有資士氣常雄軍心日固進戰退守皆綽綽然有餘裕矣

服役制畧 兵丁平時操練臨敵戰守是其專責此外雜役概非所任舊營習氣或以兵供巡緝之資或以兵執土木之役甚至營員之侍從閹僕庖丁牧圉皆得驅使正兵最足妨礙操防玷損軍政此次定章所有營員均另設護勇專供營中雜務且各員薪俸公費甚優不難自覓傭工以資服役概不准以私事役使正兵其分撥巡緝修辦工程等事除與戰備有所關涉外亦不准以兵丁充役違者嚴懲

營制

督練處制 凡省會之地均設督練處一所以統轄全省軍營計分兵備參謀教練三處 督辦 東三省暨駐防旗軍由將軍兼攝各行省由督撫兼攝管理三處整飭本管營伍 參議
 官 稟承督辦管 文案 隨同參議 隨員 以文職充當聽候隨時差遣 清書 專司 馬
 理庶務文牘 隨員 以文職充當聽候隨時差遣 清書 專司 馬
 弁護兵長伙夫 分當各差 以上員弁兵夫均按事之繁簡由督辦酌定人數奏咨立案 兵備

處總辦一員

稟承督辦考核軍制營各營功過賞罰籌備糧餉軍械醫務等事

參謀處總辦一員

稟承督辦發佐調度策畫並考查中外輿圖形勝等事

教

練處總辦一員

稟承督辦考查訓練兵隊暨審定學堂課程等事

三處幫辦提調委員文案清書等

稟承三處總辦分司各事亦按事之繁簡酌定人數

酌定

一軍之制

由第一軍至若干軍每軍兩鎮至三四鎮不等現在鎮數無多平時暫不編軍遇有軍務再酌量情形奏請編設姑按兩鎮編軍擬制如左

總統官一員

全軍

總

參謀官一員

贊佐號令參畫機宜

一等參謀官二員

隨同總參謀官分任計畫諸務

二等參謀官二員

隨同總參謀官分任計畫諸務

礮隊協領官一員

參佐全軍礮隊事務遇礮隊聚戰之時由該員指揮督率

工程隊參領官一員

參佐全軍工程隊事務遇工程隊聚戰之時該員指揮督率

護

軍官一員

經理庶務管轄制內弁目兵役

執事官一員

隨同護軍官分辦庶務

一等書記官四員

全軍

總執法官一員

法

總軍需官一員

籌計全軍糧餉裝服等事

總軍械官一員

籌計全軍戰具軍火等事

總軍醫官一員

籌計全軍衛生醫藥等事

總馬醫官一員

籌計全軍馬匹衛生醫藥等事

書記長五員

經理文牘護軍官軍需官總參謀官軍械官軍醫官各用一員

司事生三名

承辦雜務議軍官軍

需官馬醫官

各用一名

司書生十五名

總統用六名參謀官軍需官各用二名礮隊協領官工隊參領官護軍官軍醫官馬醫官各用一名

稽查官一員

管帶馬弁護兵

弁目三名

馬弁三十名

護目六名

護兵六十名

仗夫九名

分撥弁兵遣用

至雜項長夫戰時酌量募用無定額

騎馬三十三匹

弁目馬弁各一匹

此制係按兩鎮酌設人員倘加至三鎮或四鎮則執法軍需軍械軍醫馬醫等官應增設副員其參謀執事文案隨員書記司

事務之繁簡酌量增加

軍 幕

七十七

乙巳

一鎮之制 由第一鎮至若干鎮每鎮步隊兩協馬隊 統制官一員 統轄全鎮 正參謀官一員 職掌與總參謀同如一鎮

獨當一路則此項人員應加二員 一等參謀官一員 二等參謀官一員 職掌與二等參謀同 中軍官一員 經理庶務 執事官一員

官一員 一等書記官三員 正執法官一員 核定全鎮獄案 正軍需官一員 考查全鎮糧餉裝服等事 正軍械官一員 考查全鎮戰具軍火等事 正軍醫官一員 考查全鎮衛生醫藥等事 正馬醫官一員 考查全鎮馬匹衛生醫藥等事 司號官一員

一員 考查全鎮鎮兵 書記長七員 正參謀官中軍官軍需官軍械官軍醫官馬醫官各用一員執法官用二員 司事生十五名 執法官軍需官軍械官軍醫官馬醫官各用一名 弁目一名 馬弁十六名 統制官用八名

執法官用四名軍需官軍械官軍醫官馬醫官各用一名 護目三名 統制官用二名執法官用一名 護兵三十名 統制官用十八名執法官用五名參謀官用三名軍需官軍械官軍醫官馬醫官各用一名 伏夫五名 各目弁兵分用 騎馬十七匹 弁目馬弁各一匹

一協之制 由第一協至若干協每協步隊兩標 統領官一員 統轄全協 參軍官一員 贊任營務參畫機宜 執事官一員 經理庶務

二等書記官二員 司書生二名 司號長一名 弁目一名 馬弁六名 護目一名

護兵十名 伏夫二名 騎馬七匹 弁目馬弁各一匹

一標之制 由第一標至若干標每標三營步馬砲隊同 統帶官一員 統轄全標 教練官一員 平時管理本標教練遇有戰事參畫我機嗣後官弁均出自學堂即

將此員隨時裁去 執事官一員 掌旗官一員 奉持步馬隊標旗砲隊不設 副軍需官一員 督理本標糧餉裝服等事步馬標兼管軍械

副軍械官一員管理廠標戰具軍火 副軍醫官一員管理本標衛 副馬醫官一員管理本標馬四

步標 司號長一員 二等書記官二員 司書生二名 弁目一名 馬弁四名 護目

一名 護兵八名 伙夫二名 騎馬四十四步隊標騎馬五匹弁目馬弁各一匹馬隊標騎馬十七匹

七匹執事司號弁 目馬弁各一匹

步隊營制每標由第一營至第三營每營分前左右後 管帶官一員管轄 督隊官一員幫同教練

隊官四員每隊 排長十二員每排 司務長四員每隊一員料 正目三十六名每棚 副目

三十六名每棚 正兵一百四十四名每棚 副兵二百八十八名每棚 軍需長一員辦理本

裝服 軍醫長一員療治 醫生一名幫佐 書記長一員 司書生六名管帶官用二名每 號

目一名 號兵八名每隊 護目一名 護兵十八名管帶官用六名每 匠目一名修理槍械

槍匠四名 皮匠四名 醫兵四名照料 備補兵三十六名每棚一名平時隨同操練遇有兵缺

伙夫三十八名管帶項下兵匠用二名每棚目兵各用一名或一棚同炊 駕車兵四名專管駕取隨帶車

喂養夫四名專司糞料剷草掃除 隨營車四輛專供運載本營隨帶 駕車騾十二匹每車三匹行

倍兩 等事行軍時加兩倍

軍事

軍事

八十

二月

馬隊營制 每標由第一營至第三營每營分前左右後四隊每隊二排每排二棚每棚目兵十四名 管帶官一員 督隊官一員 隊官四員 每

一 排長八員 每排一員 司務長一員 經理各隊庶務 正目十六名 每棚一名 副目十六名 每棚一名 正兵六

十四名 每棚八名 副兵一百二十八名 每棚八名 軍需長一員 軍醫長一員 查馬長一員 管理馬匹

喂養考查 馬醫長一員 療治馬疾 書記長一員 司書生六名 管帶官用二名 每隊各用一名 號目一名 號

兵八名 每隊二名 護目一名 護兵十二名 管帶官用四名 每隊各用二名 匠目一名 槍匠二名 掌匠四

名 皮匠二名 醫兵四名 備補兵十六名 每棚一名 伙夫十八名 管帶官項下兵匠用二名 每棚用一名 駕車

兵四名 行軍時加一倍 喂養夫四名 行軍時加一倍 馬夫目四名 每隊一名 分帶馬夫辦理餵草料掃除等事 馬夫三十一名 每隊八名

戰馬二百六十四匹 營隊官隊官排長司務長正副目兵號護目兵各一匹 行軍時加馬十四匹 隨營車四輛 行軍時加一倍 駕車騾十二匹 行軍時加一倍

陸路礮隊營制 每標第一第二兩營每營中左右三隊 每隊三排每排三棚每棚目兵十四名 管帶官一員 督隊官一員 隊官三員

一 排長九員 每排一員 司務長三員 每隊一員 正目二十七名 每棚一名 副目二十七名 每棚一名 正

兵一百零八名 每棚四名 副兵二百十六名 每棚八名 軍需長一員 辦理本營糧餉裝服各事 軍械長一員 平時經理

戰時管理軍火 軍醫長一員 醫生一名 查馬長一員 馬醫長一員 馬醫生一員

戰時管理軍火

書記長一員 司書生五名管帶官用二名 每隊各用一名 號目一名 號兵六名每隊二名 護目一名 護
 兵十八名管帶官用六名 每隊各用四名 匠目一名 鐵匠三名 礮匠三名 掌匠六名 木匠三名
 皮匠三名 醫兵三名 備補兵二十七名每棚一名 伙夫三十一名管帶官項下兵匠用四名 每棚目兵各用一名
 駕車兵六名行軍時加一倍 喂養夫六名行軍時加一倍 馬夫目二名每隊一名 行軍時每隊加一名 馬夫三十九名每隊十三名 行軍時馬數添足 每隊加九名 礮十八尊每隊六尊 彈藥車十八輛每隊六輛 鐵鑪車三輛 零件車三輛 備
 用彈藥車九輛平時儲備 隨營車六輛行軍時加一倍 駕礮駕彈藥車共用馬二百十六匹每礮每車六匹 駕
 鐵鑪車零件車共用馬二十六匹平時不養行軍時添足 駕備用彈藥車共用馬五十四匹平時不養行軍時添足
 騎馬五十四督隊官隊官排長司務長正目號目號兵各一匹 行軍時加馬四十六匹 軍械長軍需長軍醫長馬醫長馬醫長書記長副目護目匠目掌所醫兵各一匹 駕隨營
 車驢十八匹行軍時隨車加一倍 預備馬二十六匹平時不養行軍時添足
 過山礮隊營制每標一營列第三每營中左右三隊每隊三排每排三棚每棚目兵十四名 管帶官一員 督隊官一員 隊官三員
每隊一員 排長九員每排一員 司務長三員每隊一員 正目二十七名每棚一名 副目二十七名每棚一名 正
 兵一百零八名每棚四名 副兵二百十六名每棚八名 軍需長一員 軍械長一員 軍醫長一員
 醫生一名 查馬長一員 馬醫長一員 馬醫生一名 書記長一名 司書生五名

軍事

八十一

乙巳

軍事

八十二

二月

管帶官用二名 號目一名 號兵六名每隊二名 護目一名 護兵十八名管帶官用六名 每隊各用四名 匠目一名 鐵匠三名 礮匠三名 掌匠六名 木匠三名 皮匠三名 醫兵三名 備補兵二十七名每棚一名 伙夫三十一名管帶官項下兵匠用四名 每棚目兵各凡一名 管馱兵十八名管押隨營馱馬 行軍時加一倍 喂養 夫十八名喂養隨營馱馬 行軍時加一倍 馬夫目三名每隊一名行軍 時各加一名 馬夫三十九名每隊十三名行軍 時每隊加五名 礮十尊每隊六尊 砲位彈藥馱馬一百四十四匹每礮八匹 備用彈藥馱馬九十四匹每礮五匹行軍 時加一倍 鐵鎗零件馱馬十八匹每隊六匹 平時不養 騎馬十六匹督隊官隊官排長司務長各一匹行軍時加八匹軍需長軍械 長軍醫長醫生查馬長馬醫長馬醫生書記長每員各一匹 隨營馱馬三十六匹專供馱運本營隨帶 軍需行軍時加一倍 預備馬三十六匹 平時不養 行軍添足 工程隊營制每鎮一營隨本鎮號數編立營名每營前左右後四隊分辦行軍 橋梁溝壩雷器雷具各事每隊三排每排三棚每棚目兵十四名 管帶官一員 督隊官一員 隊官四員每隊一員 排長十二員每排一員 司務長四員每隊一員 正目三十六名每棚一名 副目三十六名每棚一名 正兵一百四十四名每棚四名 副兵二百八十八名每棚八名 軍需長一員 軍醫長一員 醫生二名 書記長一員 司書生六名管帶官用二名 每隊各用一名 號目一名 號兵八名每隊二名 護目一名 護兵十八名管帶官用六名 每隊各用三名 匠目一名 槍匠四名 鐵匠四名 木匠四名 皮匠二名 醫兵四名 備補兵三十六名每棚一名 伙夫四十名管帶官項下兵匠 用四名每棚目兵

各用 駕車兵四名行軍時加兩倍 喂養夫四名行軍時加兩倍 隨營車輛四輛行軍時加兩倍 駕車騾十二匹

行軍時加兩倍

輜重隊營制 每鎮一營隨本鎮號數編立營名每營前左右後四隊分辦輸運槍 管帶官一員 督隊官

一員 隊官四員每隊一員 排長十二員每排一員 司務長四員每隊一員 正目三十六名每棚一名 副目

三十六名每棚一名 正兵一百四十四名每棚四名 副兵二百八十八名每棚八名 軍需長一員 軍

醫長一員 醫生一名 查馬長一員 馬醫長一員 馬醫生一名 書記長一員 司

書生六名管帶官用二名 每隊各用一名 號目一名 號兵八名每隊二名 護目一名 護兵十八名管帶官用六名 每隊

各用 匠目一名 槍匠四名 鐵匠四名 掌匠八名 木匠四名 皮匠四名 醫兵

四名 備補兵三十六名每棚一名 伙夫四十一名管帶官項下兵匠用五名 每棚目兵各用一名 馬夫目八名每隊二名 行軍時各

加四 馬夫七十二名每隊十八名 行軍時加四倍 輜重車七十二輛每隊十八輛 行軍時加四倍 騎馬一百零六匹管帶官

官隊官排長司務長正副目各一匹 行軍時加八匹 軍需長醫長醫生查馬長馬醫長馬醫生書記長各一匹 駕車騾二百十六匹行軍時加四倍

軍樂隊制 每鎮一隊 隊官一員 排長一員 一等樂兵二名 二等樂兵六名 三等樂兵

十二名 學習樂兵二十四名 伙夫五名

軍事

八十三

乙巳

軍事

八十四

二月

糧餉局制

局內員司承辦糧餉各事係按一軍兩鎮擬定人數如鎮數增減則此項員司亦遵照增減行軍時事務繁多亦須酌增要以敷用為度

總辦官一員

總理糧餉事務各項軍需官悉

歸節制

製造官四員 管理採買製

司糧官四員 管理糧食

司餉官四員

管理出入餉

銀核記帳目 二等書

記官二員

司事生四名

司書生四名

護目一名

護兵十二名

伙夫一名

該局為平時經理糧

餉而設遇行軍時或一軍一鎮獨當一路應由局添派員司隨同軍鎮前往作為行軍糧餉分局遇事聽總統統制指示辦理

軍械局制

局內員司承辦軍械各事係按一軍兩鎮擬定人數如鎮數增減則此項員司亦遵照增減行軍時事務繁多亦須酌增要以敷用為度

總辦官一員

總理軍械兼管武庫各項軍械

官均歸節制

查械官一員

考查軍械

司庫官三員

管理武庫

三等書記官一員

司事生

二名 司書生二名

護目一名

護兵八名

匠目二名

修械匠十八名

守庫兵目

二名 守庫兵十八名 伙夫五名

該局為平時經理軍械而設遇行軍時或一軍或一鎮獨當一路應由局添派員司隨同軍鎮前往作為行軍軍械分局就近聽候總統統制

指示辦理

軍醫局制

局內員司承辦軍醫各事係按一軍兩鎮擬定人數如鎮數增減則此項員司亦遵照增減行軍時事務繁多亦須酌增要以敷用為度

總辦官一員

總理衛生事務兼理軍醫各醫

院各項醫員均歸節制考查

正軍醫官二員

分管衛生等事兼理醫務

軍醫長二員

佐醫官分

醫生十名

試辦醫務

正馬醫

官一員

管理馬匹衛生事務

醫兵目四名

專管醫院

司藥官二員

三等書記官一員

司書生三

名 護目一名

護兵六名

醫兵四十名

隨醫兵目

伙夫五名

該局為平時經理醫務而設遇行軍時或一軍一鎮一協獨當一路

應由局派派員司照衛生章制分設醫院其在
前敵者遇事聽候總統統制統領指示辦理

餉章

正支額款按兩鐵人數以一月計官

督練處員司

薪水公費由各省將軍督撫按軍隊之多寡事務之繁簡酌量擬定奏咨辦理

總統官一員

薪水銀六百兩公費銀一千兩共銀一千六百兩

統制官一員

每員薪水銀四百兩公費銀六百兩共銀一千兩

統領官四員

每員薪水銀二百兩公費銀三百兩共銀二千兩

統帶官十二員

每員薪水銀二百兩公費銀二百兩共銀四百兩

礮隊協領官一員

薪水銀二百兩

工程隊參領官一員

薪水銀二百兩

教練士官十二員

每員薪水銀一百兩共銀一千二百兩

步工輜管帶官二十八員

每員薪水銀一百兩公費銀一百四十兩共銀六千二百兩

七百二十兩

馬隊管帶官六員

每員薪水銀一百兩公費銀八十兩共銀一千零八十兩

礮隊管帶官六員

每員薪水銀一百兩公費銀一百六十兩共銀一千二百兩

五百六十兩

督隊官四十員

每員薪水銀五十兩共銀二千兩

步工輜隊官一百一十二員

每員薪水銀五十兩公費銀十兩共銀六千七百二十兩

馬隊隊官二十四員

每員薪水銀五十兩公費銀八十兩共銀一千三百九十二兩

礮隊隊官十八員

每員薪水銀五十兩公費銀四十兩共銀一千一百五十二兩

樂隊隊官二員

每員薪水銀五十兩共銀一百兩

總參謀官一員

薪水銀二百兩

正參謀官二員

每員薪水銀二百兩共銀四百兩

一等參謀官二員

每員薪水銀一百五十兩共銀三百兩

二等參謀官四員

每員薪水銀一百兩共銀四百兩

三等參謀官二員

每員薪水銀五十兩共銀一百兩

護軍官一員

薪水銀一百二十兩

中軍官二員

每員薪水銀一百兩共銀二百兩

參軍官四員

每員薪水銀八十兩

共銀三百二十兩

執事官十九員

每員薪水五十兩共銀九百五十兩

稽查官一員

薪水銀五十兩

各局總辦官三員

每員薪水銀一百六十兩

軍

八十五

乙巳

十兩公費銀八十兩 總執法官一員 薪水一百六十兩 總軍需官一員 薪水一百六十兩 總軍械官一員 薪水一百六十兩
 共銀七百二十兩
 六十 總軍醫官一員 薪水一百六十兩 總馬醫官一員 薪水一百二十兩 正執法官一員 每員薪水一百兩 兩共銀二百兩
 正軍需官一員 每員薪水一百兩 正軍械官一員 每員薪水一百兩 正軍醫官四員 每員薪水一百兩 兩共銀四百兩
 正馬醫官三員 每員薪水八十兩 共銀二百四十兩 副軍需官十二員 每員薪水六十兩 共銀七百二十兩 副軍械官二員 每員薪水六十兩 共銀一百二十兩 副馬醫官四員 每員薪水四十兩 共銀一百六十兩 掌旗
 十兩共銀一 副軍醫官十二員 每員薪水六十兩 共銀七百二十兩 副馬醫官四員 每員薪水四十兩 共銀一百六十兩 司糧官
 官十員 每員薪水三十兩 兩共銀三百兩 司號官一員 每員薪水四兩 兩共銀四兩 製造官四員 每員薪水五十兩 兩共銀二百兩 司庫官三
 四員 每員薪水五十兩 兩共銀二百兩 司餉官四員 每員薪水五十兩 兩共銀二百兩 查械官二員 每員薪水五十兩 兩共銀一百兩 司庫官三
 員 每員薪水四十兩 共銀一百二十兩 司藥官一員 每員薪水三十兩 兩共銀六十兩 一等書記官十員 每員薪水六十兩 兩共銀六百兩 二等
 書記官二十一員 每員薪水四十兩 共銀一千二百八十兩 三等書記官四員 每員薪水三十兩 共銀一百二十兩 排長四百四十
 員 每員薪水五兩 共銀一千兩 司務長一百三十六員 每員薪水兩兩共銀二百七十二兩 軍需長四十員 每員薪水三十兩 兩共銀一千二
 百 軍械長六員 每員薪水三十兩 共銀一百八十兩 軍醫長四十二員 每員薪水四十兩 共銀一千六百八十兩 馬醫長十四員 每員
 三十兩共銀 查馬長十六員 每員薪水三十兩 共銀四百八十兩 司號長十六員 每員薪水十六兩 共銀二百五十六兩 書記長五
 四百二十兩 十九員 每員薪水二十四兩 共銀一千四百十六兩 醫生四十四名 每名薪水二十四兩 共銀一千零五十六兩 馬醫生八名 每名薪水二十
 兩共銀一百六

十兩 司事生十九名 每名薪水十六兩 共銀三百零四兩
 司書生三百二十名 每名薪水十二兩 共銀三千八百四十兩
 弁目二十一
 名 每名餉銀十兩五錢共 正目一千二百六十六名 每名餉銀五兩一錢共銀
 六千四百五十六兩六錢 副目一千二百六
 十六名 每名餉銀四兩八錢共銀 護目七十一名 每名餉銀六兩共
 銀四百二十六兩 號目四十名 每名餉銀六兩共
 銀二百四十兩
 醫兵目四名 每名餉銀十二兩 共銀四十八兩 匠目四十二名 每名餉銀九兩共
 銀三百七十八兩 守庫兵目二名 每名餉銀四兩
 五錢共銀九兩
 馬夫目五十八名 每名餉銀四兩五錢 共銀二百六十一兩 馬弁一百三十四名 每名餉銀八兩四錢共銀
 一千一百二十五兩六錢 正兵五千
 零六十四名 每名餉銀四兩五錢共銀 副兵一萬零一百二十八名 每名餉銀四兩二錢共銀四
 萬二千五百三十七兩六錢 備
 補兵一千二百六十六名 每名餉銀三兩三錢共銀 護兵九百六十六名 每名餉銀四兩五錢共
 銀四千三百四十七兩
 號兵三百零八名 每名餉銀四兩五錢共銀 醫兵一百九十四名 每名餉銀四兩二錢共
 銀八百四十四兩八錢 一等樂兵
 四名 每名餉銀十兩五 二等樂兵十二名 每名餉銀八兩四錢 三等樂兵二十四名 每名餉銀六兩
 錢共銀四十二兩 共銀一百兩零八錢
 四 學習樂兵四十八名 每名餉銀四兩五錢 共銀二百十六兩 守庫兵十八名 每名餉銀三兩九錢
 共銀七十兩零二錢 駕車兵一百
 五十二名 每名餉銀四兩五錢 共銀二百十六兩 管駛兵三十六名 每名餉銀四兩五錢 共銀一百六十二兩
 槍匠一百二十名 每名餉
 六錢共銀七 礮匠十八名 每名餉銀六兩六錢共 鐵匠三十四名 每名餉銀六兩六錢共
 銀二百二十四兩四錢 掌匠七
 百九十二兩 十六名 每名餉銀四兩九錢 共銀一百五十三兩 皮匠一百三十八名 每名餉銀四
 兩五錢共銀

軍事

八十七

乙巳

六百二 修械匠十八名 每名餉銀六兩六錢共 伙夫一千四百四十名 每名餉銀三兩三錢共 馬

夫五百七十名 每名餉銀三兩三錢共 喂養夫一百八十八名 每名餉銀三兩三錢共 馬騾四千

四百六十九匹 每匹乾銀四兩八錢掌鐵繩銀二錢四分 礮一百零八尊 費銀五兩共銀 以上全

軍官長自總統官至司書生一千五百九十五員名均支薪水目兵匠夫二萬三千七百六

十名均支餉銀騾馬四千四百六十九匹礮一百零八尊薪公餉乾礮費每月共需銀十九

萬三千六百四十二兩八錢六分總統項下各員平時不設除去薪餉五千一百五十三兩

五錢二分外每月實支銀十八萬八千四百八十九兩三錢四分

雜支額款 此係常年必需之款照目前北方時價約略估計仍 一柴草價 每軍步工輜共二十八營每營月發

銀一百二十兩馬隊六營每營月發銀九十兩每 二帳棚價 全軍帳棚防營按八個月更換一次每屆約需銀四萬

年共應支銀六萬二千一百六十兩遇閏照加 三衣履價 全軍正副目兵護目兵樂兵共一萬九千一百九十七名每年須發號衣皮衣

按六個月更換 各一件單衣二套夾衣綿衣各一套號帽草帽各一頂頭巾一條布靴二雙皮鞋一雙

每屆兩年造雨帽雨衣各一套每年約需支 四醫藥費 全軍購置中外藥料每年 五倒補價 全軍騾馬共四

銀二十九萬六千四百零一兩六錢八分 六獎賞費 全軍月課看操考試打靶每月賞號約需 七

隨營及輜重車挑鍵車油 每輛每月約需銀五錢全軍車每年約共需 八隨營及輜重車鞍套過山

銀一千七百四十兩行軍時按車數照加

礮隊隨營駝鞍 每年按三成修換約需銀二千五百兩行軍時按車數照加 以上每年共需銀五十一萬六千三百五十六兩六錢八分

錢八分

雜支活款 此非每年必需之款致難預定須隨時核計奏咨辦理 一全軍應置槍礮軍火腰刀手槍等件 二全軍應購

騾馬驢每匹估價約銀五十兩上下馬每匹估價約銀三十兩上下 三全軍應建步馬礮

工輜各隊營房軍鎮協標公所械庫衣庫醫院隨營講堂 四全軍應置騎馬鞍毯鞦韆陸

路礮鞍套過山礮馬駝鞍等件 五每營應置隨營車及輜重車 六工程輜重兩營應用

器具材料等件 七軍鎮協醫院應用器具材料等件 八每營應置鼓號鑼德律風電

機槍把礮把修槍礮器具材料等件 九每隊應置雙筒視遠鏡指南針等件 十每棚應

置吹哨手鐙暨鋏斧鋸銼等件 十一每兵應置隨槍子盒皮帶刀插背包絨毯皮袋糧袋

飯盒水壺油壺拆槍器具短鋏等件 十二官弁在營病故每員給薪水三箇月兵夫每名

給銀十兩其餘另有卹賞專章 十三全軍出防應需轉運等費 十四目兵出防應加津

貼等費 查兵丁用費行止相殊各國軍隊備戰時其餉項大率較平時加倍中國兵目正餉本屬無多而銀賤物貴近

年尤甚除去糧價贍家暨自備鞋襪裏衣各件外所餘無幾平時尙可敷衍設遇開拔備戰則鞋襪增多旅費

尤鉅既責其效命疆場自不便令其餉項不給現定各兵目 十五各營出防時糧草價昂應酌加喂養

開拔備戰時每名月加津貼銀一兩差竣撤防即行停止 十六行軍時應籌偵探用費 十七獨立協標另加公費等項 凡不能練全鎮者協標獨立統領統帶等員費用較

軍事

八十九

乙巳

繁統領應另加公費銀二百兩統帶
應另加公費銀一百兩以資辦公
以上制章按現時情形分別擬定嗣後如有應行損益暨未盡
事宜仍隨時會同妥酌奏明辦理

各省軍事紀要

直隸 熱河馬賊近常竄入口內以遵化北山爲巢四出搶掠已由直隸提督撥馬隊三哨赴該處擇要屯紮雇募土人
導引搜剿 文安縣又有拳匪倡亂直督袁宮保調兵赴剿捕拿八名匪首許英在逃未獲

奉天 彰武縣界馬賊充斥該縣巡警隊拿獲三名正法羣盜海沙子等率衆圍城新民府增太守電請將軍轉飭各隊
赴援後北路恆統領及張管帶作霖陳管帶樹森趙管帶玉良又義州蔡總巡永鎮松山吳管帶金太等各率兵隊分道
赴援匪等遂解圍北去遁入大沙土塔中藏匿

吉林 滿蒙交界之恰勒往斯地方時有馬賊將俄人鐵路毀壞政府命吉林將軍派兵三千前往勦辦小戰二次未能
獲勝

黑龍江 馬賊張顯珍等在黑龍江之洮河哈吉里渾等處嘯聚黨羽搶劫俄人軍糧并欲炸毀鐵路外務部即電咨黑
龍江將軍迅速查剿旋報平復

福建 龍岩州地方會黨大興地方官已調兵彈壓

湖北 宜城縣清理衛田激變亂民聚衆抗拒官軍槍斃馬隊哨長一人官軍奮勇進剿將首要數人擒獲餘衆始解散

陝西 邊界土匪蠢動陝撫升吉帥派兵前往彈壓並飭紳士勸令解散

甘肅 回教徒作亂陝督崧錫帥已電政府

廣西 油蔴峒既破，雅容縣將所帶保安營復督同中渡鐵廠練勇搜山擒獲賊目張亞發解省並斃賊目數名餘匪
竄散。牛嶺塘匪首歐正光梁見才等股約四百餘人盤踞該處柳防中營偵知即於甲辰十一月二十一日馳往攻剿
匪抗拒不退正慶戰間又來悍匪千人猛撲中營營勇死傷甚多遂致敗挫退守牛嶺待援越二日白毛七梁見才歐正
光三首匪復率悍黨輪流猛撲官軍不支又退至古碧司飛稟省憲撥兵援救。連營數勇漏網首弁楊崑山等糾會魯
屬土匪竄至馬平縣屬之木吉等村經提督丁槐督營圍捕生擒三十八人查有叛弁楊崑山及吳昌年黃禮忠黃道生
等在內即於軍前正法。甲辰十二月初旬馬平縣屬烏石堡地方有股匪數百盤踞滋擾黃鎮軍忠浩聞報立派湘勇
三哨往剿陣斃賊目一名餘匪多名匪始紛竄又湘軍舊勇忠字右旗在六郎塘清鄉偵知匪首黃老龍潘華浦覃老保
等股六七百人併聚魚窩寨遂拔隊馳往包抄夾擊匪黨潰逃沿途擊斃數十名。匪首陳社求凶悍最著懸賞限拿經
丁提督魏所部衛軍於甲辰十二月下旬在來賓縣屬將該匪生擒並擊斃偽先鋒章阿九。柳州叛弁何十二率同死
黨敗匪那嗣附近山崖龍觀察濟光分兵進攻相持兩日甲辰十二月二日設計誘擒即於軍前正法。以上柳州
著匪褚大前據擒匪供稱在慶屬思恩縣破斃業已驗明屍身割取首級解赴柳州示衆歐四亦爲官軍所擒即在軍前
正法。龍觀察濟光自在思恩大捷後於甲辰十月下旬拔隊前去適匪黨來攻貴字營遂被兵勇擒殺百餘營官章紅
面亦戰死。又水源翁平五墟一帶久爲匪乘集窟甲辰十月二十四五日龍觀察會同榮軍進剿擒斬甚多南丹各營
及各處團練合力助剿所獲尤衆。著匪軍火生竄匪慶屬理苗忻城一帶經丁提督魏先率六營由思恩向北節節搜
捕自甲辰十一月初九至十九日連破匪巢二十餘處斬匪三百數十級生擒軍火生及匪黨二十四名。匪首王特燕
率領匪衆自思恩縣出竄思入河池州界於甲辰十一月二十七日中途爲濟軍堵截榮軍亦跟踪追至遂將匪黨困於

軍事

九十一

乙巳

軍事

九十二

二月

一隅陣職王特燕及首要多名 龍觀察督率各軍在恩恩剿匪凱旋中途與章二一股相遇官兵與賊立將全股擊散陣職章二及餘匪多名 南丹州著匪彭六蘇八兩名已於乙巳正月初旬由榮軍在朝山徑擊斃 以上度運

分統衛軍陳副戎榮廷在距遷江二十餘里青油峒圍攻匪黨相持三晝夜未能得手陳副戎飭將火油澆灌峒內外縱火焚燒峒匪窘迫衝出官軍四圍截殺斃其三百餘人 著匪黃和順於甲辰十一月中旬帶其黨羽五六百人潛回南甯府屬之四塘墟廣聚於大頓村綏遠軍副中營吳幫帶勝貴督率勇團往捕匪黨閉關死拒吳勝貴中槍斃命並傷斃勇團三十餘名 以上商會

雲南 永善縣民丁授衣爲邪教所惑糾合百餘人謀亂並殺一人祭旗舉事該縣聞知立飭兵弁往捕丁率衆抗敵被傷弁兵兩人後經官軍焚燬賊房並槍斃匪黨數人餘始潰散丁授衣解至永善縣正法

日俄戰事紀要

黑溝台戰

甲辰十一月下旬以來俄軍於日軍左翼方面迭增兵力以期轉守爲攻至十二月二十日日兵之在黑溝台者果爲俄軍包圍幸日軍極力衝突終得退至老橋翌晨日軍全隊漸漸行抵前敵右翼向蘇麻堡左翼向五家子而俄騎兵約一師團亦大舉南下渡渾河至五家子日軍左翼先以騎礮六尊由左側攻擊俄軍衛生隊頗受損害其右翼隊則決與黑溝台俄軍交戰以圖恢復其地乃爲柳條口俄軍自側攻擊故日軍不得已退却是時渾河左岸俄軍騎兵漸增迫近日軍守備之牛居地方日軍恐衆寡不敵乃與徐家台日兵共守此地以衛狼洞溝至二十二晨木越縱隊全部來會兵力漸厚始保安全是日正午木越縱隊於北甸子地方開始運動村山少將所率步礮兵二聯隊亦向修二堡前進時縱隊

長忽得探報老橋五家子一帶已為日軍占領方在黑溝台附近與敵對峙又在沈且堡之豐都枝隊嘗受俄軍圍攻而仍能固守陣地又俄騎兵約一師團由俄將米司青科督率繞行日軍第幾師團左側而向修二堡前進縱隊長既得敵情決率全軍出柳條口攻擊俄軍遂以右翼步兵第若干隊左翼步兵第若干隊並列於午後二點半鐘列陣於大台小甸子及東方沈且堡一帶俄之主隊係在柳條口日軍決死突前敵兵掩護前進攻戰殊猛惟該處俄兵數倍日軍故日軍未能取勝未幾日暮兩軍停戰而村山部隊則是日占領屈家屯及斜哨線一帶之地遂抵修二堡與俄軍對峙是夜柳條口附近俄軍嘗向日軍右翼聯隊逆襲當為日軍一鼓擊退二十三日日軍縱隊復與俄軍會戰更於右翼聯隊增加兵力黎明時共向柳條口攻擊前進時值大霧加以以雪咫尺不能辨日軍乘此潛行運動俄軍不之覺及霧散日軍步兵已迫俄軍陣地加以礮兵援護突擊前進奮戰計三十分鐘日軍右翼終得突入柳條口左翼見其取勝遂亦運動前進至午後三鐘並將李家窩棚全部占領該兩村落於渾河左岸戰局大有關係故俄軍入夜特移大礮二十三尊向之猛擊以冀奪還其地然日軍兩部僅於村內防禦並不出戰兵士多藉村落隱蔽故損害極少而縱隊則於本日占領之地徹夜嚴防二十四日日軍縱隊更依前日位置猛攻前進後而續增兵隊並向渾河右岸之長灘及左岸之韭菜河子前進其別一部隊更出黑溝台後擬將俄軍包圍俄軍偵悉恐陷危地遂於天未明時將其駐兵撤除退向北方而去午前九鐘三十分日軍遂將黑溝台占領捕虜俄兵五百人是役日軍傷亡之數約七千人而俄軍傷亡則有萬人云

中立彙誌

中國 甲辰十一月初九日在滬俄艦奧斯科水手阿那夫地查兩人登岸遊行殺斃甬人周生友當將兩犯拿獲俄兵官即帶回艦中審訊並不照會華官會同辦理在滬甬地紳商大動公憤一面電稟外務部一面追請江海關道袁觀察

軍事

九十三

乙巳

索交囚犯會審治罪真觀察據約力索往復數次俄官堅執不允竟擅自審訊定罪監禁四年罰作苦工並奪去各種權利作爲了結外務部奏聞其事即令商約大臣盛宮保督同袁觀察就近商辦宮保核斷各情研究駁詰必欲照俄海部原議監禁八年治罪俄官以此案實已辦至極處不能再行加重卒不允再三駁辨始允除上海法牢禁監年月不計外俟日俄戰爭了後解回本國監禁至做苦工之日起算扣足四年宮保以無可再爭特將此案全卷咨送駐俄胡星使再向俄外部力爭云 日總領事以江海關道袁觀察約束俄國逃艦太寬特定辦法四則移請查照一俄國兵船將來需煤炭之時必須先與關道商議關道考查情形與日本領事商量限數允裝二每十日關道飭派關員照俄領事開送清單檢點俄艦官弁水手照知日本領事三所有俄艦艇無論如何不得離開東清碼頭移泊別處不得修補船體機器並不得將修補船體之料運進艦內四所有約束留滬俄兵辦法迭奉來文均稱祇能在東清碼頭道勝銀行空地體操及灘浦散步不准往別處間游等因詎又慘殺華民種種滋擾自今以後務須嚴照商定辦法不准踰界閒游云云 旅順俄國士官兩名及水夫七名前逃往煙臺旋經日政府飭由駐煙日領事與俄領事議定該俄人等應羈留煙埠歸華官從嚴監督 甲辰十一月中旬豐臺車站查獲德人所裝羊毛一千三百餘包豆麥兩車內皆槍礮子藥將運往戰地者直督袁慰帥飭將德人並貨一并扣留 日本所定金復海蓋諸州縣民政公所章程經政府與日本議定仍由華官依照該章程自行辦理 由煙臺至上海之俄船弁兵兩次共計九十二名均經安置滿洲艦上由道一再商請俄領事轉令出具戰事未畢不准離開上海切結經俄總領於甲辰十一月二十九日令該船管帶出具切結送道存案 甲辰十一月二十四日俄使照會外務部略謂波羅的海艦隊不日前來或須在廈門及馬江下碇請將此事諭知閩督云云外務部拒其所請並即電飭福建水師令將沿海口岸加意防禦 美使照會外務部言美國擬將荷蘭海牙弭兵會重行

提出辦理定於乙巳年七月在北京開會由各國議院各派一人至會議事凡預會者以該國養兵費萬分之一作為會費云云聞政府已簽字允諾 日人前將遼陽州鮮刺史逐去旋由增將軍調補某縣缺日人謂其有所偏袒留之海城

駐俄胡星使電告政府云俄政府不認中國之中立亦不願中國之中立故聲言中國有援助日本之意志及行為務期破壞中國中立且藉此口實一面則增派援兵前往蒙古之庫倫恰克圖科布多以及新疆伊犁等各要地外務部即電致胡星使速向俄廷聲明此次查獲軍火並非有意為難即充公一節亦迫於不得不然之勢現將此項軍火另行存貯俟戰務告畢仍當如數點還請將伊犁等處之兵立即撤回 江海關道袁觀察以在滬俄艦兵丁水手屢次違約滋事因特擬定約束章程七條一俄兵容留上海歸我國保護一切事宜均應聽江海關道約束二俄兵祇准在擇定之東清碼頭餘地體操散步不得擅自遊行三俄船員弁水手人等如不守中立條規意圖偷渡逃遁一經拿獲即作為破壞中立條規應由中國自行追捕審判毋庸照會俄官會審四江海關道應向俄官索取俄艦員弁水手名單隨時上船點驗五在滬各俄艦應由江海關道稅務司及中國水陸各兵官隨時往查有無違例多裝煤斤及修補船身並私運修補機器材料等事六應由江海關道照會領事及德領事轉飭西探幫同巡緝有無俄兵私往租界遊行七江海關道應稟請外務部於北京同文館選派俄文翻譯一員來滬襄辦中俄交涉袁觀察將此章程稟奉外務部核准照會俄使轉行俄領事照辦 甲辰十二月中旬俄人宣告各國指稱中國有違背中立之事五款一允許日本在東三省招集馬賊二北洋軍營延用日本人為教習三任聽日人占據廟島四在煙臺地方運出軍事禁止品接濟日軍五將大冶礦鐵管與日本中國政府開之遼辦正中國礦守中立並稟舉俄國破壞中國中立數款通告各國一日本在東三省招集馬賊為兵一節查東三省馬賊俄人先經招募編隊甲辰年四月間俄統領馬大力多夫帶同中國已革游擊齊玉春等及

軍 事

九 十 六

二 月

所招鬻匪各隊與日本軍攻擊是招匪爲兵創自俄軍如謂受日本糧餉歸日本人統帶即是戰國自行雇用且在東三省戰界之內中國兵力所不及勢難偏禁至鬻匪有時竄入中立境內中國地方官屢經查拿懲辦決無相助之事公法中立國人民或退職員弁私往助戰本國不擔其責中國地方官斷難任咎二中國練軍政府聘用日本人爲教習一節查北方練軍並無聘用日本教習之事惟保定學堂因編譯書籍有日本人充當編譯係在日俄未戰以前迨開戰後即令其結不預戰事自與各處學堂海關聘用俄人事同一律中立國聘用戰國人民本爲公法所不禁且用人行政係中國應有之主權戰國例應尊重不當干涉三中國政府准日本借用廟島一節查前准俄國大臣來照日本以廟島爲根據地本部以此事並無所聞當經電行北洋大臣確查據復迭飭登州守令加派海保在各島嚴密稽查並無戰國舉動本年海圻海琛海容等船時常巡泊廟羣各島均係安靖如常近又據靖海巡輪由廟羣各島回報毫無日本人及軍艦踪跡俄國大臣僅係得自傳聞本無實據至謂中國政府准其借用更無此事四煙臺有人將戰例禁貨運往大連灣一節查煙臺口岸距戰地甚近前准俄國大臣來照煙臺有輪船直往青泥窪大孤山兩處本部查戰時禁貨前經通行各海關不准運往戰地並由海關責令具結倘被戰國捕拿應由貨主自擔其責於中國無涉常旅順相持之時亦常聞有禁貨運往該口之說與運往青泥窪等處謠言相同會飭地方官嚴查均無實據至謂有人將戰例禁貨運往大連灣查煙臺無一船運往海關亦從無發給准單之事五漢陽官家鐵政局有將鑄鐵料賣給日本國一節查大冶礦產係屬商探商運與漢陽鐵政局有別光緒廿六年該礦商與日本商人訂立合同售運礦石二十九年因借用日本興業銀行資本作爲預付鑛價修改合同於十一月訂定張督並未預聞盛大臣係礦務代表並非官家之事不經 國家批准此項礦石均係商辦所訂合同又在日俄未戰以前查公法生鐵不在禁例俄國所開戰時禁物望亦無生鐵名目況此係未

經銷化之礦石尙未成爲生鐵更不得指爲有關軍用之材料中立國照常貿易並無不合至所稱中國政府現欲詳細預備爲將來附入戰場之語尤堪詫異查蒐討軍實簡練兵隊本爲綏靖地方之內政五大洲文明之國何國不然何至疑中國有將來附入戰場之事再准出使貴國梁大臣電稱俄國行知內所稱勒斯起及納魚雷艇失事爲偏袒日本之証一節查煙臺俄雷艇一案事出意外中國海軍薩鎮瀾阻不及並無縱使情事業將該鎮議處並照會日本大臣索還俄艇案雖未結實已盡力辦理此事共見共聞毫無偏袒日本之處查日俄開戰以來中國堅守中立俄國屢次侵犯致令中國爲難者甚多姑述數款如下一俄人在遠西結橋屯兵二俄人在小庫倫新民屯一帶勒買牲畜糧食私運軍需三北戴河張家口豐台查獲俄人多數槍礮彈係暗藏在貨件包內違章私運四由煙臺送至上海之俄艇船主在吳淞口潛逃諸如此類皆中國爲難之實情也云云嗣日本政府亦辨駁俄人誣告中國不守中立之事其文曰近日俄國以中國中立事照會各國致令日本政府注意夫保護中國免爲俄國所控告並非日本政府之責任但所控之事實有關於日本之信德故不能不行辨正也 一俄國謂日本捕獲勒斯起及納魚雷艇實有犯中國之中立云云按捕獲俄艇乃出於自然之理因俄國已先不顧中國之中立故日本不能不設法自保當時已將此事詳細聲敘無庸再言二該國之照會又謂(甲)有竊匪在中立地內行事係日本武弁之所統(乙)有竊匪一隊依豫定之法招募而由日政府支給薪俸(丙)在北直隸省北界所駐守之華兵常有日本陸軍教習在其中云云按此等誣控之事會已言及數次實則全係不根之談故日政府決意不認有此事三俄國又謂日人占用廟島爲海軍根本地云云按此言實係不根而俄國實則占用該島爲海軍根本地直至遼東半島封鎖爲止且亦可謂直至旅順陷落爲止俄國雇用民船裝載陸軍用物由山東駛入旅順且用該島爲屯集地是以當時日本戰艦偵察此等民船舉動故常在該島附近海面巡駛但若謂日

本用之爲根本地則斷不能承認且又有須申言者則甲辰年三月有日本私家輪船繁榮丸在廟島附近海面爲俄艦所擊沈也四俄國又謂日人從煙臺與他處中國口岸將軍務禁制品運入青泥窪甚多云云按日本平民從煙臺及他處轉運物件以供戰場兵士所用日本政府並非不肯承認且謂此項物件係軍務禁制品日政府亦承認之但若謂此舉實係日本侵犯中國中立或中國自破其中立則日本政府斷不承認萬國公法並未禁止人民不許爲軍務禁制品之貿易若有爲之者則可由戰國自行捕獲而已且下俄國不能禁止此事即不能責此等貿易爲不合例實則此事甚合於理若俄國能常保旅順則營購軍務禁制品實係有利於俄俄人亦斷不視此事爲侵犯中立試觀旅順之軍用品多有由中國購來者即可以知其用意矣有輪船六艘民船十餘艘因欲駛入旅順重圍幾被捕獲可知俄人經營此等貿易者之多也日本陸軍用物乃由平民運往俄國不然每在中國口岸裝配船隻運載軍務禁制品此實爲侵犯中立也五俄國又謂中國之漢陽鐵廠將鐵售於日本陸軍云云按此等誣捏之詞實與前者相同四年以前有日本商行一所與漢陽鐵廠自訂合同購買生鐵若干日本政府並不與聞該合同之事又不與聞此等貿易之事華人因照合同辦理故俄人即借此逞誣也六俄國照會又謂華人之意不獨以破壞中立爲滿志且將欲豫備陸軍之戰務華人此次之激動實於歐人有至大之危險且謂此等之事實由日人煽惑以及日本人向北京政府肆其恫喝之故云云按此等語實爲欺誣已極侵害已極若謂中國豫備與日本訂立攻守同盟之約全係偽造又若謂中國有仇洋之舉動及有仇洋之意見則全屬不根之談又若謂日本欲令中國與我國立攻守同盟之約並使中國有仇洋之意則實與實事相反日政府料各國必能明知其事當戰務初開之時日政府已允限定戰地並尊視中國之中立然須俄國一律照辦則日方可守約日本政府已照此辦理目下並無他意不過永遠照辦而已自開戰以後日本已加意考察中國之事並忠告

中國政府嚴守中立以及保護外人之生命財產倘日後中國情形有變則日本亦必仍盡其忠告據俄國照會未句觀之則知俄政府此次經控之意實欲稍紓戰敗之急禍也茲更將俄國侵犯中國中立之事錄之如下一俄國常派陸軍行入蒙古收采陸軍所用之物件馬匹糧食等二去年十月俄國在天津租賃德國輪船富平裝載軍火軍械糧食等物該船管帶係俄國陸軍武弁瓦蘇越路佛愛司開爾大尉意欲駛入旅順重圍為日本戰艦在北謙龍城島所捕獲遂拘至佐世保由該處之俘虜裁判所審判然後始知該船之實事三去年十二月俄國欲從張家口私運槍彈三百六十萬枚前往旅順塞以羊皮包二千三百三十件後為華官在豐台查獲華官又在張家口等處獲得此等物件四千具又在宣化府獲得馬鞍三千二百付此等物件皆係俄國所運據其包法以觀則可知此等物件乃欲運往戰地以供陸軍之用也四去年六月煙臺俄領事署及他處樹立無線電機遂得與旅順直接通信華官屢次抗辨彼亦置諸不顧於是電機照常安立且得時時互相通信五常開戰時俄國戰艦滿洲泊於上海港內離華官屢次迫其出口然該艦不肯離港商議良久始允卸卸軍裝六去年八月十日之海戰後俄艦與思科及滅魚雷艇格羅蘇福意逃至上海藉詞不肯出港又不肯卸卸軍裝商議數禮拜後始將軍裝卸下日本政府聞得去年十一月俄艇勒斯起及納之船員當由煙臺行至上海已被拘留時該船統帶帶飾詞往俄領事署遂從吳淞逃去附船前往歐洲將中國政府拘留之命令置諸不顧因彼此次所為之事故由俄皇賞以寶星後俄艇拉司拖魯尼之船員亦在上海拘留該艇統帶坡愛爾茂海羅佛滾蘭及廓羅帶瓦蓮梯勞佛西利俄中尉私自附搭奈廓利西亞商輪意欲逃往海參威該艦後為日本戰艦所獲此兩人在佐世保裁判所自認一切之事七去年十二月坡塔瓦艦之副統帶密仙羅夫及七人從旅順附搭小帆船一艘行抵煙臺後由華官與煙臺之俄領事商議令將該數俄人交中國拘管但俄領事虛詞抗辨謂彼等乃係商人且許其逃往天津

軍 事

軍事

一百

二月

等處八日政府因欲使目下戰地愈狹愈妙故常尊視遠西之中立而俄國則屢次犯之且目下又派大兵駐於該處
乙巳年正月初旬俄使向外務部要求在奉天設防外務部極力拒之 江海關道袁觀察聞前由煙臺運來之俄艦
司令官有私搭英國輪船欲至海參崴脫逃回國爲日本兵船拘獲審實潛逃情事以爲俄人有意破壞中立故即照會
俄領事查明該逃官姓名蓋因留滬俄員弁兵均具有誓狀聲明戰事未畢以前非由中國地方官允准不得有一人離
開上海也

各國 日本政府行文詰責葡萄牙謂其不應在非洲東南海岸與的拉哥灣之波羅的海艦隊交易並以物售與該艦
隊等事 又行文詰責法國以其容留波羅的海艦隊在馬達加斯加購煤儲糧也法政府答以現已令該處地方嚴行
保守中立無慮其有此事一面即令波羅的海艦隊速行離港 英國商輪奈廓理西亞由上海開往海參崴被日艦拘
往佐世保斷令充公又前所捕獲德國商輪金戈阿經查審後決意充公德商及船長以下英人三名華人一名印度人
四十八名均遭釋放又英船利民屯一艘載有英煤六千五百噸擬運往海參崴在於對馬海峽爲日艦捕往佐世保又
荷蘭船溫希爾米諾擬私往海參崴亦在對馬海峽爲日艦捕往佐世保又英國商船伊斯雷雷滿載煤斤駛至北海道
外亦爲日艦所捕旋在橫濱釋放又上海某公司所購通州輪船載有俄巡洋艦狄耶那之軍械自西貢起程前往旅順
中途駛入香港裝載煤斤即被港官查扣照英律罰款所載軍械全行充公 北海厚爾爾漁船一案已於甲辰十二月十
七日在巴黎開訊法國所派專員福尼亞復公舉爲此會會長奧提督斯盤則已辭退 英德意三國已在美京宣告彼
等之意均與美國相同不許日俄兩國於日後議和之時占奪中國土地而美外部大臣與各國之照會則聲明日俄戰
後保全中國領土滿州不在其內各國業已允許 美外部大臣已將美國爲中國中立問題與列強往來官牘刊佈略

言深望列強盡其中立義務以對俄國所發之同式公文且宣明美國並未鼓舞日本在中國洋面捕拿俄國水雷驅逐艦又稱俄國於目下戰局內所舉諸款皆犯萬國爭論此事須由萬國公會決斷 俄國巡洋艦五艘泊於德屬之東非洲答利薩連海面德人迫令速行出港

施行軍政


旅順自歸日軍占領即在該處設立一鎮守府備海軍中將柴山矢八爲鎮守府司令長官 又乙巳年正月初二日日本又在旅順設立海軍部 又日本海陸軍大臣示諭大連灣人民凡出入船舶應遵守管轄該灣軍中司令官及海軍指揮官所定立之規則如未得許可一概不許出入

黜陟軍員

日本海陸軍大將有棲川宮伏見宮貞兩親王近已補授軍事參議官 又陸軍中將大川及川村皆已擢升大將 俄提督司廓里羅甫近由俄皇派充海軍大將會員 又俄將堪爾白斯現已舉爲滿洲第二軍司令官 又聖彼得堡信俄廷以苦魯巴金大將才力甚薄遇事優柔寡斷故派大公爵尼古拉斯尼古拉維趨行赴軍前查辦

陳芳灘 雜誌 第二卷

海
海



一
百
一

二
月

商務印書館新編
初等小學教科書

最新

修身教科書

第一册
大洋一角

我國經傳多言修身祇以理境精深非幼童所能領會雖曰蒙養而實未嘗有所養也是書爲初等小學堂第一年前半年之用多取古人嘉言懿行之易於奉行者繪爲圖畫不著一字務令兒童見之不生厭倦教員就圖解釋涵養德性自能收效無形

最新

修身教科書教授法

第一册
大洋一角

依教科書編纂每課均註明出處詳列教法教員得此固便指示即家庭教育亦可採用較彼廿四孝陰隲文有益多矣

商務印書館新編
高等小學教科書

最新

理科教科書

四册全

每部大洋八角

是書爲山陰謝洪資先生所著並由日本前高等師範學校教授新保磐次君山陰杜亞泉先生參訂材料精當部次分明最便初學附印五彩圖及精圖三百餘幅書共四册每册四十課每星期教授一課以一年畢一册誦習既竣不患無普通之知識矣○教授法稍緩出書

最新

地理教科書

四册全

每部大洋五角

是爲高等小學堂第一第二兩年之用共四册每册四十課每一星期教授兩課以半年畢一册前二卷論中國後二卷論外國如江淮省之新析中美洲巴拿馬之自主均已敘入無愧最新之目插印銅版精圖一百餘幅幼童讀之尤有興味○附五彩地圖一册卽日出書

外交

論中國人之弱點 錄甲辰十二月初七日時報

對於外交上立言者

世無愚者。則奸巧不足以施其技。世無怯者。則強暴不足以逞其欲。我而無弱點也。雖有豺狼狐兔。其奈我何。近者外交之事。盡落人後。失權失利。無日無之。愛國之士。心咸憤憤。雖然。其所以致此者。其弱點果安在耶。竊嘗綜覽前後數十年外交事件。究其原因。結果以及其中之轉折起伏。無不千篇一律。用特略其事實。擷其精神。彙爲斯篇。雖僅千言。亦足以作我中國近世外交史觀也。

其始必起於糊塗。一事之來也。不知其事之輕重利害。而貿然允許之。迨及既允許矣。而後始覺其輕重利害。則在彼已有口可藉。在我反無足可立。其糊塗者一。又或一事之來也。不問其事之輕重利害。而漫然置之。而不顧之。我漫然置之。而不顧。而人乃捷足而先得之。迨其既得。而我始知其輕重利害。而爭之。而彼反可漫然置之。而不顧矣。其糊塗者二。有此二故。凡交涉之敗於始者。莫不由此。

外交

十三

乙巳

其次必由於擾亂。擾亂之來也。或則由於其事之輕重利害。已明見於切膚。覺其痛而始自驚醒者。或則由於聞人之言。知其事日後輕重利害。大有關係。因而驚醒者。迨既驚醒。而謀爭執。雄心一發。不可復遏。如片舟之遇大風。東南朔。惟其意之所之。不論法律。不察時勢。不深究其真相。上下紛紛。或爭之而過。其分致令人有萬難承受者。或爭之而忘其本。反更與人。以大利者。其擾亂者一。官出一意。紳出一意。民出一意。官與紳。民不相同。民又有與官紳。不相同。未與人爭執而已。先各自爭執。官與紳。紳與民。民與官。爭已為鵲蚌。而使人為漁翁。其擾亂者二。有此二故。而凡交涉之敗於其次。而不能挽回者。莫不由此。其繼必出於欺騙。而延宕。人見我上下之勢亂。而不可以撓其鋒也。又見我上下之愚。而不堅。而可以法術欺也。而乃爭執之不得。而欲欺騙之。欺騙之不得。而先延宕之。人以之延宕。我官欺騙我官。官又以之延宕我紳。欺騙我紳。紳又以之延宕我民。欺騙我民。轉輾延宕。轉輾欺騙。而其為時已久。其勇氣已衰。其所欲爭執之人。早已風流而雲散。其為人。被逼而不得不爭執之人。早已就輕而避重。其為人。爭執之人。則更早用暗渡陳倉之計。而輕舟已過萬重山矣。因此諸故。而凡交涉之敗於其繼。而消滅無形者。莫不由此。其究必至於隱忍。欺騙延宕。經時既久。與事有關係者。既筋疲而力盡。與事無關係者。又早

乘興而來興盡而去其局既散其勢既孤而向欲與之爭執之人反又起而與我爭執或用強硬之手段以威嚇迫我我既無力又復無助而遂不得不屈於其威其由此以隱忍者一或用朝三暮四朝四暮三之法以愚我易我以名而實仍其舊而我遂不得再爭其實其由此而隱忍者二有此二故而凡交涉之敗於其終而無結果者又莫不由此

凡此四者於我國之外交界無論若大若小若上若下波瀾有廣狹時日有長短而其所經之歷史莫不如是而之所以受病之源亦惟由不能真知事之輕重利害而已我甚望今者周生有一案我國上下之勿再演此歷史一周也我又恐今者周生有一案我國上下之必更演此歷史一周也故作是論

中外交涉彙誌

中韓 吉林土江一帶屢有韓盜越境劫掠近更有冒充俄兵赴各村恣意淫掠者經吉林富將軍咨外務部請電駐韓使臣嚴詰該國并聞有陸續拿獲者七名請外務部核示辦法 外務部特具國書寄韓太子妃之喪

中英 外務部以承租威海條約有與俄借旅順同其年限之說今旅順已非俄有威海亦當歸還特向英使要索往返磋商迄無頭緒近英使據奉該政府電命須俟旅順實還中國再行提議云云 我國駐英使臣張德彝近屆期滿奉

行派青京卿紹儀前往接任濟唐京卿奉 命查辦此事已於甲辰冬起程因 飭其直往倫敦毋庸赴職

中俄 總理新派領事二人來川一駐成都一駐重慶 漢口和局記洋行虧累華商稟請道司款已奉批准而領事堅執不允華商稟請不與交易并派人沿途偵探私售者拘住充公一面由當道嚴行追究磋商再四始允照賠而仍託言一時無款請華官暫墊云 山東即墨勞山左右韓人禁止華民採礦致東撫諭禁凡該山之於中國者一

外交

十五

乙巳

外交

十六

二月

律禁止云云當以該處人民藉伐木燒炭爲業特飭卽墨縣相機辦理

中俄 前俄人購買旗地大起交涉業經御史奏參溥侍郎等革職由外務部婉商俄使照價贖回而俄人要求地價過重政府已照原價增至五倍尙未議妥

中美 美使照會外務部以四川重慶美商福華教士紛往寄居故擬設領事一人專理交涉事宜當即照准

各國交涉彙誌

日美 日美新約已由美外部海大臣及駐美日使高平兩人簽押

日澳 澳洲議院議員布魯斯米氏於去歲西十二月八號呈願禁止工人入境之事惟日本入入境

英德 英國重整海軍又因海陸軍新聞登有論說言及英國於德艦隊未經壯盛以前必須將其毀滅以致柏林官場中人大爲不悅近已聲明此事矣

英俄 駐俄英使哈丁區近派陸軍隨員候丕亞中佐往查俄兵攻擊駐華沙之英總領事賈雷君副領事麥苦根君之事

法俄 法外部大臣德加士囑太晤士報登錄其語云我法仍當與俄國堅守聯盟之約

法摩 摩洛哥國近將法國駐屯該國北京非斯之戍兵全行逐出恐法摩兩國之交際不免因此決裂

法暹 自法暹條約定後所有駐紮山大本暹羅之通商市法兵全行撤退近更派領事前往照料

俄意 俄廷近簡刑部大臣暮拉微夫伯爵爲駐紮意大利都城公使

瑞腦 瑞典腦威國王奧斯卡二世因瑞典腦威欲分派領事意見不合共起爭端近已將此事交瑞典國會公議矣

美委 美國前下哀的美教書於委內瑞拉國要求多款迫令於六十日內允許近委政府集議數次仍不允許

印阿 印度政府派員至阿富汗都城與阿王面商要事已行抵阿京阿王亦遣其大世子赴印度印度總督待以殊禮

教育

論中國教育宜急圖改良之法 節錄甲辰十二月初四日大公報

教育者。造就國民之基礎。存立國家之命脈。不可須臾離者也。人無教育。是曰非人。國無教育。是曰非國。而吾以觀中國之教育界。敢斷言中國從此不言教育。則已。苟言教育。則因循敷衍。長此終古。雖遲至數十年。其現象當無以逾乎今日。嗚呼。吾爲此懼。

舊教育無論矣。卽以新教育言之。疊奉 明詔。創建學堂。朝野之所張皇。官紳之所提倡。問其宗旨。何莫非改良舊教育。而惟新教育之是圖哉。究之改換書院匾額。仍試策論。變易義塾名目。仍授經書。然此猶可曰荒僻之地。風氣未開。若夫都會之區。通商之埠。外國語學校。到處林立。全省學務處。次第興辦。其於教育之規模。似已略具。究之以方言爲學堂教科。必至養成一般奴隸。以官吏司全省學務。無非位置宦途人材。嗚呼。以此言教育。是猶飲鴆以求活。卻行而求前也。其於教育有絲毫之裨益否耶。

腐敗之官吏。頑謬之鄉紳。不必論矣。卽以維新志士言之。奔走呼號。倡興教育。其苦心孤詣。誠哉其可欽佩。雖然。無宗旨。無手段。急激者流。則日言破壞。保守者流。則凡事從權。故其所

設之學科。無非英文算術地理歷史有形式無精神之科目。嗚呼。以此言教育。在今時代。吾固不敢菲薄。然於教育原理。仍未達一間也。若夫出洋學生。出入文明之國土。感受文明之風潮。中國將來教育之改良。端維此輩。是賴。雖然。今日之貧。笈遠遊者。雖比肩相望。及問其學科。非曰政法。卽曰實業。其研究教育者。如鳳毛麟角。十百中不得一二。夫政法實業。非不重且要也。然此輩出洋之目的。以爲學政法。爲將來做官之地。學實業。爲將來發財之途耳。嗚呼。以此關係重大之事。而人多不肯過問。無惑乎日日言興教育。而教育終不見進步也。

然則將奈何。曰。今日欲改良教育。非人人以教育自任。不可。非人人執定教育之宗旨。不可。不然者。雖學堂林立。絃誦相聞。而其結果必至換步移形。與舊日之腐敗教育無異。不過於形式上一變其面目。至所謂造新國民。養成高尚人格者。無非託諸空談而已。

何以云人人宜以教育自任也。孟子云。先知覺後知。先覺覺後覺。此誠吾人擔任教育之要義。昔瑞士之倍斯達羅。集襁褓子女。熱心教育。雖至家境日困。而能不渝其志。率爲世界有名之大教育家。又如德意志之佛羅卜爾。從事幼稚教育。屢經挫折。而矢志回天。乃得在教育界中占第一等之地位。蓋必有如是之堅苦卓絕。肯委身於教育界者。而後教育乃能成。

立。否則徒日日高談教育。而彌縫補苴。立一二有名無實之學堂。設一二漫無規則之學科。遂以爲畢乃事也。則以二萬萬方里之地。四萬萬衆多之人。安有普及教育之一日哉。何以云人人宜執定教育宗旨也。教育如莖樹然。播瓜之種。必不能得豆。植豆之種。必不能得瓜。此一定之理也。今之志士。憤國家之日衰。痛諸事之腐敗。恨不盡舉西洋之文明。移而植於中國。雖然。此在各種物質上之學科。若盡數輸入。未始不爲文明之助。而獨至教育一科。各國有各國之歷史。各國有各國之種族。各國有各國立國之本原。若不察其原創。足就履微論其處處抵牾。也將恐造成之人才。必至崇拜外人。而蔑棄祖國固有之特色。其弊害豈有涯哉。故今而欲改良教育。必就本國固有之文明。發揮表揚。以立大本。然後再立一定之宗旨。舉所設學科。悉趨於此點。或注重尙武精神。或激發愛國思想。或提倡合羣。以固其團體。或獎勵公德。以養其人格。如是則如六轡在手。有所歸宿。社會可漸改良。民德可漸進步。不至如今日之徬徨歧路。游騎無歸也。此爲改良教育第一要著。識時審微之君子。如能本此而力行之。中國其或有瘳乎。

江蘇私塾改良會章程

欲求吾中國之強盛。必先振興學校。然官立民立各學堂。費繁事大。每苦難於興辦。卽令每

縣有一二學堂教育亦難普及今思得一法輕而易舉將來即成無數蒙小學堂名曰私塾改良會略如舊時會課之式已試行於江蘇之上海川沙各鄉鎮其龔鎮一處實為起點辦理已有成效章程如下

一各教習照常各自收徒教授館室照舊脩金照舊惟教授悉用新法重講解不重背誦先求講明蒙學新書然後教授四書五經由淺入深實事求是務求到館一日即獲一日之進益 一每日功課頭班分講書作問答譯文以俗語文字作小論畫地圖習筆算六課按期輪流講習二班分講書默書譯文作句拚字習珠算六課三班分講書抄書講字義口答問語珠算加減法五課頭班講中國歷史外國史教科書中國地理外國地理教科書修身衛生等教科書及國民讀本普通新智識讀本等書二班講中國歷史中國地理修身衛生等書蒙學二編三編三班講國文教科書第一第二兩集蒙學課本初編字課圖說每班以其餘力學習體操仍兼讀經一首論語孟子惟教生書必強合數生併為一班令同讀數行并為略講大義 一每逢禮拜日上午或下午各教習率學生聚集於大廟內或大祠堂內如有熱心為會課處亦可將各塾之學生分頭二三班考試酌定分數半年一結算擇優給獎會課畢後演習體操然後各散各會課勉且教習按時聚會藉以集思廣益其效尤大 一教習

應備之學堂課本及地圖黑板粉筆等暫由經理人購贈其學生應備之書則由經理人購備發交教習處或另交安人管理由學生繳價領書 一每逢暑假及年假前由本會董事請熟悉教育者數位會同查課評定甲乙酌給學生獎物並酌贈各教習酬金 一各教習教課細章一會中須公推一人主政庶課程劃一各教習須平心商酌化私見而顧大局 一會中必須有擔任義務人員至少四五名多則十餘名更妙其為眾望所歸而又能按期常到者推為董事其次不能常到者可列為贊成員每事必由董事數人公議贊成員亦可與聞又當公舉總理學務人一名司銀錢者一名管書籍雜物者一名 管書籍者兼代辦教科書籍發售於各塾

一每年能籌經費約一百元左右即可集一會課 教習約三四位學塾約三四十名 如合五六塾或七八塾為一會課學生約在百人以上者則非籌經費二百元不辦所集之費以三份之一為開辦費 開會之日請名人演說等事茶飯等費均歸此項開支 以三份之一為上半年之經費 開會之圖書課本及桌椅粉筆等類均歸此項開支 以三份之一為下半年之經費 金學生之花紅考試及會課日之紙張茶水等費均歸此項開支 以三份之一為下半年之經費 年大考日之教員飯食舟車等費均歸此項開支 需開辦費則以首項為擴充之費由會中各董事公議酌定此外如有特別之捐款可購備會課處之號板檯凳及一切需用之校具 若急於開辦而經費難得則檯凳及一切校具由會中人酌量借用以應急需 一如某邑中有某處私塾改良會確已辦有實效者不妨稟請地方官幫籌常年經費並請每半年

教育

二十五

乙巳

親臨會課處查課一次論其優劣辨其等差或捐廉酌給教習之酬金及學生之花紅如以上兩款一律照行則此種會課即可改稱為官紳合辦之蒙學會課處 一如經費有餘則可設一閱書處多購各種書籍圖畫為各教習參攷之資由管理書籍人經管借書之事倘欲研究教育之法則可就閱書處設立師範講習所請師範畢業生數人按期輪流到會所與有志教育諸友研究教授法或問難科學之奧義辨論新書之優劣期於教科有益 一會中收支款項由經理人每半年造具清單實貼會所或用鋼板法刷印簡明清單多張分贈會友及曾輸捐款人員

各省教育彙誌

京師 學務處議辦大學分科內設法律算學輿地文學化學工業商務醫學等八科 刑部開設法律學堂飭令本部學習行走候補各司員一律入堂肄習 練兵處議飭各省通設武備小學近已編訂章程先在直隸江蘇湖北陝西分設中學四所直隸中學兼收山東山西河南及東三省小學畢業生江蘇中學兼收浙江江西福建廣東小學畢業生湖北中學兼收湖南雲貴廣西並荆州駐防小學畢業生陝西中學兼收甘肅四川新疆小學畢業生俟中學各生畢業統考升入京師大學肄業 奏定各軍添設隨營學堂以官話教授并議設將弁學堂於厥甸 京師近設農務學堂專講種植五穀灌漑耕耘病蟲收穫等事畢業者多茲又議設蔬菜園圃學堂講求栽種瓜菜生植之法並於天津保定各處

添設分學

直隸 天津商務總會設立半夜學堂教授各店幼徒近已設有三處均已開學

奉天 鐵嶺某令近特招考合境塾師以學校新章評定甲乙分爲三等不取者不准私自授徒

山東 各城設電雷學堂學生皆由先鋒隊排入專習水旱雷行軍電線製藥等科 師範學校教習時君樹生近在省

城創一盲啞學堂專用新字母教授 即墨著名寺觀不下百餘近以大明寺改作縣學準提菴改作城內蒙學並提菴

盧菴產以作經費 鄒城縣紳孫某自設小學一所悉仿省城小學章程辦理

河南 舞陽縣於甲辰冬捐建學堂一所近已開學並於關廂集店各處飭紳開辦蒙學兩所

江蘇 蘇省警察已辦而所募巡捕未能一律識字致巡警規條不能一一諳熟近學務處議設警察學堂一所以便養

成專材 長洲王君鳳池議設學堂一所名曰養正已稟由學務處立案開辦 江震兩邑紳士金君林基等稟請學務

處將城鎮各書院一律改建蒙小學堂亦已批飭准辦 青浦學界素爲黑關近有俞君某創辦新學堂開學科頗爲

完備尤注重體育云 鎮江駐防前已設中小學兩所近京口副都統奎統制更議開辦蒙學堂數處凡旂丁子弟年至

六七歲以上均著一律送學肄業否則罪其父母以爲自甘錮蔽者戒

江淮 江甯需次各員湘人爲多隨官子弟有肄業各官學者以不諳教習口音因公議籌款開辦隨官學堂延請湘人

爲之教授 江甯書院學堂已改爲學堂惟尊經風池二處尙存近亦由周玉帥諭令一律裁改仿照山東辦法改爲師範

傳習所 江甯鉅商辛君必達曹君家驊近在甯垣設鍾英中學一所學額百名 揚州運轅所設戲塾八處近已一律

改爲蒙學 郭君梅生之夫人議在揚和辦女工傳習所教以各項手工及淺近文字算術

安徽 皖省自另建高等學堂後即經紳士檀君斗生等稟請撫院以現在大學堂改作農工學堂業已批准立案 總辦蕪湖商務局喬觀察奉到商部札諭設立商務半日學堂專授各店幼徒以通識中西文字算學為主俾便行商海外不致受虧 蕪湖紳等近將鳩江書院存款在廣仁局創設襄垣小學堂

江西 江西材官隊近因改辦尚未就緒適練兵處行文各省催辦陸軍小學周護院乃將該隊改爲小學云

浙江 候補府文蜀生太守錦近由牙釐總局認捐項下撥款創設高等小學堂學科分十一類學額限五十人 統租自積善坊創設女學堂後近復有吳君等議立東城女塾一所

福建 福州羅山紳士創設羅山高等學堂借法海寺內舍宇爲各生受課食宿之所

湖北 自鄂督張香帥將賠款留鄂興辦學堂後各屬皆已開辦惟主事者皆以未窺教育門徑故所辦皆中學至於師範之道尤未講求近特札飭各府將已設中學堂悉行改爲師範學堂或師範講習所所有學生留年長學優者研習各門專科其餘咸爲小學學生以重始基又以省垣原設初等小學六十所不敷教育擬再添四十所俾得教育普及 鄂省大朝街不纏足會近擬附設第一幼女學堂定額四十名取年在六歲至十歲之幼女入學肄習三年畢業後再入本會另設之女工傳習所學習各種女工云 長陽縣僻處內地久稱閉塞有日本游歷員渡邊泰開一東文講社專課東文東語及普通各學

湖南 前署湘撫陸春帥以近來出洋諸生學無根柢虛糜巨款特奏請嗣後非嫻習洋文普通學者不予遣派茲更設立游學預備專科以語言文字爲初階以圖算理化爲專習畢業後擇尤咨遣游學又以學界多歧特刊布 欽定學堂章程俾知遵守至長沙城外高等學堂業已籌款趕築校舍即日興辦

四川 四川滿營舊有少城書院已改學堂定學額六十名八旗五十名成華兩縣額十名並添設初等小學八處 華陽第一小學堂之外又設義務學堂規則科目均由黃君書雲訂立 省垣惜字宮新設夜學堂一區不收學費 榮縣某令近就文昌宮基屋改建高等小學 江津張君鹿秋近設農學夜課以新法教迪附近農民 蓬州學務公所近已成立 涪州天寶寺僧名道德素通文墨涉獵新書近在涪州開辦僧立學堂一所稟由縣署批准開辦

廣東 香山陳廷流孝廉具稟學務處請設農工商學堂近已批准開辦 嘉應黃公度京卿議將東山書院改建師範學堂定額二百名又楊君子韶設立國語學社入學肄業者凡六十餘人云 豐順小學已將鵬湖書院改建尙未落成近特先設師範傳習所以爲小學預備 新會旅美巨商吳君虞廷等集款回鄉創辦高等小學一所初等小學六所共收學生五百餘人云 竹山官渡一帶風氣未開近膏捐局孫委員蓉特捐廉在該處設蒙學二所

各省游學彙誌

京師 學務大臣咨送進士館學員赴東游學計郭崇熙邵章陳敬第解榮駱荆育瓚卓寶謀袁嘉穀李維鈺俞樹棠王世澂袁永慶斯志等十二人

直隸 直督袁樹勳咨商學務大臣議於到省佐貳捐班人員中考選文理通順者派赴日本游學分習地方交涉等專門速成科以便卒業回國量材器使

安徽 皖籍旅甯各紳宜自於會館籌備學費考選同鄉學生十人送日游學專習師範實業各科

湖北 鄂督張香帥考選候補中正佐各班之文理清通者九十二員赴日游學以四十八人習警察四十四人習翻譯

麻城縣陳大令松自備資斧出洋游歷稟請關道彙錄觀察轉詳飭遵

湖南 湘省在任州縣自備資斧出洋游學者自安福趙令從嘉後近復有靖州沈直刺贊鷓桂陽州同龔司馬錦元呈請開辦游學東瀛當蒙陸奉帥嘉許並飭學務處發給川資

四川 雙流縣周君道剛巴縣胡君景伊東鄉縣羅君澤曉成都縣岳君開明近均在日本陸軍士官學校步兵科卒業華陽徐君孝剛在砲兵科卒業聞已得有少尉之職云 重慶中學提款三千金選派學生十人出洋游學聞後當歲一派送永以爲例又有黃君某等三十餘人亦自備資斧赴東

廣東 粵省游美學生東莞王君龍惠甲辰年在耶路大學卒業考得碩等文憑爲全班冠并得博士學位其兄龍佑亦在紐約哥倫布大學考得學士學位

雲南 黔省已故運南道陳宗海之子丁憂江蘇試用同知陳司馬文起雲南試用布經歷譚令光煙近俱自備資斧赴東遊學

商務印書館發行
文具用品目錄

各種顏
色鉛筆
銅印
鉛筆
銅小鉛
筆
牙頭小
銅鉛筆
皮戲小
鉛筆
跌戲小
鉛筆
擦字皮
擦字皮
金製字
鋼製字
錫製字
各種美
國石板
便寫美
國石板
各種石
粉筆
各種白
石粉筆
大式海
水筆
大式紙
瓶
包角銅
紙釘
各式銅
紙釘
各式水
刷
大式字
架
教室用
大號算
盤
各種大
號算盤
大字真
面簿
大字小
號簿

寫字水
井水
各色水
打式水
各樹膠
各樹膠
大式銅
架夾
各種手
鈴
各種英
國石
畫圖簿
大號印
大號印
天小號
夫印
藍格夫
士印
全格夫
士印
藍格信
士印
紅格信
士印
各式吃
水紙
繪式圖
紙紙
留底圖
玻璃紙
考井底
墨紙
大井底
油紙
大井底
硬面
插筆面
簿簿
送信簿

財政

論統合預算財政法 錄甲辰十二月十一日時報

吾曩謂財政涉及行政範圍。是蓋有說焉。請就今日之行政而言。今日之財政。今日中國政體。將謂之爲中央集權乎。則各省督撫。有不受政府之命者。如近日之屢次飭催籌餉是已。將謂之地方分權乎。則各省督撫。又有時爲政府之奴隸。否則今日上參摺。明日卽免官。近日又屢見不鮮者。以如此之政體。而欲整理財政。合之則不能統一。分之則未定界限。此其事當有更難者。今試爲發其覆。今日中國現象。非政府有政府之度支。各省又有各省之度支者乎。吾試舉歲出者以爲例。欲算政府之支出。合京旗綠各營兵餉。文武百官廉俸。及國家正用。內府歲供計之。都凡一千九百餘萬兩。本屬甚易。雖然。此特京師之一部分。然矣。政府者。非一京師之政府。而全國之政府也。況此外尙有聽候部撥者。謂其由政府支出乎。則所撥者。未必用於京師之內也。謂其非政府支出乎。則彼又明明由戶部所撥。無論不能分類。就令強隸於京師。欲以此爲歲出。是亦偏於京師之一面也。欲算各省之支出。則各省有各省之不同。其在本省報銷者。吾不必言。吾所欲言者。爲京協各餉。就京餉而論。在各省則

爲支出而在政府則爲收入。就協餉而論。在此省則爲支出。在彼省又爲收入。其餘尙有不在本省報銷與京協之外。如昔日之北洋海軍費。天津鐵路費。出使各國費等。如以此爲歲出。是可施於一省而不可施於全國也。欲算全國之支出。則各省既萬不能盡將所入以解政府。又焉能全由政府支出。此事不惟我國不能。即文明各國亦未有行之者。然則文明各國所謂集財政權於中央政府者。何在乎。曰。文明各國租稅有所謂國稅。地方稅附加稅各等。中央政府所集者。惟國稅而已。至於地方稅。則由地方官與參事會支收。若附加稅。則爲自治團體之事。吾國既無國稅。地方稅之名。所謂租稅者。既爲國用。又爲地方用。如解京諸餉。即國用之類也。如報銷諸費。即地方用之類也。至於附加稅。則亦有相類者。焉。吾國自治體。至明代而極發達。此在日本淺井虎夫所著支那法制史。已明認之。故吾國各州縣。皆有鄉約。社會學善堂。諸小團體。而其經費。即在該鄉該社支收之。此即附加稅之類也。吾國將來欲改良地方自治機關。則附加稅一項。各處不同。任各處自爲度支。萬不能強爲合算。各國皆然。不待贅論。若國稅與地方稅。吾國今日宜溝分乎。宜都合乎。若溝分勢必致以京餉爲國稅。以本省報銷者爲地方稅。可笑孰甚。焉欲都合。則京師與各省皆有支出。而收入則各省所有。京師所無。何也。緣京師收入。盡由各省解交。則計各省可以不計。京師故欲預

算今日之財政。可謂難之又難。然此仍不過就表面者言之矣。倘核其內容。則各項之陋規。雜費。尤不勝枚舉。謂其爲租稅乎。則彼既非供國用。與地方用者。謂其非租稅乎。則民固已與租稅同納。如糧運折色等故西人之欲調查中國財政者。至今日猶未有完備之書。非以其表面既紊亂。內容又秘密乎。故今日而欲整頓財政。既不能俟改良行政後。始行預算。則惟望戶部有如日本大隈伯其人者。大隈伯嘗明治七年出而理董之。先立四表。一歲入出並準備入出估算會計表。二歲入出估算會計表。三準備金入出估算會計表。四外債明細表。頒行各省。先飭各省照此式。核算該省之出入。至於外債攤派之處。亦如之。各省既製就。然後由戶部總合全國。亦照此式。編製一通。於是分之。則見各省之真相。合之。則見全國之真相。吾國財政前途。或庶乎有瘳矣。

直隸總督袁奏擬試辦直隸公債票摺附片

竊維現在財政支絀。京外略同一。且欲驟集鉅金。舍貸款外。別無良策。惟募集洋債利息。輕重常受挾持。鎊價漲落。復多虧損。查外洋各國。遇有軍國要需。率皆臨時募債。不分本國外國。而踴躍輸將。常逾定額。固由國民急公。効義使然。而最要關鍵。尤在上下相孚。絕不失信。中國歷來辦理公債。半由官吏不務遠圖。鮮克踐言。以致民間公債。輒多觀望。不前。卽或勉

集鉅貲亦率視爲報効不敢希冀償還祇求取辦一時而於國民維繫之機相去甚遠利國便民之政轉爲誤國病民之階臣誠私心痛之今欲開募債票宜自公家嚴守信實俾民間便利通行方足以挽澆風召天下然示信之道非可空言又宜預籌的款備償本息無論何項不得挪用又准其交納本省庫款關稅各項隨處皆可兌用信如四時令如流水既易籌集尤便推行在國家無利源外溢之虞在商民得子母流通之益維挽民心恢張國力皆在此舉經臣詳酌中外章程以取信便用爲宗旨就本省籌款歲可得銀一百二十萬兩計可貸公債銀四百八十萬兩第一年按七釐付息逐年遞加一釐分六年還清以所籌之的款備付本息有盈無絀其期限數目章程暨籌定款項另繕清單恭呈 御覽抑臣更有請者此事係屬創行計在久遠一或蹉跌繼後爲難中國積習往往始事者備極艱辛而當新舊代易之交輒鮮後先規隨之美不以紛易定章爲才即以推卸責任爲事號令不行官民不信斷由於此此項公債票如蒙 俞允試辦擬請 降旨作爲永遠定案並責成臣暨布政使鹽運使並繼任之督臣等倘有違改定章失信於民者照誤國病民論予以應得之罪庶天下士庶曉然知 朝廷於公債一項實力信行斷無愆改方足以裨助國用收集利權 謹 奏 謹將擬訂貸還公債期限數目章程及籌定款項繕具清單恭呈 御覽

計開 貸還公債期限數目 一直隸公債共募集銀四百八十萬兩 光緒三十一年二月初一日第一期收銀一百二十萬兩 光緒三十一年四月初一日第二期收銀一百二十萬兩 光緒三十一年六月初一日第三期收銀一百二十萬兩 光緒三十一年八月初一日第四期收銀一百二十萬兩 一前項公債共銀四百八十萬兩分六年還本第一年七釐行息第二年八釐行息以後每年加一釐至第六年還清為止 光緒三十二年第一年應共還本銀八十萬兩隨付七釐息銀三十三萬六千兩 光緒三十三年第二年應共還本銀八十萬兩隨付八釐息銀三十二萬兩 光緒三十四年第三年應共還本銀八十萬兩隨付九釐息銀二十八萬八千兩 光緒三十五年第四年應共還本銀八十萬兩隨付一分息銀二十四萬兩 光緒三十六年第五年應共還本銀八十萬兩隨付一分一釐息銀十七萬六千兩 光緒三十七年第六年應共還本銀八十萬兩隨付一分二釐息銀九萬六千兩 以上六年共還本銀四百八十萬兩 息銀一百四十五萬六千兩 貸還公債章程 一此項公債票每大票庫平足銀或行平化寶銀一百兩整每小票庫平足銀或行平化寶銀十兩整各註取本期限每票主一人按甲乙丙丁戊己分號列收 一由藩司運司蓋用印信 一由天津官銀號匯總收發撥兌 一凡本省地丁錢糧關稅釐

財政

十九

乙巳

金鹽課捐款均可以庫平足色期滿之票交納並將本期內應得利息加算均由承收署局向天津銀號兌現 一各地方官分局員均得以此期滿票解本管庫局統由天津銀號兌現 一此項公票作為現銀按本有平色兌收不許留難加索 一如在內地及他埠不便向天津銀號取用本息可以期滿之票在官銀號指定代收局號兌取現銀其在本省地方可向地方官衙門及籌款分局取現該署局即用以抵丁糧稅捐正款解庫 一凡在天津各票主准其按三個月赴銀號支息一次即在票上註明支數 一此項公票無論何人均准其轉售轉兌認票不認人 一收存公票在五萬兩以上者准其在每年十二月初一日赴官銀號查驗備付款項如收存公票不及五萬可約集各票主湊成五萬兩公舉一人驗票後赴查 一此項公票如經手大小官員差役不遵定章有留難侵蝕等情弊一經查實官員參革差役監禁十年仍將侵蝕之款加一倍追罰 還公債本息的款 一直隸藩庫提集中飽等項每年銀三十萬兩 一長蘆運庫新增鹽利每年銀三十五萬兩 一永平七屬鹽利每年銀十五萬兩 一直隸銀元局餘利每年銀四十萬兩 以上每年共銀一百二十萬兩專備還債之需此外無論何項緊急用款不准挪移動用合併聲明 再順直賑捐一人勸集數在一萬二千兩者照尋常勞績請獎六萬兩以上者照異常勞績

請獎歷經蒙 恩允准在案此次勸募公債事係創始經理尤難全在勸募之人竭力設法方可集成鉅款應請援照勸集賑捐請獎成案辦理以廣招徠謹 奏十二月十八日奉 硃批戶部知道欽此

署兩江總督端奏查明浙江嘉湖兩府漕務積弊情形摺

竊查接管卷內承准軍機大臣字寄光緒三十年八月初一日奉 上諭有人奏浙江漕弊日甚吏治日壞請旨飭查一摺著李興銳按照所指各節確查具奏毋稍徇隱原摺著鈔給閱看將此諭令知之欽此遵旨寄信前來當經前署督臣李興銳札委江西候補知府曹樹藩前往密查奴才抵任後復委江蘇候補道俞明震親赴嘉湖一帶確查情形茲據查明稟覆前來奴才覆查原摺所陳漕弊五條如客荒一條調查嘉興秀水兩縣卷宗客墾荒田納租較輕比正糧每畝減收一百數十文其餘嘉湖所屬各縣大略相同嘉興客荒征簿共載四萬五千二百四十餘畝內有主之田二萬三千六百七十餘畝早經歸入大糧報解無主者二萬一千五百七十餘畝向俱征存不解上年查提中飽該署縣驛傳稟將前項無主客墾一律改歸大糧報解秀水客荒征簿共載五萬四千二百十三畝零內有主之田一萬六千六百三十餘畝已歸大糧報解無主者二萬七千五百八十二畝零征存不解留抵應行

支解各款嘉興原定額田八十七萬一千六百畝有零截至光緒廿九年分止僅報成熟田七十五萬四千畝零秀水原定額田六十四萬四千六百九十畝零截至本年止僅報成熟田五十二萬四千四百六十畝零比較原額荒田均在十萬畝以外其餘嘉湖所屬各縣亦各有荒田十餘萬畝及二三十萬畝不等而湖州之長興一縣竟有荒田六十餘萬畝之多安吉一縣亦有五十萬畝爲數最鉅駭人聽聞兵燹之後生聚垂四十年未經墾復之地尙復如此其多則客墾之畝數必溢於所報之畝可不問而知同治初年浙省曾設清賦局清賦而未清丈吏胥之窟穴其中者遂皆因緣爲奸雖地方官亦無從洞悉近年藩司查擠荒田各縣往往虛報新墾名曰透報迨新墾起征又復列入歉緩搪塞牽混大半有名無實此查明客荒之實在情形也又如例災一條查嘉興秀水兩縣上年報歉案卷先由嘉興府委員會勘嘉興歉收二分四釐八毫秀水歉收二分九釐七毫稟送藩司覆勘先後核實減至被歉分數嘉興居十分之八釐秀水居十分之八釐五毫鈔單札飭該兩縣照造歉區都莊圖甲頃數及緩征銀米科則各細冊送查乃該署知縣瞿倬何士循等並未遵飭復造事後亦未曉諭周知不特貽人譏評且足啟里胥以歉作熟高下其手之心辦理殊屬草率至票釐之弊則查光緒十六年前浙江撫臣崧駿訪悉嘉湖各屬書吏玩法開列條款飭縣嚴禁

內有減定串票一款每張祇准向花戶收取錢九文爲造串紙工等項撙節支用此外不准多取分文示諭在案後因歲修邑廟及地方善舉經費無出在減定串費之外每張加取四五文曾經稟定有案可稽並無增至二三十文與八九十文之事其斛口之弊則查嘉興府屬七縣漕斛弊端亦經前撫臣崧駿一律嚴禁現因日久弊生已將嘉興縣庫書趙幼雲姚寅卿等提省訊辦供有提袋抽斛等事定擬徒罪奏奉 諭旨依議趙幼雲等爲原參所指既經擬罪奏結斛口諸弊自能革除當無重征勒收把持漕務之理其櫃價之弊則前撫臣崧駿亦經議定每洋一元統照市價一律減算錢二十文牌示糧櫃照價算收不准再行減少遵行在案此次查案委員到郡之時正值嘉興開征曾派人攜洋元僞爲完戶赴櫃交納作價與櫃上牌示相符核之市價實減算二十文與定章亦復暗合秀水係屬同城情形大略相等此外各縣亦訪無增收數十文之說以上各條均經密訪鈎稽確實可據原參所指征收之弊三條或係遵照定章或已逮案訊結自可無庸置議其例災一條則前署嘉興縣知縣瞿倬秀水縣知縣何士循辦理不無含混應請 旨將該兩員交部議處仍由浙江撫臣嚴飭各該地方官嗣後辦理秋歉務須核實詳報如經藩司本府查有不實卽行揭參以免相率效尤至於客荒一條則積弊相沿已非一日其中舛誤糾結一時難以清理奴才揆

思其故蓋緣嘉湖兩屬蠶利素饒土著之民不暇用力耕作以致全境田畝多由客墾實與他省漕務情形不同官既樂其以熟作荒便於影射民亦樂其以租易糧稍得便宜客民冬去春來租皆一次完納官吏無催科之苦而有霑足之心年復一年久已積重難返此時即有清剛之吏欲加清查亦恐無從著手惟是清丈雖不易行而改租歸糧自是一定辦法似應酌設清查客墾局專查兩府客墾荒熟地畝坐落區處及每年足繳客租細數以爲分期改歸大糧報解地步但求客租之著落不問新墾之有無或亦變通核實之一法倘能辦有頭緒則嘉湖兩屬荒田不下三四百萬畝除去荒歉實數糧賦所增何慮不得大宗鉅款應請旨飭下浙江撫臣體察情形認真籌辦以祛積弊而裕度支謹奏奉 硃批著叢輯 欽此

○雲南巡撫林奏陳滇省實在情形懇免再派一切解款摺

竊維滇居邊瘠盡人皆知而實在詳細情形非逐一考查隨事印證即亦難於指實臣三次蒞滇隨時留心察訪合所聞見其瘠苦爲難之處知之稍詳不能緘默敢爲縷晰陳之查富強之原首在農工滇省幅員之廣視浙江不下數省而地曠人稀步步皆山常有行程經日不見村落田園欲求旅舍民居亦不可得官員赴任即在輿中過夜商貨駝馬徒行之人則

團聚露宿以蓋馬之毡自覆謂之打野其荒涼如此有田之處復以缺水爲難多恃天雨名曰雷響田蓋必雷雨時行始可耕作收成最爲歉薄間有種稻而雜糧苞穀爲多若中甸等處僅產青稞東昭涼山則僅產洋芋通省居民除耕種外業工藝者尤屬寥寥甚或有鞋帽繩帶之屬亦必由外省而來者本省絕少手作熟貨轉輸以出其絀而且惰如此農工若是商賈可知有之則惟土藥最爲大宗餘多小販而已所以民間之苦居室則半皆草屋卽省城開市舖戶門面亦約只一丈之寬深衣食則有畢生莫得棉布終歲莫食米麥之人其貧困艱苦未可言狀間嘗證以劫搶之案往往每名分贓只千餘錢或數百錢意盜賊皆鄰鄉近邑之人豈無耳目旣舍性命何以僅圖博此區區則殷富之少可想又證以釐稅所收土藥鹽居其七八百貨僅及二三則局面之窄可知此民貧之大概也至於官缺院司道府卽總督歲入不過萬餘藩司較優約在兩萬各道有僅及四五千者各府有祇及二千零者同通州縣凡廉俸津帖錢糧稅契陋規平餘合而計之每歲所入能及五六千者卽爲上缺最下者祇有千餘兩辦公贍家往來夫馬悉出其中恆虞不給從前提舉三缺尙可稱腴自前撫臣已奏明勒提歸公以購槍礮近亦甚形竭蹶佐貳以下更不待言候補當差薪水不足食用雖釐差較好然亦視年歲之豐歉商路之通塞而難於預定且各項差缺路途遙遠及

有煙瘴者頗多證以尋常委缺每有託詞規避及捧檄不行者年必數見釐差亦常有辭避及借故求卸且間有稟請永免委釐之員似向之所聞非盡虛語再證以身所親歷臣由實缺知府到省蒙 恩洊至封疆且素習儉樸所處非無在滇稱腴之缺乃十年外任未能置一畝之田一椽之瓦則他人一概可知此官貧之大概也所以光緒二十七年新案賠款滇省每年奉派至三十萬維時臣任藩司與督撫臣再四熟商凡有言及畝捐房捐等類概不敢辦而事關緊要不能以一省之故致朝廷失信外人竭力籌維設法搜剔自院司以至佐雜局處差缺各項開支局費薪水津帖苟可減者無不減之凡糧餘稅餘漏規雜款稍可提者無不提之湊及纖細有每缺年提數十兩每員月扣三四兩者幸得足數按期照解逐款奏明有案良以滇民之苦瘁至此萬不敢再有剝削轉致傷政體而失民心此臣前賠款未敢分毫累及小民之實情也本年迭奉 廷寄部咨練兵處咨奉 旨飭籌各款復經臣與督臣及各司道迭次熟商凡各局所差缺漏規中飽外銷浮費等項前次實已剔提淨盡未可再事追求而值此時事艱危練兵要政非各省協力籌湊則所關極鉅問心何安不得已於土藥廠錫粵鹽等項極力設法自光緒三十一年起每年認解十二萬兩若遇收數起色年即多解數萬亦尚不難臣前奏已聲明在案蓋此數者雖全視外省之銷運暢滯爲衡然

取之於商十二萬尙有把握若取之各項差缺勢必變本加厲巧取傷民釀成鉅患得不償失故奉到各件有當即覆奏者有遲遲始奏者職是之故此本年奉 飭籌款臣未敢再議搜及差缺之情形也獨是地方既貧瘠如此爲民興利亦有甚難滇富硃質而無如土法開採不能深挖未易獲利若有數百萬鉅資非不可逐漸試辦杜覬覦而挽利權乃官款既無從籌公司亦不易集往年桐濠林多外省殷商開採得利來者尙多亂後則習礦無人硃商亦散舊廠更碕老山空無從振起除現開各廠外餘皆屢試無成礦務之不易議如此欲謀興商又無大宗貨物出產且山路崎嶇轉運極難人負馬馱均非易易所以百物皆自遠而來異常昂貴尤甚者蒙自通商仍舊暢旺稍形輻輳乃米則每斤百餘錢肉則每斤三百餘錢他亦稱是非運致費鉅何遽至此至各處山林鄉僻未必無貨棄於地而無精於辨識之人易於轉運之路則亦無可如何商務之不易言又如此所以年來極力籌維急派出洋習實業者凡數十人並經迭飭所屬諄勸民間逐漸墾荒認真樹藝加意牧畜講求工作建設省城習藝所整頓舊設普濟堂令習織布編帶細繩製造等事警者教以磨香跋者教以打辦又於城內外各設自新所拿獲竊賊令習組藝勒作苦工並通飭各屬一體仿辦又派員種桑百餘萬種蜡樹百餘萬桐樹十餘萬陸續分給近省州縣及省城鄉民領種者現尙踴

躍並養蠶繅絲放蟲糞蠟以爲之倡現已聘到浙江精東洋法之蠶桑教習開設學堂總期爲民興利免多曠土游民但果否收效計亦必在數年以後臣之本意籌款有餘尙欲奏請規復前給各官津帖免扣二成薪水庶足以資策勵而示體恤乃未能遽及時不無耿耿於心所以前撫臣原奏先有惟冀關漕收數足敷三成庶湏得稍紓財力移爲整頓各項要務之語也但目前苦瘠如此又迫近緬越路工游匪處處可虞當此民心未靖民力拮据先後奉派籌款已認解至四五十萬之多實已極形匱竭可否仰懇天恩敕部立案以後凡有派解之款免其再派庶以重巖疆而甦民困紓朝廷南顧之憂所全實非淺鮮臣將離任無所用其推諉畏難但知之既確不敢不據實直陳冀無負聖主綏邊安民之至意謹奏奉 硃批戶部知道欽此

兩湖總督張附奏進呈一兩銀幣片

再臣於本年八月十六日附奏請就湖北鑄造庫平一兩重銀幣無論收發皆照湖北藩庫平核算出入均作爲十成紋銀名曰大清銀幣先行試用以覘商情民情兼體察各國商人情形出納利弊行之而利則請戶部裁酌情形推行利在全國行之而不通則湖北當收回另鑄所有賠耗工火傾鎔之費湖北任之從此可知中國貨幣之所宜以及改換收發之

難易利病昭然可有定論等情欽奉 硃批著照所請該衙門知道欽此當即欽遵飭局妥慎辦理竊維銀幣之行斟酌畫一利國便民獨不便於胥吏鑪坊之輩其造言搖惑設計阻撓勢必無所不至局外持論者未經細心體察輒不免辨難多端或謂既鑄此項銀幣應即禁阻墨西哥銀元不準行用不知向來部庫及外省司道關各庫從未收兌墨元而民間流行日廣者以各省通商口岸租界外國銀行林立其與華商交易往來多以墨元爲便故也此時中國之權力斷不能強使外國銀行之不用即不能明禁中國商民之參用墨元將來中國自鑄一兩銀幣日漸充盈爲中國商民所信用則墨元將漸次銷廢不禁而自絕故此時改鑄一兩銀幣者正爲他日禁止墨元之地或又謂國幣既以一兩爲準則舊日各省所鑄七錢二分之銀元當盡數收回另鑄不知舊鑄銀元雖重庫平七錢二分而民間折算生銀係隨市價漲落僅作庫平六錢數分不等與此次新鑄銀幣收發皆作庫平十成足銀用者判然不同試辦之初既不能驟廢生銀不用則舊鑄銀元亦祇列作一種生銀儘可聽民之便與新鑄十成之銀幣行用各不相妨此後鄂省官局自無再鑄七錢二分銀元之理至久已散在民間者自無庸收回另鑄以省紛擾或又謂新鑄銀幣既名爲國幣則但當以元計不當仍以兩計不知 國家一切賦稅皆以兩錢分釐計算則銀幣之爲兩爲錢豈可不

明著其文以杜胥吏之意爲輕重免致商民之耗折喫虧或又謂一兩銀幣當明言值制錢若干以昭劃一不知各省銀錢兌換之價到處不同斷非湖北一省之所能獨定倘使戶部能定庫平足紋一兩值制錢若干通行各省收發皆歸一律不準稍有參差則此項一兩重銀幣自有定價其權固操諸戶部者也總之臣此次奏請試行一兩銀幣原爲體驗官民行用情形是否稱便以爲戶部裁酌推行地步鑄數斷不能多一俟戶部開鑄其數足以供各省之用湖北儘可停鑄其湖北所鑄銀幣聲明除工本火耗外所有盈餘悉數報解戶部於戶部財政處權力未嘗絲毫有所侵損一切辦法皆再三審量而後定試行數月之後其利弊不難考見果有窒礙自當立予變通此時新幣方行設有阻撓搖惑之詞上瀆宸聰應懇乾斷主持暫置勿議茲已飭局將一兩銀幣鑄成發交湖北官錢局先行試用體察商情輿論似尙無所疑難應俟試行三個月後察看銷數是否暢旺咨報戶部財政處藉資考核除通行司道關局暨全省府廳州縣無論何項賦課稅捐一律均照庫平足銀收解不準稍有抑勒以昭大信外謹將鑄成銀幣十枚裝成一匣恭呈御覽謹奏

各省理財彙誌

京師 戶部同庫儲蓄隊向與國借款六百萬行息五釐以口口全省釐金作抵 稅務衙門近以各省漸次興築鐵路

所佔之地凡有葦蕪課地議飭令均歸正賦按照上中下三等分別繳課 外務部據鄂督電稱漢口華界沿江一帶修築堤岸需款甚鉅請籌辦法等因近該部議撥照通商條約抽收一釐經費以作築堤款項照會各國使臣轉飭各該領事於漢口華界之貨稅允准按照一釐抽收 商約大臣盛宮保請將茶葉稅減輕一節近已由財政處議定每担減納稅銀一兩二錢五分惟此外茶末茶梗茶磚等每担均著按照切實價值百抽五完稅

直隸 直省籌款總局近因整頓捐項改定烟酒稅新章計燒酒每斤捐錢十六文燒鍋及零整賣戶均照章報捐應准於尋常賣價外每兩加價一文黃酒每斤捐錢八文亦准於尋常賣價外每斤加價八文紹酒每斤捐同燒酒雖經過各海關業已報稅仍須照例納捐單料半四料案斤數報捐罈口用膠水黏貼印花無印花者即係私酒至烟葉每包以二百斤為定額每包貼印花一張每張捐錢三千二百文凡漏稅者行戶加五十倍罰辦尋常買戶賣戶均加三十倍罰辦所罰之款一半充公一半賞告發之人各節均已出示曉諭

奉天 增將軍近以款項支絀電請開辦實官捐例一年已經政務處議准

江淮 江甯向無落地糖捐通商後太古車糖陸續運銷釐捐總辦因會同藩司稟請江督在下關設立糖捐局照章抽稅以裕度支

安徽 亳州辦理硝斤無論軍批舖批向不抽捐近因豫省既已議定章程自應做照一律抽收並硝斤加價六文以昭畫一

湖北 鄂督張香帥近在日本名廠訂造精緻銀元票數十萬紙並加造十元五元等項之票各數萬張以便發市行用

各國財政彙誌

財 政

三十二

二 月

韓國 韓政府爲整頓財政已頒布貨幣條例以金爲本位定於西六月一號即中歷四月二十九日實行與日本貨幣在韓國境內一律行使

印度 印度政府將於西四月一號即中歷二月二十七日參倣中國辦法設立海關抽收貨稅

俄國 俄國向法國所借公債已在巴黎商妥行息五釐統計所借之款約有英金四十兆鎊

德國 德國聯邦議會提議鑄造半馬克新幣之案已經衆議負認可不日開鑄其幣面文曰半馬克花邊極深而細南洋 馬來總督出有告示謂馬來所造貨幣除馬來半島荷屬東印度婆羅門島等三處之外不許捆載出口

商務印書館出版
格致類教科書

最新中學生理學教科書

洋裝布面每冊
售價大洋一元

奏定中學堂章程第三年第四年課程均有生理學一門本館覓得美國史威爾新著原本淺顯易明切於實用條目清晰圖畫精良特倩名手譯為漢文全書二百七十餘頁共附圖八十五幅內有着色圖三幅尤為精妙

最新中學物理學教科書

洋裝布面每部一冊
售價大洋二元

英儒巴克爾謂進化之功藝學居十之九而政教之力不與肩哉是言今欲開吾國民智非人人精通格致之理斷無實益是書為美國最新教科之本本館特聘素精格致之謝洪實先生譯為漢文理明辭達特未曾有全書共五百餘葉為圖四百八十有八誠格致書中之大觀也各省書莊均有發兌

中學物理學

力學一冊 價洋一元
熱學一冊 七角

我國所譯物理學以製造局所譯之物理學上中下三編為最詳然專門科學之書非教科之本是書為最新伍昭展先生編輯先生留學英國大學有年精通理化蒐羅西國名家著作纂譯成編陸續付印圖畫精美科學堂教科善本而搜羅宏富疏解詳明尤為專門家參考所必備○磁學現已付印不日出版

商務印書館出版
算學類教科書

學務大臣審定 普通珠算課本

每部一册
價洋一角

無錫誦芬室主人編輯○珠算在尋常日用中最為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

初等 筆算教科書

全部五册

本館編輯學堂教科書次第出版以國文及算學尤為小學堂所注重故亟印備用是書由陽湖徐君樞秉筆經日本教育家小谷重君長尾橫太郎君校訂其程度按照 奏定小學章程并東西各國成法按年分級全書五册備小學五年之用書中前二册兼實物各圖以引起兒童興味

定價

一册 洋一角五分 三册 洋二角
二册 洋一角五分 四册 洋二角 五册 洋二角

初等 算科教科書教授法

全部五册

是書專為教習者實際教授時所用無此則教授時必枯寂無味亦與前書相輔而行

定價

一册 洋二角五分 三册 洋三角五分
二册 洋二角五分 四册 洋三角五分 五册 洋四角

新出數學教科書

每部兩册
價洋三角

小學校數學教科書尚無善本間有一二非失之繁冗即嫌於淺顯教育家憤焉本書館按照小學程度精心編輯所有盡有最便實用

實業

德人要索山東鑛務續章駁議 節錄乙巳正月初六日中外日報

去歲德使曾以山東鑛務續章四款。要求外務部。記者即知德人此次要素。大礙中國權利。願以未見德人所訂山東鑛務原約。不敢率爾操觚。茲經將原約覓得。而德使又有函約新任東撫。在京外近地相會。要素東省利權之事。雖其所要素者。未能懸揣。然鑛務必在其中。使其計得行。則爲害於中國者方大。是不可不加以駁辨者也。按其續章四款。一曰。止准德人用機器開鑛。二曰。不准華人用機器開鑛。三曰。德人鑛廠十五里內。華人已開者。須即停止。未開者。不得續開。四曰。德人用機器開鑛。華官不得干與。此四者。無論度諸公法。揆諸人情。足令人髮指。皆裂憤不能平也。即就原約言之。在德人索之。已爲得步。進步若中國許之。卽爲自蹙。生機自損。利權原約第十七款云。其附近鐵路。每邊三十里內。除現辦華鑛外。祇准德公司開挖煤鑛。及他項鑛產。夫約文。旣明有除。現辦華鑛一語。是華人鑛務。初非德人所能與聞。而其如何開採之法。亦非德人所能與聞。今乃有華人不許用機器開採之語。此何說也。華人不許用機器開採。而德人乃得用機器開採。一厚一薄。判若天淵。德人用意。抑

實業

乙巳

何太酷總之德人命意所在其始則猶有所顧忌第不欲使外人得沾其利益今則明目張膽并不許土人自保其利益喧賓奪主莫此為甚。餽糶及米豈有限制又原約第十七款云其當時正在開辦之華鑛仍得照向章辦理惟不得使德國鑛務因之吃虧。按此約專就德國言之不復顧及華人一面已為不得其平德人不能吃虧華人乃應吃虧乎然猶參以活筆曰應向華鑛主人議購如不願出售公司不得勉強云云是猶為華人稍留餘地也。今乃明白言之曰所有在新開之鑛周圍十五里以內各華鑛一律停止并不得再開華人鑛井云云據此以言則是華人費盡心力費盡資本幸而開辦有成之鑛產皆須拱手以讓德人而德人規知其處有華人已開之鑛亦可以用新法開採為名取而奪為已有並可使十五里內之鑛產任德人籠為已有而華人不得過問夫外人鐵路所經之地即為權力所到之地已為眾所共知乃當時遷就太過并許其因路權而攬及鑛權今則進而益上并欲使附近鐵路之鑛產獨為德人之所有不得復為華人之所有德人奪地之計何其工擴張勢力之策又何其至也此端一開將使山東全省不復屬諸中國倘各國尤而效之則中國內地悉為各國權力之所及而中國已為不亡之亡言念及之至可哀也至第四款所言則竊不解其命意之所在按原約二十款內其有賴於華官者極多如第三款曰應由本省派定委

員會同商辦。第四款曰。須會同官紳。彼此商辦。以期無損於百姓。第十款曰。儘須稟請山東巡撫。派兵前往保護一切。屆時查度情形。見稟隨即照准。第十六款曰。該公司在勘查鑛苗時。應由地方官派差跟隨。藉資保護。詞重旨復。似事事皆須責成華官。今乃明言之曰。德公司在三十里用機器辦鑛。華官無辯駁之權。其意正不知何在。窺其意似直謂有害於德人。則華官不能置身事外。有利於德人。則華官竟不能過問。然使因有利於德人。而有害於華人之故。以致猝釀禍端。變生不測。吾知必又援約章爲言。歸咎華官。而藉端啟釁。其爲患豈有極耶。是則德人此條淺之則視爲壘斷之計。以爲德人之意不欲使華官出而阻撓可也。深之則視爲挑釁之策。特以不近情理之事。輕爲嘗試。萬一有故。卽因利乘便。以求遂其所欲。亦無不可也。嗚呼。斯可懼矣。

河南巡撫陳奏遵設罪犯習藝所酌議辦法摺

竊照前准刑部咨議令各省通設罪犯習藝所。將一切辦理情形。迅速具奏。等因。當經飭司遵照籌辦。並由司移道督同所屬集思廣益。悉心妥議。以憑酌核。辦理嗣據各道府覆稱。部章籌畫至周。亟當遵辦。惟議就省城及各道。先設罪犯習藝所一節。似宜慎之。於始查軍流徒犯。分則人少。合則人多。少則易於防閑。多則難加約束。當日定例。軍流有表。均勻安置。用

意至爲深遠試就開歸道一屬而論到配及新章得免發配軍流徒犯現雖不過數十人會十年計之已不下數百人非寬屋宇峻牆垣不可徵論各道卽省垣亦無此寬敞公所勢須創建房舍所有工師人役薪資暨購器工本等類需費甚鉅的款難籌且各犯多係不逞之徒聚數百人於一隅挾衆滋事諸多可慮不如由各邑自行設所較覺簡便蓋州縣本有典守人役今設習藝所仍可分任其責人役之費樽節無形其便一各州縣多有廨宇公所就地取材量加修葺結構較易所費無多其便二禹州甯陵等處設有工藝廠專收竊犯均已試辦一二年今者酌量展拓輕而易舉推之各州縣就土產所宜銷場較旺者分別教授成本輕而學習易無需別籌鉅款其便三揆度地方情形參考各屬稟牘擬由州縣分設之處係屬因地制宜雖核與刑部原議稍有未符而部咨有各省情形不同不爲遙制之語自未便過於拘執轉至窒礙難行現既詢謀僉同自道府以至州縣皆以分設爲請應卽照章定議俾歸畫一旋經督飭所屬一律開辦據各該州縣將遵章設所情形先後具報前來詳加查核或係擇地建造或購民房改葺或就公所廟宇酌量添修大都就地圖維布置尙臻妥善第經營伊始費用不資旣未便派捐累民又不准請領庫款若概責令地方官捐辦力實未逮而部議罰鍰一項久成虛設卽有亦緩不濟急似難恃爲有著之款計惟借資羣力庶

幾衆擎易舉當經飭由各牧令就地妥籌如有公款可撥准其稟明核實動用其無公款者由現任之員先行籌墊列入交代分年流攤彌補以濟要需而免偏枯至雇用工師司事看役人等統由各屬斟酌選派所習工藝以磨麵編筐打繩及織蓆織帶織布紡紗編草帽緹等類爲多亦有試織毛巾仿製洋皂者類皆民生日用要需造成尙易出售現時先授以粗淺各藝取其本輕學易可期速成仍當逐漸改良力求推廣並限定工作分數按日嚴行稽查獎勵罰情俾免曠誤偷安惟是各犯類乏馴良今既脫去刑具難保不乘間逃逸是在地方官慎選看役加意防範使彼無隙可乘庶免疎脫之虞查定例軍流等犯到配以吏目典史等官爲專管州縣爲兼轄現值改章設所事務紛繁應卽以吏目典史等官專司管轄仍由州縣總其成並責成該管道府州縣隨時嚴密督查核其功過分別勸懲總期日起有事實事求是現經擬就開辦章程十二條其有未盡事宜仍俟體察情形如須變通損益再行酌辦等情據布政使瑞良按察使覺羅鍾培會詳請 奏前來臣維設所收犯習藝寓養於禁意美法良惟須籌簡易之方庶幾奉行無弊部咨謂各省情形不同未便遙制蓋亦欲斟酌至當經久可行該司等所籌各節及酌議章程經臣覆核均尙妥協現在各屬業經一體遵照開辦自應督飭認真經理力求實際以收化莠勸工之效再部咨議設罪犯習藝所專

指軍流徒各犯而言惟查各屬獄訟繁滋其有案情較輕科罪不至發遣者如偷竊抗債之類既不容問擬失平又未便遽予開釋民之多辜情法兩窮蓋此輩游蕩之徒不畏笞責惟懼羈禁各屬遇有此項人犯多係暫行管押禹州寧陵等處所以先有押犯工藝廠之設也現在通設習藝所各邑軍流徒犯多者不過十餘人少者或僅數人而押犯則所在多有擬即通飭一律收所習藝教之工作以資養贍令其勞苦以生善心但能悔悟自新即行隨時釋放聽其自營生業並將所內折爲二區以一區收押犯以一區收軍流徒各犯用示分別而資化導等情據布政使瑞良按察使覺羅鍾培會詳請 奏前來臣查習藝所兼收押犯係爲多化莠民起見雖非部章所及似應酌量推廣一律辦理謹 奏奉 硃批刑部知道欽此

山東巡撫胡奏籌辦東省各項實業情形摺

竊查東省傍河濱海地瘠多山年來水患頻仍盜賊滋熾治其標則賑蠲緝捕不過防救已然求其本則教養兼資方足澄清治本伏讀光緒二十九年十月初一日 上諭商部奏請通飭各省振興農務一摺據稱商務初基以提倡土貨爲要義而商之本在工工之本在農非先振興農務則始基不足工商亦無以爲資振興農務之法不外清地畝辨土宜以及興

水利學畜牧設立農務學堂與試驗場請飭各將軍督撫通飭各屬將地畝冊土性表詳細編造報部等語所陳不爲無見著各省大吏速飭各府廳州縣認真確查極力講求一律切實興辦以廣種植而裕利源欽此又於光緒三十年五月十四日欽奉 諭旨飭令於學校農工諸要政悉心經畫教養兼資等因欽此仰見 深宮勤恤民依所以爲 國家謀富強爲斯民籌本計者至爲深遠下懷欽佩莫可名言臣維山東爲古青兗之區本以桑土重農名於往代惟以後世民愚農惰漸失其長財匱民窮日甚一日近者東西洋各國考求農法成效昭然即令裕厚民生非先由農事入手無以爲正本清源之計臣接任後疊於省城設立農桑總會雇聘日本農學士考驗各省農法並於東西關外設置農事試驗場以便種植樣本逐漸擴充泰安兗州沂州曹州濟甯各府州均設農桑分會隨時查驗地質土宜其餘各縣亦均酌立分會凡屬可興之利可植之物均令試種考驗其兗州青州兩屬本出蠶絲惟以質粗纜劣不能與南絲抗敵臣於兗州府設立農業學堂於青州府設立蠶桑學堂雇聘杭州蠶業優等學生充當教習俟頭班學生卒業即可分遣各屬轉相教導該兩學堂附近地方土人已漸知師法改其耕織舊習又於青州創立東益公司紡織綢布此外則止朝城城武蒙陰等縣分設蠶桑廠冠縣陽信沂水城武一帶試種落花生省城及登萊等屬現

設樹藝公司登州一屬地近海濱擬設漁業公司並責令各州縣勸民種樹據報三十餘州縣共試種二百餘萬株將來風氣大開各州縣農桑樹藝一律興辦似於民生不無小補此臣籌辦東省農桑實業之大概情形也凡富民以農利爲先而教養無業閒民則以工藝爲急東省人多田少不敷耕種連年河水冲沒閒民日多弱者坐守飢困黠者流爲剽竊是以曹州東昌等屬歷年多盜誅不勝誅良由年壯游閒迫而爲此前升任撫臣袁世凱審知其故先就省城設立教養局專教貧民無業者學作粗工另設工藝一局考求各項精巧工作如范金冶鐵織繡雕嵌之類以爲全省工藝模範上年日本賽會已有出品尙不甚劣臣到任後益加推廣添撥兩局經費於教養局附設小學堂以期進而益上又於曹州沂州等府暨濟州莒州嶧縣福山濰縣等處各設工藝分局於鄒縣惠民等處分設教養分局於益都壽張泰安等縣各設習藝所博山設玻璃公司於德州諸城禹城各州縣設草辦公司局廠此外如紡織布製造洋胰洋燭洋酒其未辦就緒或已議未辦者條理尙多臣隨時督飭官紳認真經理以期逐漸推廣加意改良不敢獨於目前苟且敷衍此臣籌辦東省工藝實業之大概情形也惟是時辦事固難籌款尤難臣就現辦各事核計如省城工藝局歲需成本經費二萬兩開辦經費五萬兩省城教養局歲需成本經費一萬數千兩開辦經費二萬三

千兩兗州農學堂青州蠶桑學堂省城農桑會各歲需數千兩開辦經費各一萬餘兩他如疏濬小清河招商行駛小輪擇要修理道路以通車馬而興商務又在煙臺開設車阜公司以期內地土貨多販出洋又購買膠濟鐵路股票十三萬餘兩以化吟域又擬購買嶧縣礦務股票十萬餘兩以圖擴充此外各州縣可開之鑛應行招商附股藉資招徠通盤約計每年至少需本銀一百餘萬兩山東庫儲奇絀本無官款可撥現在惟恃籌款局整頓牙帖雜稅商捐等款歲約收銀二十餘萬兩祇能作為提倡補助之需全恃官商集股推廣辦理籌款局各項商捐初辦民頗不願近來咸知以本省之財辦本省之事且用本省之人核與袁世凱 奏設籌款局原議相符民間異議漸息且有恨籌捐無多條陳權捐諸論臣不敢遽行惟就此力量鼓勵官紳核實經理如有不敷准其息借商款將來某項事業辦成確有明效或予以專利或酌量請獎隨時咨商商部核准照行再所辦各項地方要政現雖官督紳商經理實則仍係民捐民辦且捐款本少股分較多所有經費臣已飭司道督查按年列表造冊俾衆公閱請免按例報銷謹 奏奉 硃批該部知道欽此

出使俄國大臣胡致外務部招商造土製皮咨呈

竊照推廣土貨出口固為整頓商政之大綱若論商政次第則就本國所必需之品講求製

造俾無待購自外國爲杜塞漏卮之要政其亟尤先於推廣土貨出口日紗日布日紙各省官商年來頗次第興辦無非爲杜塞漏卮起見顧此等事業非汽機不爲功汽機必定自外國造機運機動輒經年一廠之機動須數十萬金購矣到矣而使用之機又非洋技師不爲功重聘遠到又動須數千金如是積時久積本鉅商力不能支官辦尤耗費安望有盈利可圖今籌得中國需用極廣而製造又不難成本又不多無須有引擎汽力無須有精深技學而可以大塞漏卮者兩端一曰製革革之爲用首在兵營一兵負一槍負有帶帶必革槍必輔以彈彈有匣或二或三亦必革束彈匣於腰有帶帶必革一歲之中一兵所用之履平時以三雙計履必革推之騎隊則馬上處處須革礮隊則車上處處須革工程輜重隊何事不須革武官佩刀有帶藏銃有囊亦均須革軍營之中無人不須革加以近來鐵路漸通旅客往來頻繁一人所需爲鞵爲帶又處處須革廠局林立運動汽機無往不帶帶必革況風氣開則事事振作革履所需又不僅軍事中人乎中國牛革向以陝豫爲產地故江漢關出口歲爲大宗因中國不善製革故洋商卽運此原料出口也俄商曾在漢口設廠製革矣今若欲擇地製革自以湖北爲最便惟革廠必須臨水所需之水最忌含電流出之水有妨民用極宜斟酌至於柔革所需之樹皮潤革所需之魚油皆爲湖北所有卽樹皮不多亦可廣爲

種植且可輔以美國製成之藥水廠地不必甚大廠屋更無須多間革經浸泡最速半年其材可以造履底一年或一年半可以製履面至四年則極爲柔軟無以復加矣統計十餘萬金便可敷定本活本二項之用查製革之學德爲最精英美次之願西國無事不用汽機惟日本專派學士取法於德美而稍變其術多用人力故其程功易而備本輕彼國大阪地方有大倉製革廠東京地方有纓組製革廠其所製先儘陸軍之用而以其餘售於民間官私兩便纓組曾有製革學士在湖北考察原料水質天時謂確可製出良革方今練兵最亟需革尤殷是亟宜招商製革以應世用需本無多必有商人願任此事但得允其製出之革果合軍用可儘其所有軍中認銷商更何樂而不爲乎二曰塞門德土塞門德土上海通稱爲紅毛泥此土凡一切造作莫不用之大之爲礮臺爲堤工次之爲廠屋兵屋基址爲街衢基址而鐵路工程上所需亦不少此土以德國所產爲最精因海運危險公司往往不肯承運故價倍昂此土原料以石爲大宗而石又必爲可以成灰之石故此石非遍處皆有卽此土非遍處可造中國天津東北一帶多產此石天津工程不少需土尤多聞西人已有在津地建廠造土者矣湖北大冶地方產石造土之材湖北瀕江轉運便利尤宜居甲造運此土工在淘洗細緻固無須汽機亦無須大廠無須精學昔年出使德國許大臣曾派武弁張晉珊

學造此土亦有成效但未有商本營此實業方今工作日進須土必殷亦宜招商造土以應世用顧方今工程往往有洋人用事洋人見中國自造物件必曰不合用小半由中國本未深造大半由洋人欲廣購外國物件以豐其財自不得不訕謗中國物件以爲之地然使實心研究先用於中國人自營之工作漸漸及於洋人用事之工作安見不可以持久推廣此項製造但得有原料之石有運輸之水即可成功其本亦不逾十萬餘金招商諒不甚難日本亦有此造土之學可以就近訪考須至咨呈者

德使照會外務部爭執山東鑛務公文

按照光緒二十四年二月十四日所定膠澳條約第二端第四款內開於所開各道鐵路附近之處相距三十里內允准德商開挖煤斤中國國家亦應將德商一律優待較諸在中國他處之華洋商務公司辦理各事所得利益不使向隅等因按此項條約在光緒二十六年二月間經山東大吏及山東鑛務公司商訂鑛務章程照第七款所定在鐵路附近三十里內凡經華人已開之鑛僅准照向來辦法仍行續辦毋致礙難有損山東鑛務公司所辦鑛務此項章程既係幫辦山東交涉副統都蔭昌及總工程師錫樂巴先定德文即顯係以德文爲主所有他項各約章亦係以洋文爲主不以譯出華文爲主如有因第十七款華德兩

文不符而批評者不足爲憑且照光緒二十八年七月十七日貴親王致葛署大臣照會內稱已准山東嶧縣中興煤礦公司附近百里內他人不得再用機器開採附近十里內民人不得另用土法開採等因既照以上所提條款不准將德商較諸他項華洋公司薄待則山東礦務公司理應在三十里內索得利益同中興公司所得者一律情形如此雖無疑所有在三十里內之華礦僅准按照到光緒二十六年春間所用辦法續辦乃仍不免時有新開及用機器所辦之礦以致山東礦務公司所辦之礦務時有空礙至今屢次在中國官場申訴均屬無益譬如山東礦務公司於本年十月十二日奉本大臣文稱在商定膠澳條約時博山一帶中國煤礦無一採辦者及至光緒二十五年夏間在南堡附近一山脚下煤井上設一機器以便由井內取水並免較高處各華礦受水浸之患而商訂礦務章程時仍如此用法至光緒二十八年間停辦並將機器又挪至南約十里之他礦安設即此挪用亦係違背章程之舉且歷不多時在紅山又照此辦法設二機器因此本公司在礦務委員馮道處稟訴經該道先云不過將已有之礦廠修理並添補一轆轤等語如此措詞及他項與實情不符之語從可知華官有意決不照膠澳條約所應辦者認辦如華人所開各礦與本公司礦務無險無礙雖其所辦之礦在本公司有權辦礦之地則本公司並無意向華人照向來

常用之法使之爲難或勉強令其停止惟理應使中國官員認明各該華礦在三十里內無採辦之理如本公司請停止時即應停辦查現時三十里之內並無華礦在商定鑛務章程時開辦至今接連採辦者等因據山東鑛務公司稟請本大臣轉請貴國國家議定鑛務續章四款開列如下—在三十里內僅准山東鑛務公司用機器開鑛二華人准將在三十里內至今所辦之鑛用土法照向來之大小續辦不許用機器三倘山東鑛務公司擬在三十里內用新法開鑛須於未開辦以前稟報山東巡撫設法以便自稟報日起二年所有在新開之鑛周圍十五里內各華鑛一律停止並德鑛採辦時在此周圍十五里內再不得開華人鑛井四在三十里內山東鑛務公司用機器辦鑛之法中國官場無辯駁之權以上山東鑛務公司所擬各節均按約照理而行請貴親王設想該公司係因信心誠服我兩國政府定議諸端始湊足資本數百萬兩興辦此舉如准仍開華鑛並准舊鑛用機器開採則欲此鉅資源源生息不綦難哉再諸多無業貧民在山東鑛務公司鑛內做工度日並居民得用賤價之煤因此倘不妨礙該公司之舉誠於華民有益本大臣已飭令駐紮濟南本國委員與山東巡撫商定妥善辦法惟望貴國政府轉飭東撫與貝委員商議時盡心竭力和衷共濟俾我兩國邦交愈加敦篤是所厚望

山東巡撫爲德使爭執山東鑛務事移行農工商務局文

光緒三十年十一月二十二日承准外務部咨光緒三十年十一月初十日准德國穆使照稱按照光緒二十六年二月間經山東大吏及山東鑛務公司商定鑛務章程照第十七款所定在鐵路附近三十里內凡經華人已開之鑛產准照向來辦法仍行續辦毋致礙難有損山東鑛務公司所辦鑛務乃仍不免時有新開及用機器所辦之鑛以致山東鑛務公司所辦之鑛務時有空礙據山東鑛務公司稟請續章四款開列如下一在三十里內僅准山東鑛務公司用機器開鑛二華人准將在三十里內至今所辦之鑛用土法照向來之大小續辦不許用機器三倫山東鑛務公司擬在三十里內用新法開鑛須於未開辦以前稟報山東巡撫設法以便自稟報日起二年內所有在新開之鑛周圍十五里內各華鑛一律停止並德鑛採辦時在此周圍十五里內再不得開華人鑛井四在三十里內山東鑛務公司用機器辦鑛之法中國官場無辯駁之權以上所擬各節均按約照理而行已飭駐紮濟南委員與山東巡撫商定妥善辦法惟望轉飭東撫與員委員商議等因前來查山東鑛務章程第十七款內載三十里內凡華人已開之鑛應准其辦理倘該公司深恐冒險則可請地方官查明向華鑛主人公平議價或將鑛賣與公司又載如華鑛主人不願將所開之鑛賣

出則應作罷論不得攪擾其事各等語茲該公司所擬續章限令華鑛停止核與原訂條款不符相應抄錄原照咨行貴撫按照原章與員委員妥為核議並聲復本部以憑轉復該使可也等因到本署部院承准此除照會德國派駐濟南商辦事件員委員查照外合行移知即便查照

山東華德鑛務公司章程

按此章程訂於光緒二十六年官私載籍刊登殊鮮以故知者甚少而論其禍患所至則固足以害及山東全省并且足以貽累中國大局因特登錄如右

甚重故附錄之

又章程內附有校勘之語字句出入之間閱之

大清國兵部侍郎兼都察院右副都御史山東撫提部院兼理各國事務衙門大臣袁大
清國記名副都統幫辦山東交涉總理路鑛事宜蔭大德國駐紮青島鑛務公司總辦山
東鑛務米海里與司米德為辦事迅速安靜起見按照原約在鐵路附近三十里內准德人
開採煤斤等項商訂章程各條如下此項章程係用華文德文繕就其中語意彼此相符並
須由駐德京之總管鑛務處簽押以昭慎重 第一款 校與德文符 按照曹州教案條約第二
端第四款在鐵路附近三十里內指定各地段允准德商開挖煤斤等項及須辦工程各事

亦可華商德商合股開採一節應設立山東華德煤礦公司並照公司章程招集中國官商
 股分先由德人暫時經理所收華人股分按季呈報本省交涉局俟招股在十萬兩銀以外
 時再由本省選派委員入公司訂立章程稽察華股應得一切利益 第二款 校與德文符 該
 公司應設局在何處招股及若干處俟查看情形隨時商定 第三款 校與德文符 該公司應
 辦勸查開採以及試辦各事應由本省派定委員會同商辦或並約紳衿幫同辦理該公司
 倘在一處先欲試辦所用地段不欲購買則應先商明發給租價至所傷禾稼等項應照該
 處情形給價作賠以免百姓吃虧再每次試辦開採應在半箇月以前通知該處地方官以
 便轉達百姓俾杜生疑 第四款 校與德文符 除第七款所云不計外不與上面人相干華文只
 無探挖煤斤及他項礦產字樣 所需各處至地下所作一切等語 開挖煤礦應用地段如建築鑛井修蓋機器等廠以至
 工人住房與貨棧等項須會同官紳彼此商辦以期無損於百姓所為平安順手起見是以
 山東巡撫特派幹員幫同買地及料理一切惟凡講鑛學處與採擇地勢各節應歸鑛師作
 主而購租地段須會同特派之員妥商辦理或租或買不得強抑勒索每次查定地段應繪
 一作二萬五千比例之布置形勢圖送呈山東巡撫以備稽查呈圖後始准買地俟地買變
 方准修蓋所需各處至地下所作一切除第七款所云不計外不與上面人相干故不得攔

實業

十七

乙巳

阻亦不得爭討以昭公允再買地一事應秉公迅速妥辦以免耽延開採鑛產地價應照該

處情形核實付給所購地段祇准購得將來修蓋鑛井與各項房屋煤棧裝車運煤處所等

項足敷應用為止 第五款 校與德文不符德文云不使因辦鑛務令其受傷無地之上面字樣

凡廟宇房屋樹木及衆多齊整之墳塋等項均應顧惜謹慎躲避不使因辦鑛務令其受傷

萬不得已必須遷移以上所指各物則請地方官在兩箇月以前通知該主人以便妥商賠

償總使該主人在他處能照原樣另行置辦並於錢財上不致吃虧 第六款 校與德文不符

使於本省城壘公基及防守各要害無所損傷無上面之土地無所損傷 辦理鑛務須蓋各房及開挖鑛

井等項地位均須合宜總使於本省城壘公基及防守各要害無所妨損 第七款 校與德文不符

朝廷所屬各祠廟行宮園廠等項之下概不准辦理鑛務 第八款 校與德文不符 該公司因

開鑛買地無論何處應用官弓尺丈量地畝每弓合五尺每尺合三百三十八米里密達每

地一畝按三百六十弓計算合九千方尺至所購地段應納國課一節須照他國人在中國

他處開鑛章程辦理以昭公允 第九款 校與德文不符 該公司儘請地方官派人前來幫同作

事則應給薪工銀兩另行開發不准與地價稍有牽涉以清眉目所發地價應交地方官

代收以便轉給各該地主一面由地方官發給公司買地執照發照後始准動工 第十款

文校與德

或在勘查鑛苗時或在開採鑛產修蓋鑛廠時在百里環界外僮須稟請山東巡

撫派兵前往保護一切屆時查度情形見稟隨卽照准並派數用之兵數以應所需至該公

司應給此項衛兵若干津貼應另行商議惟不准請用外國兵隊 文校與德 第十一款 該

公司購買物件應照本地市價交易不准強買亦不准故意貴賣以昭公允或請地方官代

購亦可 文校與德 第十二款 在開鑛處附近一帶僮欲租賃住房或辦公處所應請地方

官代租並代立租房合同 文校與德 第十三款 該公司辦理鑛務應撥用本處工人使之

工作所需物料凡本處所有之物亦應在本處購買並須公平給價僮公司所用之工人與

本處百姓滋事應由地方官拿辦再公司所用各工人無論如何不准擅入百姓住家如敢

違禁定必從嚴究辦 文校與德 第十四款 該公司開採鑛產時萬一遇意外不測之事故

傷人命或物件理應撫卹賠償除此以外尚有應定詳細章程凡因辦理鑛務被傷各物均

照詳細章程賠償至在試辦時僮因公司之過致傷人命或物件亦應撫卹賠償 文校與德 第十五

款 辦理鑛務准保不傷民田房屋水井等項若因公司大意粗心致傷以上所指

各物定當按照該處情形認賠至鑛內若有泉水應謹慎引出總以不傷民田等項爲率否

則議價賠償 文校與德 第十六款 凡鑛務公司所用各洋人均須請領地方官與鑛務公

司會印憑單以便隨時稽查如不領會印憑單中國官不認保護之責此項洋人若欲他往游歷均應請領中國官與德國官會印護照以便飭屬加意保護無此項護照中國官亦不認保護之責該公司如在勘查鑛苗時應由地方官派差跟隨藉資保護該公司應酌給此項差人酬勞津貼儻遇假冒公司之人並無憑單作證則應由地方官拿辦以杜含混滋

事 第十七款 巡撫與德文不符者自開辦其附近鐵路每邊三十里內除現辦之鑛外

馮公司開挖深礦及他項礦其當時正在開辦之鑛仍得照向來辦法辦理惟不得使鑛國鑛務因之吃虧倘在鑛下而又為德國公司開辦之鑛不准有意外危險應准該公司請地方官查明該華鑛主人或將鑛項折作股及如華主不願出售公可不得知照 在鐵路附近三十里

外無論誰何儻未經山東巡撫允准不准私自開鑛在三十里內除華人外祇准德人開採

鑛產凡經華人已開之鑛應准其辦理惟不得使下面之德人鑛務實有危險儻該公司深

恐冒險則可請地方官查明向華鑛主人公平議價或將鑛賣與公司儻華人在某處已開

大鑛該公司意欲購買在商定價值後聽鑛主自便或將購價折作股分領取股票亦可如

華鑛主人不願將所開之鑛賣出則應作罷論不得攪擾其事 第十八款 儻該

公司所辦鑛務實係日有起色所得鑛產實係茂盛則附近居民所需煤斤應准以較廉之

價購買惟不得轉賣致於公司生意有礙 第十九款 凡德租界外各處其地主

大權仍操之於山東巡撫公司所用華人應歸中國地方官稽察儻有違犯華例等事亦歸地方官究辦至所用各洋人儻有不合之處應照條約秉公辦理 第二十二款校與編 此項鑛局將來中國國家可以如何購回與於何時可以購回應將來另議 以上各款俟畫押蓋印後應頒行山東各州縣與辦鑛各員以便按照各款所云辦理此後彼此若有應行增損之處祇能由山東巡撫或特派大員與山東鑛務公司彼此商訂

各省農桑彙誌

直隸 宣化府蔚州一帶盛產白麻商人創有專業運銷都設立麻行公司統辦宣化一帶之麻議在保定設總局易州設分局並每歲報効餉銀若干 平谷縣土質硠礪不宜農事該縣近發桑秧飭民領種並先租空地十畝種植桑楮以驗效否 唐山縣議辦種樹官會定章程二十條稟請直督批准

山東 前東撫周玉帥在任時曾於濟甯創設樹藝公司招商股本三十萬發給官荒地畝數百頃以興民利 青島樹藝公司近派人至省開廠種樹先桑秧次菓品及與土性相宜之樹又在城東設立林業試驗場實地研究使民仿效 長山縣同利蠶桑公司招股三萬兩試辦種桑並招人養蠶以闢地利 蒙山一帶農智漸開所種鮮薑苡仁紅稻米之屬獲利頗多山頂大片沙地則種蘇子棉花山陂偏橙則種大麻洋花生近有謝君某到處演說勸令通省仿辦

山西 農林學校教習三戶君近於該校試驗場中備栽榆苗令民領種不取分文

江蘇 省城農務總局近勘得蘇地土性最宜桑柏特稟籌款項往浙購柏子數石分發各州縣具領轉給 松江大校場基廣一百六十餘畝經粵亂後荒蕪滿目今提督楊軍門察知招集崇明鄉農墾開種山芋花生以收地利

浙江 安吉屬地半皆荒廢近有程君進之籌設公司所種皆毛竹棉花蠶桑及各種本輕效速之樹

福建 福州創設墾牧公司股本一萬圓已稟准官署立案開辦 長樂山下有田二萬餘因江爲山阻灌溉難施近有候補縣周君有基親往相度稟請農桑局自願報効抽水機器安設龍腰山下爲灌溉之用近已批准立案飭速導辦

四川 萬縣爲產絲之地近有鄧君設立蠶桑研究會春夏試驗秋冬講學可謂有體有用 瀘州里仁鄉有大荒山一

座近經鄉人刈剗草種桑三萬餘株以興地利 石泉縣四面環山不宜農事近該令特飭徧栽青桐養放山蠶以盡地利

廣東 肇慶景福圍鄉董議於城西圭鼎山城西羚羊峽等處官荒地畝種植桑樹三萬株稟縣請示禁止斫伐 徐聞縣有荒地四五千頃前由務本服贖兩公司承墾均有成效惟所墾不及百一近由農工商會董集股五十萬稟准開辦

開蔗麻麥豆五穀均可種植其有水草處尤便畜牧云

廣西 梧州梁紳廷棟稟請粵督岑雲帥倡辦農林公司當蒙批准且捐助股本銀三百兩以爲之倡

各省礦務彙誌

京師 張家口外大馬羣山之西大青山中有水晶礦以墨晶青晶爲佳經墾務委員某面稟政府當派熟悉晶礦之員

偕某委員前往查明採掘 法商大東公司近與華人同辦南口及十三陵附近金礦已派技師前往查勘 俄使迫索

伊犁塔爾巴哈臺及西甯各處開礦權於外務部拒之

直隸 順直各屬礦產已稟商部承辦者凡十七處計玉田縣之別山煤礦二豐潤縣之車軸山銅鐵礦各一遵化州之小黑山銀銅煤礦各一遷安縣之夾壁山煤鐵礦各一密雲縣之西屏山煤礦二昌平州之山溝嶺煤礦二房山縣之松林山煤礦四 房山玻璃石礦經工部官局開採稟由商部轉咨順天府立案予以專利

山東 嶧縣煤礦既旺且佳華德中興礦務公司已著成效近有崔紳雲星復集股數十萬在滕嶧交界商家林地方設局開採 沂屬日照莒川地方產煤極佳前有劉紳創始開採以土法未能得宜賠累中止近慮有德商查勘該處富紳丁君恐利權被奪特集股本二百萬兩仿照西法開採

山西 大同鏡川堡素產鉛礦近有某君集股與辦 懷仁縣地方產煤極旺且有廢窰多處該縣汪令以各處煤礦均被水阻特招股銀數千購辦抽水機器去水即可俯而拾之云

江蘇 鎮江螺山鉛礦由張季直擬集股十萬創設開成公司購機開採以製筆鉛稟准商部專利十年

安徽 蕪湖自晉康公司開採南陵繁昌一帶礦產卓著成效繼之者為甬商萬安公司開採涇縣察頭嶺煤礦今又有某商於繁昌五華山開得一礦名曰協和公司已稟由蕪湖商務局詳請皖撫批示照准

江西 贛省士紳議保甯蘇皖及本省礦權商請三江礦務總公司凡各處礦產皆由該公司擇勘開辦不准外人干預并不准附入外股

浙江 瑞安孫王政詒讓訂租溫處交界之孫坑一帶錫鐵鉛硫諸礦六七處業經稟官開辦

湖北 銅幣局向用日本紫銅近議自開竹山銅礦以供鑄幣之用 興國州礦自招商開辦已歷十年嗣以為水所阻虧本五十萬兩甲辰春復積資定購泰西大機並擬開鑛多處恢復利權 建始縣向產銅礦經鄂督張香帥派員查勘

屬實即委其督率開採

湖南 水口山煉礦近由徐中書振濟考驗謂每砂一噸可煉淨鉛十斤又可提紋銀二三十兩不等

甘肅 甘省所轄之洋兒代地方錫礦甚多該處番童收膏每以牛馬糞燒礦錫汁大流故沿邊漢地錫價甚平

四川 西南立德樂請辦重慶府江北廳礦務允之 叙府屬古蘭州老城及成府屬魚背山二處均有銅礦近由趙紳汝驥呈請開辦業已照准

各省工藝彙誌

京師 會稽余紹熙孝廉妻沈氏善書畫精織繡甲辰 皇太后萬壽會織八仙萬壽萬福來朝兩圖進呈深蒙嘉許 賞賜有加並飭其開設公司所有願織均歸專利織造貨歸其經辦并廣收女徒研究繡法先用公款試辦俟有成效准其招商入股

直隸 省垣工藝總局摘錄土產名色飭各州縣購送陳列考驗以資推廣 滄州向出草帽惟均係舊式近該州議興工業設局大造並改式樣使與近時通用軍帽一律 磁州所產磁器近經工藝局設法改良先派工匠至江西景德鎮學習以資效法 臨城縣近於城隍廟內設立工藝院購置織帶土機兩大架專織毛巾線帶 肅甯縣於小學堂偏院設立工藝局招請汴省織毯工師購機製造五色線毯近已織成多種呈由直督札發老工廠試驗

山東 館陶縣令前設工藝局自新所兩處招工學製草蓆篋席棉帶布毡等類頗著成效近復在李官莊產棉處所設立機器軋花廠以收事半功倍之效

江蘇 浙紳龐京卿元濟近奉商部奏派在滬設立造紙廠先集股本六十萬仿照日本東京王子製紙公司章程辦理

安徽 李紳國楷近集資在蕪湖創設機器織布廠已稟奉商部核准專利五年

浙江 職商余君華矩在省垣創設通濟工廠嗣因習工者多又在湖墅購地十五畝建廠六十餘間稟請商務局保護工藝傳習所專習織染漂曬等法近已開辦 海甯汪君處三精農學近造灌田吸水車可以不藉人力不用火功能使機關運動不息已向農工商務局掛號並在西湖試演定價通行 平湖縣近設遷善局專收游民從事工織如毛巾等類 甯商趙君家荃集股創設通益造紙廠於北門外已稟奉商部註冊

福建 閩商林君翰存在廈門創設華寶製磁公司甫經開辦而外郡定貨其價值已有三十餘萬兩之多

湖北 宜昌趙令於署內設勸工遷善習藝所督令羈繫輕犯入所學習粗工所出物件均於縣署東側設櫃出售 漢口開辦勸工院已於玉帶門外購地建屋

湖南 善化張君自日本返里學得稻草造紙之法如法試造出紙頗多與贛省撫州皮紙無異湘中傘店皆樂用之 善化于君谷村近仿製粉筆堅而嫩無崩斷沾滯之弊已由長沙北門外守一堂發行 平江陳君精於格致近製天球儀以銅爲質分刻度數甚詳外面約以圓圈爲黃赤道地平圈之式中裝法條按時旋轉誠巧製也

四川 永甯趙季鶴觀察近將匪徒產業追出變賣在叙永設一絕大工廠收養貧民以免滋事 萬縣劉君鳳藻自造織布機器頗屬精良由縣考驗後轉詳勸工局准予專利 成都李君煥章近在東關外指揮工人造成水車多具呈驗商局 川南鹽井向用牛車抽水近慶符會君造一水車可省牛力并可借以開井業已試驗合用集股製造 叙府屬境樟樹甚夥近有某君設立公司以西法提煉化爲象牙近已興工製造 璧山張君近集資數萬設一織造廠購置織機八十張所出之貨頗能與浙省頡頏 洪雅蕭君開泰近創一能別紗微之紀限儀大小二具變地地平經緯天球各

實業

二十六

二

儀之俯觀渾儀一座并以圖代算之渾蓋盤八個已由四川學政咨送到京呈請大學堂核驗奏請專利通行
廣東 佛山梁君雁汀創辦東興工藝廠一所教養貧民 陳君多馬近在香港創設華洋織造有限公司專織線襪笠
衫抓絨等項 粵東保安公司主人近造大小機器滅火水龍其法以銅鐵作桶中置機器預備清水合以化學藥水如
遇失火按喉水出氣到火滅輕靈便捷三尺童子亦能用之當經稟呈 大憲發局試驗已蒙批准給論專利

商務

論商部與商業之關係 節錄甲辰十二月初四日時報

自我政府鑒於商戰不利。懼將無以自存於生計競爭之世也。於是創立商部。仰見朝廷實力振興商務之至意。如此其鄭重也。乃記者瞻懷時局。竊默察乎吾國近日商業盈虛消息之故。與夫商部經畫敷布之見。諸實施者。竊有不能默爾而息者焉。今欲明商部對於國家應盡之義務。當先劃定商部對於國家所得行政之權限。大約凡歸入實業界者。皆得由商部直接管領保護。大如鐵路鑛產航業製造局廠。次若各項公司。次若行商坐賈百工執事。罔不隸於商部。商部得以直接盡其義務。乃得以直接享其權利。蓋凡百事爲。未有權限不明而可以施之行事而悉當者。故謂商部今日第一要義。宜先定行政之權限。權限既明。乃議經畫。東南利源既闢。道在日謀改良進步之方。西北荒僻不通道。在力求經始造端之法。減土貨出口之稅。以輕其成本。而抵制洋貨之輸入。擴工藝製作之場。以多成熟貨。而減少生貨之輸出一轉移間。而未興之利。次第舉行。既興之利。逐漸增進。旁溢之利。徐圖收復。此實商部今日至急最要之切實辦法也。如是則經畫粗定矣。經畫既

商務

一

乙巳

定。乃謀保護。保護華商之在外洋者。使不受外人之苛待。其遇有外人苛待華商之事。事無鉅細。有欽使。則歸欽使。直接保護之。有領事。則歸領事。直接保護之。其有厚蓄積。喜創事業。思歸國以謀利其本羣。或利其本省者。尤當加意保護之。若保護內地之商人。則首在實力提倡。凡商民之創一公司。立一商會。皆可由商部直接贊成之。如察其實為大利所在。民力不足。准由商民請於商部。商部應量力補助。否則飭由該地方官酌籌官費以補助之。略如解賠款。攤餉欠。興學堂。送學生。出洋提用公款之例。又凡與外人交易。尤宜實力保護。期於平允信實。如此辦法。不獨保護商業。而且保護國權。此商部之最宜注意者也。若工藝一途。其有能發明新法。創造良品者。當予以專利。並助其推廣銷路之力。又如創興公司。或自辦鐵路。開鑛產之人。尤當酬以特別之利益。如此則資本家思出其財。勞作者思出其力。以各經營其一方面之實業。不難矣。實業興。則物力裕。物力裕。則民氣伸。庶一切新政。可以次第舉行。而司農無仰屋之嗟。大吏無束手之困矣。

乃記者。竊窺吾國自設立商部以後。以視夫商部未設立以前。其於吾國商業界之前途。亦殊不見有何等影響。而尤可怪者。則自商部設立。而當事諸公。紛紛聚議。不曰開統捐。即曰加關稅。不曰勸募紳富。慨助鉅金。即曰招徠南洋富商。責令報効。是吾國無商部。而商人尙

得。自。生。自。息。於。交。通。貿。易。之。場。自。有。商。部。而。吾。商。人。乃。轉。增。無。數。剝。膚。吸。髓。之。痛。天。下。名。實。不。相。副。之。事。乃。至。如。此。此。真。吾。人。所。為。大。惑。不。解。者。矣。今。欲。補。救。之。敢。就。管。見。所。及。略。述。其。必。不。可。缺。者。數。事。如。下。

一。京。師。宜。訂。立。完。備。法。制。徵。引。各。國。現。行。商。律。參。酌。考。訂。成。一。專。書。必。詳。必。盡。甯。煩。勿。漏。頒行 欽定商律 舊成公司一門

各。國。商。人。須。共。恪。守。不。得。踰。越。頒。行。各。省。會。商。民。一。體。遵。行。是。為。商。部。通。行。法。制。即。與。商。部。以。執。守。此。項。法。律。之。全。權。事。無。大。小。悉。依。已。定。法。律。由。該。大。臣。一。力。主。持。內。而。樞。臣。外。而。疆。吏。不。得。有。所。干。預。是。為。商。部。司。法。專。官。此項專官即以現任商部大臣主之駐京師

一。各。省。宜。分。立。全。省。商。部。高。等。行。法。官。就。各。省。擇。有。資。望。之。紳。商。任。之。凡。遇。一。省。有。關。係。商。業。之。事。若。開。辦。若。推。廣。若。與。外。人。交。涉。若。兩。造。詞。訟。皆。令。就。本。省。商。部。行。法。官。呈。請。辦。法。或。擬。章。程。或。繕。稟。摺。行。法。官。得。就。已。定。法。律。與。為。斟。酌。損。益。其。或。商。律。所。未。載。明。者。准。隨。時。稟。達。駐。京。商。部。司。法。專。官。審。時。度。勢。增。定。規。則。以。成。完。全。無。缺。之。商。律。是。為。行。法。官。中。央。政。府。司。法。專。官。得。遙。制。之。

一。各。省。宜。設。調。查。部。調。查。類。別。約。可。析。為。三。項。一。原。質。類。若。天。之。所。生。地。之。所。長。山。林。川。澤。

原隲之所包孕。凡百工之所取材。六府之所待用者。悉隸之。一成熟類。若鼓鑄。若紡織。若縫紉。若凡百製造。若一切美術品。或成於機器。或成於手製。至於雕鏤人物。藻繪山川之事。均隸之。一轉運類。此當仿各口海關貿易冊。詳載其每年土貨出口之數。與洋貨入口之數。或土貨復進口。洋貨復出口之數。何者為大宗。何者為小數。造為清冊。以備查考。各埠商業漲縮衰旺之故。以上類別。宜令各省設為專官。責令隨時隨地。悉心研究訪察。仿昔人風俗志。物產記諸書。析為篇目。系以列表。每屆年終。呈本省行法官。行法官彙遞而上於中央司法專官。此在東西各國。名之曰統計學。統計學為各科學成立之要素。而理財與生計則尤。舍統計。幾不可以成科學。商務者固合理財與生計。二而一者也。故言商學不可缺統計。言統計則必先調查。故宜設調查部。

夫訂立文明完備之商律。納一國商業於範圍規則之中。則法制定。有司法專官。遵奉已定商律。握有監督一國商業界之全權。而設立大部於中央政府之下。則事權一。有行法官分布各省。實行已定商律。各就其一方面而施。其直接肆應之手腕。則機關靈。然後挈一國之物質的總財產。西國計學家言謂一國之土地物力等為一國之精神之總財產以周轉一國全部之血脈。滋養一國公同之生命。如身使臂。臂使指。盈虛消息。與時變通。而後吾國民生計罔

難。問。題。與。吾。國。家。財。政。困。難。問。題。皆。可。得。滿。意。之。解。釋。矣。若。夫。機。體。不。完。而。徒。創。立。名。目。藉。罔。市。利。是。猶。抱。薪。以。救。火。揚。湯。而。止。沸。也。將。並。吾。前。所。謂。認。權。限。議。經。畫。謀。保。護。諸。說。仍。無。所。附。麗。以。見。諸。實。用。則。是。商。部。之。設。不。獨。於。商。業。界。無。所。裨。益。且。又。從。而。害。之。也。是。亦。不。可。以。已。乎。

商部奏擬訂商標註冊試辦摺

竊維商人貿易之事各有自定牌號以爲標記使購物者一見而知爲某商之貨近來東西各國無不重視商標互爲保護與製造專利之法相輔而行中國開埠通商垂數十年而於商人牌號向無保護章程此商牌號有爲彼商冒用者真貨牌號有爲偽貨攪雜者流弊滋多遂不免隱受虧損今臣部綜縮商務業將一切保商之政次第舉辦則保護商標一事自應參攷東西各國成例明定章程俾資遵守上年迭准外務部咨據英美日各國駐京使臣先後照稱續議通商行船條約內英約第七款載有互保貿易標牌一事美約第九第十第十一各款日約第五款均載明保護商標及圖書版權專利各項請即設局開辦註冊事宜等情並將總稅務司赫德代擬商標註冊章程抄送到部臣等伏查英約簽字係在光緒二十八年間其時臣部尙未奉旨設立故約內有由南北洋大臣在各轄境內設立標牌註

冊局所派歸海關管理之語迨美日約簽押則在臣部開辦以後故并未載有南北洋設局字樣現經臣等公同商酌擬將標牌註冊事宜即在臣部設立總局選派專員妥慎經理并令津滬江海兩關設立掛號分局商人以標牌呈請註冊除在總局掛號者照章核辦外其在津滬兩關分局掛號者由分局轉送總局核辦俟應發照時仍交原掛號處轉給收執庶事權歸一而辦法可免分歧現當開辦之初所有一切條目章程尤宜博考詳稽以期周妥茲將總稅務司代擬註冊條款詳加釐訂復由臣等採擇各國通例參協中外之宜酌量添改擬定試辦章程二十八條謹繕清單恭呈 御覽如蒙 俞允應由臣部刊刻頒行定期設局開辦并飭津滬分局遵照辦理此項章程原以各商陸續投稟亟請註冊臣等是以擬請先行試辦嗣後如有應行增改之處統俟彙入商標通律譯輯成編再行 奏明恭候 欽定至商標原為保商之要舉無論華洋商人既經照章註冊自應一體保護以示平允惟英美日三國續定商約皆以互保為言如有華商牌號在英美日註冊者彼國亦允保護此外通商各國續議約章尙未訂定應由臣部咨明外務部照會各國駐京使臣聲明臣部奏辦商標註冊章程係准華商洋商一律遵辦應商明未經議定商約之各國政府查照通例亦允保護華商牌號先行照復備案俟定約時一併列入以免參差而昭睦誼除俟擬定圖

書版權專利各項章程再行奏明辦理謹 奏奉 旨依議欽此

商標類書

- 第一類 化學品藥劑含藥物及醫療補助品 酸類 鹽類 亞爾加里類 膠 燐 胰子 酒精 食鹽 石灰 硫磺 鑛泉 各種之藥材 賣藥即丸散膏丹 綳帶 綿紗 脫脂綿 海綿等 均醫家所用 第二類 染料 顏料 塗料 藍 藍靛 紫根 綠青 洋靛 朱丹漆 假漆 油漆 靴墨等 第三類 飾容料 齒牙頭髮 及皮膚磨洗料 香水 香油 髮膏 線香 脂粉水 牙粉 洗面粉等 第四類 金屬及已成之材料 生鐵片 鍛鐵 鋼鐵 條鐵 鐵板 鐵線 銅 銅板 銅線 淨鉛 融鉛 錫 合金等 第五類 金屬製品 鑄物 打物等 第六類 利器 及尖刃器 鏢 鋸 鑿 錐 鑿 斧鉞 剃刀 針 釘等 第七類 貴金屬 寶 玉類及其製品與象真品 金 銀 白金 紫銅 金剛石 珊瑚 瑪瑙 水晶等 第八類 建築用又裝飾用鑛物質及其他之物料 塞門德 粉牆灰 石料土 瀝青 等 第九類 陶磁器及土器類 陶器 磁器 土器 瓦 煉瓦等 第十類 景泰 藍又名七寶燒 第十一類 玻璃及其製品 玻璃板 玻璃管 玻璃球等 第十二類

商務

七

乙巳

各種之機械裝置及其各部 汽機 汽罐 氣機 水力機 織機 紡績機 印刷機
 等 第十三類 農工器具 犁 鋤 鉞 箕 鐵鏈等 第十四類 理化學醫術測
 量教育上之器械器具及度量衡器 附眼鏡及算數器類等屬 第十五類 樂器 第十六類 時辰
 儀及其附屬品 第十七類 船車類 人力車 自轉車 船舶 鐵路用車輛 車輪
 等 第十八類 槍礮彈丸及爆發物類 第十九類 煙草類 第二十類 茶 珈琲
 類 第二十一類 牛乳及其製品 鮮乳 罐裝牛乳 乳油等 第二十二類 穀菜
 種子類 附五穀粉薯粉等屬 五穀 蔬菜 筍 筍 農業及園藝用之種子類麥粉葛等 第二
 十三類 食料品及調味料 肉類 卵 罐頭食物 茶葉 菓食 麵包 芥子 胡
 椒等 第二十四類 蠶種 野蠶種及繭 第二十五類 綿 麻 苧 羽毛 髮
 骨類 第二十六類 生絲 絹絲 及野蠶絲類 附金絲銀絲類等屬 第二十七類 綿紗 第
 二十八類 毛紗 第二十九類 麻絲及與第二十六類至第二十八類不同之絲 第
 三十類 絹布及其製品 第三十一類 綿布及其製品 第三十二類 毛布及其製
 品 第三十三類 麻布及其製品 第三十四類 凡與第三十類至第三十三類不同之
 織布及其製品 第三十五類 絲類之編物組物等類 第三十六類 被服類 帽子

手套 無大小 衣服等 第三十七類 釀造物及飲料 醬油 醋 葡萄酒 麥
 酒等 第三十八類 砂糖蜜類 白砂糖 冰砂糖 蜂蜜等 第三十九類 文房具
 紙及其製品 筆 墨 硯 印泥 石筆 鉛筆 紙 紙仿皮 油紙 帳簿等
 第四十類 皮革及其製品 附各種之類 毛皮 軟皮 柔革 馬具 皮帶 靴 箱
 包等 第四十一類 燃料類 煤炭 焦炭 薪 木炭 燭心等 第四十二類 寫
 真及印刷物類 照片 書籍 新聞紙 圖畫等 第四十三類 玩具及遊戲具類
 皮球 骨牌 偶像 檯球具等 第四十四類 甲 角 牙類之製品及其仿造品
 第四十五類 藥草及其製品 麥桿 席 繩 笠 草帽辮等 第四十六類 傘
 杖 履物各種扇類 第四十七類 燈火器及其各物 洋燈 燭臺 提燈等 第四
 十八類 刷子及假髮 第四十九類 木竹籐類及其製品 附木皮竹皮類等屬 木 竹 籐料
 椅子 桌子 桶類等 第五十類 樹膠製品 第五十一類 燐寸 即火柴 第五十
 二類 油蠟類 第五十三類 肥料 第五十四類 以上未列各商品隸入此類
 商部代奏左參議王考察長江一帶商務情形摺
 竊臣奉 命考察南洋商務於本年三月二十日請 訓二十四日出都由天津航海南下

商務

九

乙巳

先至上海旋赴蘇州無錫江甯武昌漢口返滬後又赴江北之通州逐加考察每歷一處總集商董宣布 朝廷德意俾知臣部職在保商凡有經營貿易者必當力爲維護衆商聞之罔不懌悅此外長江各埠如鎮江蕪湖九江所有商務亦均留意訪查謹將大概情形爲我皇上陳之伏查長江商務以上海漢口爲最鉅上海一埠市面繁盛航路交通爲中外商人鱗萃之區有華商機器紡紗廠九家機器繅絲廠二十九家其餘機器造紙磨麵織毛巾仿造洋燭洋胰洋繡貨火柴等各司所在林立實得風氣之先近經臣部札委職商嚴信厚等開辦上海總商會復有職商孫多鑫等稟准臣部開辦商學會聯絡研究於商務更有裨益漢口一埠據長江上游爲晉豫川湘各行省土貨灌輸之地出口之貨茶葉與米糧較多桐油藥材牛皮豬鬃官麻等貨次之考核上年貨價約值銀四千餘萬除進口貨價抵銷外約可贏銀千萬兩以上雖目前風氣初開華商之講求製造者僅有燮昌火柴公司耀華玻璃公司兩家而該處軌路大通土貨雲集若因勢利導勸辦各公司將來商業之盛必更過於上海無疑此外各埠江甯蘇州以綢緞爲大宗通州以花布爲大宗鎮江以花生牛羊皮爲大宗蕪湖以米業爲大宗九江以紙張磁器爲大宗類皆各占土宜以供商運其內地紳商之講究實業者如臣所至之無錫則有裕昌絲廠業勤紗廠通州則

有大生紗廠廣生油廠大興麵廠皆已著有成效其餘華商公司之甫議興辦者尙多洵能收回利權開通風氣至於各省官辦之舉江甯則有工藝局農工實業學堂蘇州則有工藝局蘇經絲廠蘇綸紗廠湖北則有製麻織布紡紗繅絲四局及農務學堂商品陳列所在各督撫臣均能竭力提倡以爲民望風聲所樹商務自必日有起色臣考察所至復與衆商加意聯絡諄諄以整頓土貨仿製洋貨籌集華股分設公司爲勸惟是應辦之事甚多而財力恆虞不給日俄敗釁以來商情尤不免觀望絲茶兩項歲逾巨萬欲令集合公司自行運銷外洋任大責重一時未易成議現飭各埠各業迅速推廣商會以立基礎絲茶兩業商人亦令逐漸講求勉爲自保利源之計此臣夏秋以來考察長江一帶商務之大概情形也抑臣更有請者值此列國競爭以商戰爲主義洋商之來華者類皆諳習商法洞明財政爲各國商業學堂卒業之士我國商人未嘗學問於阜通貨賄之義盈虛消息之機未能洞悉彼明此闇形見勢絀互市數十年動爲洋商所持者以此方今 聖明重視商政廣勵實業上年學務大臣等奏定學堂章程其學務綱要內稱通商繁盛之區宜設商業學堂先行選派學生出洋學習又實業學堂通則內稱各省宜先體察情形寬籌經費將應設之學堂預爲布置又實業教員講習所章程內稱各行省應暫特設一所養成實業教員等語籌畫至爲周

商

十一

乙巳

密現在各省議辦實業學堂者先後選派學生出洋肄業惟聞各省籌款不易出洋之實業學生中學習農工以外專習商業者無幾而各省應設之商業教習講習所尙付闕如臣愚以爲商業一門如算術簿記商品財政等科目類皆研究法居多視農工之事必須實驗者有間似宜先就商務繁盛各埠酌設商業教員講習所招致內地文人年壯才明通曉書算會習外國語言從事普通教育者到所各擇簡易之課程分別講習以期速成如此則初等中等商業學堂不難迅爲籌辦所需教員即從講習所遴選派充此項學堂與講習所如有紳商富戶集貲創設者照章奏請從優獎勵以昭激勸數年之後內地既多熟諳商務堪充教員之人而出洋學生亦均畢業回國便可推廣中小商業學堂一面再立高等商業學堂以教精深之理法既無凌躐之弊可得通達之才庶幾於商業競爭之場猶足徐圖抵制而 國家富強之計亦即於此握其樞焉擬請 飭下各督撫分別妥籌辦理以期振興商務收效較速於時局不無裨益謹 奏

各省商業彙誌

京師 商部議在京師衙門之區設總商會派二司員輪流值日凡遇應議事件皆可會商藉以聯絡商情聞已擇定正陽門外西柳樹井大街鳩工興築矣 某書局具稟商部請在北京上海設立書會以通聲氣而禁翻印等情已奉批准

立案 丹鳳火柴公司經商部批准辦理並許專利十年且由商部中人入股銀五千元

奉天 北洋煙草公司宏記分銷處近已開設錦州東衙衙門胡同路東陳設龍崗商標

山東 濟南開辦商埠在城西租地四十餘頃其中華洋貿易處華商貿易處堆貨處外國住家處領事駐紮處以及花

園菜市營房等無不俱備洵大觀也 濰縣商埠已勘定東圩門外一帶距火車站約五六里插標興築 滋陽興辦商

會自西門至東城入會者約二百家

山西 晉省商務以太谷為中樞近於該處設立商務總會再酌設分會於各處以資聯絡

河南 許省山陝會館創辦商務會以日昇昌票莊為總理寶興隆票莊為協理共計三十餘行議定每月初二日集會

一次

江蘇 上海商人周君廷弼獨力創辦機廠數所經商部奏獎派充三等顧問官奉 旨依議並賞二品頂戴

江淮 金陵商務局議於新造局屋內附設商品陳列館及商業學校稟由省憲核准飭於司庫新政項下及銀元局盈

餘項下每月各撥銀一千兩以作經費 揚州南門外創設機器麵粉公司近已建設完備不日即開工製造

湖北 鄂督張勳帥奏辦由漢口至青山三十里建築商場近已興工並議於三十里內修造房屋租賃商人即以所收

房金為該路常年修理之費

廣東 近由七十二行商等集議在佛山萬善堂設立商務會

商
務



十
四

三
頁

雜俎

光緒三十一年正月中國事紀

▲為記者知此事之見於是日也
△為記者以見報之在是日也

正月初二日。▲奉 詔綏綏直隸武清等州縣地丁錢糧。△新疆巴爾魯克山地方。被俄兵重行占據。伊犁將軍爭之。俄不從。按該地前為俄所租。俄後已歸還中國。初三日。△中國答覆日本政府聲明中國並無不守中立之事。初四日。▲奉 詔綏綏山東各州縣地丁錢糧。△戶部查明庫款存銀一百七十餘萬兩。△戶部造度支簡明表成。△川督錫良奏准贖租百石。提捐四石為自辦川漢鐵路經費。△駐俄華使胡惟德電稱俄政府不認我中立。近在我西北邊境。陸續添兵。△英使照會外務部。拒我索還威海衛之提議。△新簡魯撫楊士驤與德使私會於京外之天甯寺。聞德使要索山東開礦五處。又在青島增

雜俎

兵二中隊之利權。△開澤浦鐵路。由中國收回。自行管理。△聞法國某公司。請法使向政府索取福建路礦利權。并欲開採直隸山西交界處金礦。初六日。△外務部擬飭各省督撫。不得擅與外國人私訂各種約章。△潮汕鐵路由商部奏准。一切均歸商部主持。△膠濟鐵路築枝路於小清河。已定議。初七日。△政務處奏定羣臣會議要政章程七條。△政務處通飭各省將各州縣事實清冊展期開報。△政府議將四川前屬打箭爐其後判隸西藏之瞻對土司。改土歸流。△戶部向匯豐德華兩銀行借英金一百萬磅。以山西烟酒及百貨釐金為質。△豫撫陳夔龍奏報開鄭州為商埠。△直隸文安縣有拳匪餘孽謀亂。直督袁世凱派兵赴剿。△俄以重兵窺我庫倫伊犁。△英使又要求川藏鐵路敷設權。△法使請會勘廣西龍州邊界。△駐廈門日本領事因潮汕鐵路日工二人被殺一案。向華官要索六款。初八日。△外部通飭各省商辦礦務。填給外人游歷內地執照。

三十三

乙巳

除聲明往某處商辦外。不得有別種字樣。△各國於開
 辦鑛務一案。從各國所請。政府乃擬定三條。一。金價須按月
 折中算定。一。以前虧欠之款。再計息。一。未開鑛期。每月預付之款。須
 按月扣還。其餘各國不允。但尤中國再出一百二十萬。即可將辦
 辦。△江督周馥奏請派北洋海軍統領葉祖珪總統
 南北洋海軍。△奉天將軍增祺因馬賊攻襲彰武縣電
 告政府。請派兵往剿。政府從之。△陝西邊界有土匪千
 餘人作亂。△新疆不靖。以裁汰營兵積欠餉項故也。△
 湖北京山縣有關敵事。△法使告外務部。謂法國願揀
 選工程司。以為中國造龍州鐵路之用。并願代中國籌
 借築路款項。初九日。△奉直駐邊各軍。因俄兵屢入
 我中立地。傳令一律戒嚴。△俄兵入喀什噶爾。據之。△
 有俄兵官率兵二百餘名。擁入奉天電報局。擅行搜檢。
 後將員司工役等十餘人。擁至車站。鋼之。△德人禁華
 人在即墨勞山左右伐木為炭。初十日。△政府議禁
 開捐實官。△滇撫林紹年奏陳雲南實在情形。請免再
 派一切解款。十一日。△日本改中國青泥窪地名為

大連。十二日。△廣西羅城三防城復有悍匪肆擾。△
 御史徐國盛以湖北宣城民變事。奏劾鄂督張之洞。△
 俄兵一萬五千名。闖入新民屯南面之中立境內。△俄
 人在奉天訂造戶口冊。又伐 北陵之樹。又占
 奉天兵刑工三部衙門為營務處。十三日。以吳廷
 斌調補山東布政使。劉春霖調補雲南布政使。曹鴻勳
 調補湖南布政使。袁開第授貴州布政使。陳燦授雲南
 按察使。△議改武衛右軍自強軍為北洋常備軍第四
 鎮。改武衛先鋒各營及新募軍士為第五鎮。又募第六
 鎮。△北洋常備軍第三鎮由保定移駐德州。十四日。
 △征西官軍在慶遠府屬大寧寨牛欄關里湖等處。擒
 獲匪首陳老妹等十一名。又初八九十日。武軍在六
 都基田龍團等村。斃匪首章炳秀等十餘名。起出被擄
 男女七十餘口。△俄兵越阿爾泰山。有占阿拉克之勢。
 △日人拘遼陽州知州陳良傑。旋釋之。十五日。△俄
 兵在庫門劫我糧車一百二十餘輛。十六日。△滿部

咨行各省。飭將工藝局所列表具報。△漢陽鐵路因入不敷支。將煉鋼等五廠暫行停工。△俄使強索伊犁諸地開礦權。△前福建船政廠洋監督杜業爾辭退時。月薪川資。均照給。法使忽又向外都再行要索。十七日。△河南之河北有匪衆滋事。狀害蘆漢鐵路洋員機匠難役等七人。△議修東陵鐵路。△兵部侍郎鐵良回京覆命。十八日。△江甯在日本訂造之江元兵輪行進水式於神戶。十九日。△奉旨派查辦西藏事件大臣唐紹儀出使英國。△西藏達賴喇嘛匪徒庫倫政府勸其回藏。△財政處議令各省關出入款項。按月造冊具報。△練兵處議設兵工廠於京師。△奉宸苑領款一百萬兩。以修理三海及頤和園各工程。△政府決意自辦京張鐵路。△川漢鐵路奏派趙爾豐爲總辦。咨明商部立憲。△撫撫李經羲奏軍需緊迫。請將所有應解上年九十兩月。暨本年四個月洋款。一併緩解。奉旨照准。△山東濰縣因煙葉加捐激變。商民聚衆燬

雜俎

局。△黔撫林紹年派學生留學安南河內。△俄政府以駐北京主教有私買官地之案。有犯教規。將其撤回。△意大利議將駐紮中國之兵撤退。△德人在吳淞口安設由上海至膠州之海底電線。二十日。△以鄂督張之洞練軍有效。傳旨嘉獎。江督及甯皖巡撫等。申斥有差。從嚴良請也。△照復阿奏籌墊鉅本整頓鹽綱。傳旨嚴行申飭。△欽派李盛鐸查辦盜賣東陵官地與俄人事。△四川甯遠土蠻變亂。川督命練軍平之。△江督周馥以上海公共公廨委員黃煊貪污。撤其任。△政府命駐俄公使胡維德請俄國將聚集喀什噶爾伊犁之俄兵撤退。又請禁止俄人在蒙古及熱河等處購買軍需。△英人所造鐵路。通至前藏。并派員查勘該處礦務。二十一日。△閩浙總督魏光燾江西巡撫夏崧奉旨開缺。以升允署閩浙總督。曹鴻勳授陝西巡撫。△吏部改訂出使隨員章程。已滿三年者。准照異常勞績獎敘。不准越級請獎。△江督命上海製造局每月節

三十五

乙巳

省六萬金以歸新廠。△江西前議加鹽價以築鐵路。茲以民困緩議。二十二日。△詔勅赦汗郡王勸恩札勒諾爾被戕案。△以龐鴻書授湖南布政使。英瑞授湖南按察使。張運芬授山東鹽運使。特圖慎授都察院左都御史。溥頤授察哈爾都統。繼祿調吏部左侍郎。壽耆調吏部右侍郎。明啟授理藩院左侍郎。△御史黃昌年奏劾督辦鐵路大臣盛宣懷。奉旨交鄂督張之洞查辦。△滬商議開雲南銅礦。供各省鑄造銅圓之用。二十三日。△戶部銀行謀攬全國鑄幣權。△政府與京漢鐵路議定轉運軍需新章。二十四日。△以台布授都察院左副都御史。△粵督岑春煊因廣西已大致肅清。電奏請回駐廣東。辦理要政。奉旨依議。△聞英政府議將西藏賠款減為英金二十五萬鎊。英兵占領春不之期不得逾三年。△廣東潮汕鐵路公司日工二人被戕案議結。給卹款二萬五千圓。賠款十五萬圓。二十五日。△以錫桐授陝西按察使。△中法商人各集股二百

萬兩。創設華興銀行於天津。奉由直督批准咨部。二十六日。△吏部奏請除書吏以私費充公。奉旨依議。△商部刊發甲辰年紀事備明表。△直督袁世凱擬募內債四百八十萬外債三百萬為軍事費用。△兩粵督撫奏。凡捐有實官人員。准其越級加捐一摺。經部議准行。△廣東饒平縣雙刀會匪毀教屋五十餘間。二十七日。△浙江之新昌奉化有匪徒蠢動。△日本政府照會中國政府。請派兵駐守南滿洲。然未聲明該地永歸中國。△英國發表西藏交涉案。知印度總督與其統將意見不合。二十九日。△粵紳伍銓萃庇護長壽寺僧糾衆劫奪商業時敏兩學堂校具。各學堂大動公憤。一律停學。△法使要求在甯甯府開一專管租界。又謂川漢鐵路雖中國自辦。然工程師必須用法人。△美國富人摩根擬合英美德法俄五國共出資本五十億。合修中國鐵路。即從粵漢鐵路入手。三十日。△諭飭摺奏不准引案以昭核實。△電飭浙撫聶緝綏速整江海防

備。△政務處議改盤查倉庫章程。宜將詳細數目繕具清單。卽於覆命時恭呈御覽。△練兵處議定考試武備學生章程三條。超等者派往各省充各營教習。特等者酌留常備各營委用。一等者飭派入練兵處當差。△吏部定議出使隨員。凡係實缺均改爲奏調。△刑部奏准開設法律學堂。△俄使聲言若中國不許俄兵在戰地交通之地輸運戰品。則俄國將以遼西蒙古地方爲取償。

光緒三十年十二月中國事紀補遺

二十七日。△有俄兵駐喀什噶爾恰克圖伊犁各處。並訓練蒙漢人民。令充兵役。△奉天將軍增祺電告外務部。謂屢請俄官將駐省城俄兵撤退。俄官不從。△法商晏薩雷請開湖北勸陽府銅礦。鄂督張之洞電請外務部力拒之。△美政府不允中國廢去粵漢鐵路之約。△直督袁世凱請派兵往駐吉林。調吉林原有之兵。移駐

雜俎

東陵。△日本政府行文各國。辨明俄人誣指中國不守中立事。△吉林將軍因圖們江一帶韓人常借俄兵行劫。電請政府知照韓國。從嚴懲辦。政府從之。△俄兵在蒙古及遼西一帶強奪貨物。△法人在廣州灣附近。藉討伐土匪爲名。殺土民無算。△法使欲在廣東租界外屯兵。粵督岑春煊拒之。法使不從。二十八日。△鐵路大臣盛宣懷與上海俄領事議結俄艦水手殺人案。仍依前斷監禁四年。兼作苦工。因將全案咨送駐俄華使胡維德上控俄京。

三十七

乙巳

蘇工雜畫錄九東



雜
畫



三
十
八

二
月

商 務 印 書 館 出 版 類

英國詩人吟邊燕語

每部一册

價洋三角五分

蘭中林琴南先生善譯小說膾炙人口每特發言今又譯英詩人莎士比亞筆記莎為歐洲詩聖其所著述梨園演唱至今勿衰此為其詩之紀事凡二十則先生一一為製新名其目如下肉券馴悍變誤情仇金神台盡微醫諸獄配鬼詔環證女變林集醜聞袖玲珠還黑替婚詭情感嬰引全書約五萬言光怪陸離實近出說部中別樹一幟者也

福爾摩斯案 中 案

每部一册

價洋二角

是書紀英國一女子父官印度既歸忽不見蹤跡由郵局寄來明珠一顆後又得一匿名信邀往戲園女約福爾摩斯同往既至有車相迎福與女登車至鄉晤某甲知女父已死且知女父與甲父同在印度及寄珠之故又往見甲兄至則甲兄適死福斷為一木足人及印度蠻人所刺後於江上偵獲兇手而此案原委遂明後此女與華生行僧老之約情節離奇豈願實偵探小說之傑出者也

環 遊 月 球

每部一册

價洋三角

是書紀美國格致家數人欲游行月球造一極大之砲配用合宜之火藥彈子測準月球軌道三人入居彈中攜帶種種需用之物既放砲後彈子飛出三人就彈面玻璃窺視見有無數奇異景象後彈路稍斜不能入月而相距極近環繞一周盡見月中真相彈旋墜海經人撈獲三人出彈備述所見題曰環游月球茲由日本譯本重譯而出文筆雅潔無比實科學小說中之別開生面者也

商務印書館出版類

奪 嬌 奇 冤

洋裝一冊
價洋五角

此亦偵探小說也但其踪跡之奇離結構之新穎直可視於各種小說而上之書凡四十四回其間曲折與衍使人迷離莫測者讀至四十回時斷無能料此案之結果者迨卒讀一過殆未有不拍案叫絕者也至其中法官斷之和平詳審包探辦事之神奇機警義夫烈婦之感情真切足以涵養國民之性情增長吾人之見識者尤多吾願世人於香酒以讀之

空 中 飛 艇

上 價洋二角五分
中 價洋二角

是書為日本押川春浪君所著以高尚之理想科學之觀察合而成之一名目歐戰爭久為日本學界所歡迎飛艇之事雖優孟之言然亦為中事也○書本由明權社發行現板權已讓歸本館并此聲明

經 國 美 談 前 後 編

每部一冊
價洋五角

是書演希臘時亞普與齊武二國志士之爭久為學界所賞讀初出版時僅有前編未成完璧本館覓其全稿成前後二編以餉世之愛讀此書者

佳 人 奇 遇

每部一冊
價洋七角

是書早已流行海內惟原本由報中陸續附印今集為一編庶成完璧

商務印書館出版類

夢遊二十一世紀

每部一册
價洋二角

是書為荷蘭之哲學士所著英人培克斯譯為英文風行歐洲各國遞相傳譯為不朽之傑作此本悉據英文
譯出書中所述皆本格致之原理推世界之進步如錫世界轉運力管萬國圖書室博覽院氣球公司等新理
最出為科學家必備之書

補譯華生包探案

每部一册
價洋二角

最先譯包探案者為上海商務印書館明社續譯凡六則文明書局復選譯之凡七則顧華生自言嘗輯編
而摩斯所偵奇案凡七十件此不過三分之一耳時人多以未睹全書為憾本館又覓得六則特補譯之為哥
利亞司考得船案銀光馬案編婦匿女案墨斯格力夫禮典案書記被騙案旅居病夫案以貽世之愛讀偵探
讀者

金銀島

洋裝一册
價洋二角

是書為英國司的反生所著述航海發掘藏金之事在島中與羣賊爭戰事跡離奇乃一種冒險書也

商 務 印 書 館 出 版 類

三 國 志 演 義

每部十二冊
價洋一元

東 周 列 國 志 演 義

每部八冊
價洋七角

水 滸 傳

每部
價洋

岳 傳

每部
價洋

聊 齋 志 異

每部八冊
價洋七角

商 務 印 書 館 出 版 類

繡 像 小 說

預 定 第 二 十 五 冊 至 第 四 十 八 冊 全 年 四 元

歐美化民多由小說搏桑觸起推波助瀾其從事於此者本皆名公鉅卿魁儒碩彥察天下之大勢洞人類之積理潛推往古預揣將來然後抒一己之見著而為書以醒齊民之耳目或對人羣之積弊而下砭或為國家之危險而立鑑按其用意無一非裨國利民中國建國最古作者如林然非怪謬荒誕之言即記穢褻邪淫之事求其裨國利民者幾幾乎百不獲一夫今樂忘倦人情皆同說詞唱歌感化尤易本館有鑒於此於是鳩合同志首創此編遠撫泰西之良規近挹海東之餘韻或手著或譯本隨時甄錄月出兩期藉思開化夫下愚進計貽譏於大雅嗚呼庚子一役近事可稽愛國君子倘或引為同調暢此宗風則請以茲編為之嚆矢著者雖為執鞭亦忻慕焉

各 種 編 譯 目 錄

- | | |
|----------|-------------|
| 文明小史 | 老殘游記 |
| 活地獄 | 癡人說夢記 |
| 醒世緣彈詞 | 月珠殖民地小說 |
| 泰西歷史演義 | 以上編纂 |
| 京話演說英軼日記 | 汗漫游 (譯英文本) |
| 維新夢傳奇 | 天方夜談 (譯英文本) |
| 經國美談新戲 | 回頭看 (譯東文本) |
| 益智問答 | 珊瑚美人 (譯東文本) |
| 時調唱歌 | 賣國奴 (譯東文本) |
| 鄰女語 | 以上翻譯 |
| 負曝閒談 | |

商務印書館出版
戰史類

義大利獨立戰史

每部一冊
價洋四角

美國獨立戰史

每部一冊
價洋四角

普奧戰史

每部一冊
價洋五角

尼羅海戰史

附溫聖脫
哥品杭戰史

每部一冊
價洋二角五分

法國戰史

每部一冊
價洋四角

飛獵濱獨立戰史

每部一冊
價洋三角

處此物競世界戰爭
爲不容已之事於以
衛國於以保種舍是
蓋未有能自存者也
歐人尙武戰術日精
陳述具在足資取法
京師大學堂新定章
程高等學堂至第三
年卽習兵學專以戰
史教授 朝廷重武
具有深意有志之士
異日欲効命疆場以
衛吾國以保吾種亦
安可不鑑古證今而
預爲研究耶

及電音之用。古亞路十七號。犯住址也。以上二證。被控律師哥耳可杭亦無從指駁。余曰。來監脫之回電有證。據乎。馬曰。有室號數目。白力克司登郵局有女傭至。麻白。電由使者送古亞路十七號。自餘諸證。皆犯自言之。故哥耳可杭窮於辯護焉。余曰。是案肇端。即如作繭之縛。馬曰。然。初主讞雅克生。斷謂犯匿真名。誘死者與同居。既而盜其金。而謀斃之。余曰。期券故在。足證非盜。馬曰。此吾知之。惟後此各據。一一皆足以致之死也。何則。死者爲犯之外婦。凡事涉姦私者。情益險詭。不可以常情測。余曰。究無可據爲謀斃者。馬曰。君尙未聞逆旅女傭之證也。彼云。渠入室時。犯植立無言。死者則啼呼曰。汝欲斃妾。汝欲妾死云云。凡婦女有腦病者。往往憤而言此。不足怪。而主讞者方力求佐證。得此語。重不啻泰山。謂要領在是矣。余曰。然。馬曰。女傭又謂彼出時。可灑掃事。未遠離。及復入房。則婦已斃。余曰。豈女傭目睹死者室。竟未一瞬離耶。哥耳可杭曷不以此指駁。馬曰。哥未嘗不見及此。奈女傭堅謂此時無人上樓者。餘室皆空閉。自犯去後。不聞死者有爭鬪聲。並極微之聲。亦無之。犯離死者室。距彼離室時。僅數分鐘也。又去時。命彼於二小時內。勿驚孟禿客夫人。余曰。此言又不利犯。馬曰。然。雅克生謂此二小時者。是犯謀鬼脫也。銀行寫字人。則記犯取二百金日。即是案發日。彼能識取金者貌。並期券字爲死者所簽。余曰。此二百金問題。誠使余生疑者。翰時及此否。

馬曰。是案重要處。即在犯換券收金耳。余曰。君言良是。馬曰。醫者云。死者以扼吭斃。指痕炳然。斃在二小時前。余曰。犯時適離室耶。曰。然。余曰。孟禿客至案否。馬曰。孟客買山里。地熱病盛作。官其土者。據醫言移麥云。孟患熱已數星期矣。故其妻亡亦無敢告之者。恐疾增劇。余曰。與讞諸人之當其罪。曾久研思否。馬曰。未五分鐘死罪決矣。余曰。然則彼皆無稍疑竇耶。馬曰。無疑。疑者惟君與我。余曰。噫。犯死必矣。刑以何日。馬曰。三星期後。未至時或可為謀。然事亟矣。君時時著書。富思想力。能出一策為偵者助乎。余曰。余早夜求索。中無可疑者。以情度之。則莫若孟禿客。特無如其遠在買山里何。馬笑曰。小說家科白。豈君尙未脫。而猶有此疑。孟何以知其婦與犯旅居麥監脫。又何以能使人信兇徒為其婦之所歡。似非事實所宜有。余曰。余非無稽談也。天下事常有似近實遠。似遠實近。變幻之奇。甚於憑虛結撰。竟有非小說家意計所能及者。君憶法國馬古路案乎。殺人者為一脫羈之猿。今近麥監脫有獸園一。往來鐵路站。見巨屋揚以幟。圖之揭。燦若霞綴。筦者貴族占其聖甘也。馬曰。是園為麥監脫海濱名勝。余曰。園象獸所至廣。設聽事供跳舞。綴種種飾金鏡。後接巨廠。多畜諸獸。最夥者為猴。種不一。大者為烏倫蕩猴。其至小者可囊貯為戲。馬曰。君謂烏倫蕩能私斃人乎。余曰。意測耳。事有無不能必。要之案發之日。猴私出與否。當詢究之。蓋既見於馬古路矣。則余

之疑亦不爲妄。馬曰。與君意同。余曰。然疑其夫也。甚於疑猴。吾病愈必渡海峽至買。馬曰。曩醫言彼綿悒牀蓐間。已數星期。病危且劇。不識尙在否。曰。雖然。余必往。馬曰。吾不阻君。吾亦將詐麥監脫。苦格於事。眇暇。蓋案纍纍。頸勾當。吾代君究烏倫蕩猴耳。然吾又疑及逆旅之女傭。吾將遊華立格而以事探察。余曰。君疑女傭乎。曰。然。余曰。君疑女僕。然彼曷爲而斃孟夫人。此理宜推討者。馬曰。願奉教。余問曰。死者性固卞急易恚乎。將實有嫌於傭。傭不能堪。激而出此乎。抑死者有心疾。怯而受傭之逞。驚絕隕命乎。抑傭入室見死者卽出。無他端乎。馬曰。富哉理想。以愚觀之。或女傭斃婦非有意。乃過失耳。曰。何以知。馬曰。此想基於逆旅主人記死者之日用。讞時呈廨資攷察者。記最多爲威司格酒。由是知死者湛麴蘖。或飲醉傭入。犯出室無他人。死者酗擊傭。傭自衛。偶失手。致婦斃焉。或傭迫而推禁婦。大醉者心恇。攔易絕。不能受極微恐怖也。余曰。是理當然。馬曰。傭觀婦死。必不敢以自衛致斃人出告。恐人不我信。又慮不能逃執法。毋甯佯不知。證他人以滅己罪。余曰。君曾詰女傭乎。馬曰。彼爲告者證。吾烏能詰己之證。余曰。然則君之麥監脫。余之買山里。必得一可無憾者。馬曰。所疑三君任其一。吾任其二。後當以所歷相參較。余曰。善。余心不自甯。卽欲行詣買。病不果。數日始瘥。雖首塗。益皇遽。蓋去犯典刑日愈迫近也。

第五章 及格里末述

余在獄時。賴華先生來。賴英產。性溫博。設余與易地處。則念息圖復仇。不遑及他事也。賴則不然。來于予。齷然盜於面。或謂英之人多皮重血冷。志緩。大可笑。觀於賴益信。余箕踞。以脊持壁。賴謂余曰。汝所居室。視曩苦吾者。更促以固。然吾以術出。汝奈何鬱鬱久居此耶。余曰。先生何謔之甚。曰。汝母誤。平居吾時時好詼謔。今則憂來不可撥。以買山里事梗吾慮耳。吾欲臚此事於冊。以宣諸世。汝有與焉。欲知吾事者。吾自筆。不如他人筆之。今來勾汝。余以其語之奇謔也。輒然而笑。賴曰。汝繫此三星期耳。獄以三年期。而汝無幾微戚容。詭也。甚於謔矣。獨不見與汝同獄之馬。可脫文暨約羅。蹙額終日。恐不遠與鬼鄰也。余謂汝當淹繫三載。而警察員則云恐展倍之。汝自度釋以何日。余曰。是在汝。我法國主讞者。凡被控受刑之重輕。視告者証之多寡而決。賴曰。有此例乎。惟吾之証。則視汝之自爲而斷。余曰。何也。賴曰。無他。汝第即若何與吾遇。及所以待吾者。直書之耳。余曰。君尙謂無謔耶。於未翰前。即令余自輸其實。吾愚夫也哉。賴曰。惟愚夫有此誤會。輸情與否。汝當自知。終無所逃罪矣。今吾與汝約。汝所述必以誠。吾必不一字易。余窺賴母害。所約似非不利己者。況法英立約。非吾二人始。即曰。約無偏利。吾筆吾實。君當薄吾罪。賴曰。然。汝實言。以菸卷資汝。余喜曰。我法下獄